

BEATI RABANI MAURI

ABBATIS FULDENSIS ET MOGUNTINI ARCHIEPISCOPI

EXPOSITIO IN PROVERBIA SALOMONIS.

LIBER PRIMUS.

CAPUT PRIMUM.

*Parabolæ Salomonis filii David regis Israel. Parabolæ Graece, Latine dicuntur similitudines. Quod huic libro vocabulum Salomon ob id imposuit, ut sciremus altius et non juxta litteram intelligere quæ dicit : in quo Dominum significat per parabolæ turbis suis locuturum, sicut etiam nomine proprio et pacifico regni sui statu regnum Christi et Ecclesiæ perenne denuntiat, de quo scriptum est : Multiplicabitur ejus imperium, et pacis non erit finis super solium David et super regnum ejus (Isa. ix), sicut templi constructione ac dedicatione, ædificationem significare Ecclesiæ, quæ tempore resurrectionis in æternum dedicabatur insinuat. Nam et ipse filius esse David rex spiritualis Israel etiam turbarum testimonio, quæ ei in Jerosolymam venienti cum palmarum ramis et laudibus occurrerent, declaratur. Notandum autem quod vulgata editio pro *Parabolis*, quæ Hebreæ *Mas Loth* vocantur, *Parhoemias*, id est Proverbia, dicit; sed nec ipsum nomen abhorret a vero. Quæ enim parabolæ recte nuncupantur, quia tam occulta sunt, possunt non incongrue etiam proverbia vocari, quia talia sunt quæ merito sepius in ore colloquentium versari ac memoria debeat retineri. Nam et proverbia plerumque tam obscure dicuntur, ut merito eadem possint etiam parabolæ nomine notari, Domino attestante, qui ait : *Hæc in proverbiis locutus sum vobis, venit hora cum jam non in proverbiis loquar vobis, sed palam de Patre annuntiabo vobis* (Joan. xvi). Quid autem utilitatis parabolæ Salomonis conferant, Prov. 1, sacerdotio tituli monstratur cum subditur :*

Ad sciendum sapientiam et disciplinam. Sapientiam autem et disciplinam scire est, quomodo recte credere, qualiterque vivere oporteat, quemque veraciter didicisse. Quo intentionem cordis dirigere, quid operando gerere conveniat nosse. Quod autem adjungit :

Ad intelligenda verba sapientiarum, et suscipiendum eruditionem doctrinæ. Monet eos quos imbut, ut non solum sapientiam quam semetipsi perceperunt, amplecti, et disciplinae virtutum quam cognoverunt scient inservire; sed etiam verbis prudentium, quibus ad perfectiora proficiant liberter auscultare, et hoc solerter intelligere carent

A *Justitiam et judicium et æquitatem. Justitia est in eis, quæ secundum regulam veritatis bene operamur. Judicium in illis, quæ recta discretione cum proximis agimus, æquitas in eo, cum sincera intentione Deo soli in his quæ recte gerimus et judicamus, placere contendimus.*

Ut detur parvulis astutia, adolescenti scientia et intellectus. Parvulos dicit eos qui nuper sapientiam aurem accommodare coepant, adolescentem qui aliquantum jam in ejus auditione proficit. Et ideo fortasse parvulos plurali numero, adolescentem appellat singulari. Quia doctrina sapientiae quos diversis animi motibus, diversis vivendi moribus deditos suscepit, in unam virtutis perfectionem erudiendo provehit, de quibus jure dicitur : Multitudinis credentium erat cor et anima una. Ut detur, inquit, parvulis astutia. Hæc etenim rudibus est et insipientibus necessaria, per quam sophismatum dignoscere, et cavere versutiam possint, ne falsorum fraudibus argumentorum abducantur a simplicitate veræ sapientiae, quæ ducit ad vitam. Adolescenti scientia et intellectus. Quia qui prudenter declinat falsa, consequenter scita veritatis percipit. Hactenus prætitulatio. Hinc jam ipse textus parabolæ incipit.

B *Audiens sapiens sapientior erit. Quia sapientia amator exxit Salomon, quia optione sibi data, sapientiam petuit et accepit, pulchre initium parabolæ suarum a sapientia sumit. Quod autem ait sapientem cum audierit verbum sapientiæ effici, ostendit neminem in hac vita ita sapientem fieri posse, cuius sapientia nequeat augeri, semperque moris esse sapientium, ut dictis majorum et aliquando etiam minorum auscultent, et quidquid in illis utilitatis audierint, ad se replicent, suoque in corde recondant. Denique audivit sapiens minor majorem, regina Saba Salomonem, et sapientior rediit, audivit Moses socerum, multo inferiorem, sublimior, et sapientior redditus est. Audierunt discipuli Christum et spiritum Sapientiae percipere meruerunt. Audivit Nicodemus, audivit Gamaliel, audivit discipulus ejus, tunc Saulus, nunc apostolus Paulus, sapientes utique verbum Evangelii, et sapientiores sunt facti. Qui etiam Paulus cum ad tertium coram raptus audisset ea, quæ noui licet hominibus verba loqui, nihilominus ad terram reversus aiebat : Quia ex parte cognovimus, et ex parte prophecamus,*

D *Digitized by Google*

tus autem venerit quod perfectum est, evanescitur quod ex parte est (I Cor. XIII).

Et intelligens, gubernacula possidebit. Nemo se de sua jactet scientia. Quia qui sapientium verba creber audire et intelligere negligit, vitam suam rite gubernare non novit, quanto magis alieno regimini perfici pequit, qui se ipsum ad patrum disciplinam subjicere contempnit. Quod ergo ait: *Audiens sapientior erit, ad cognitionem rerum quae per sapientiam noscuntur respicit; quod vero addidit: Et intelligens gubernacula possidebit, ad rectitudinem vitae que per eamdem sapientiam discitur et docetur, pertinet.* Et pulchre principium Parabolarum principio congruit tituli, quod ita se habet: *Parabolæ Salomonis filii David regis Israel, ad sciendam sapientiam et disciplinam.* Animadverte parabolam et interpretationem, verba sapientium et ænigmata eorum. Hoc discipulis se humiliiter audientibus, ipsa quæ eos in carne apprens erudiebat sapientia donavit, ut et suas parabolas, quæ turbæ nequibant, inteligerent, et prophetarum ac legis ænigmata, id est, obscura dicta spiritualiter animadvertere, ac suis auditoribus dilucidare valerent. Sed et sequentibus Ecclesiæ magistris eadem intelligentiae spiritalis arcana, p[ro]le querentibus ac pulsantibus, reservavit.

Timor Domini principium sapientiae. Duo sunt timores Domini, primus servilis, qui principium scientiae et sapientiae vocatur; secundus amicalis, qui perfectionem sapientiae comitatur. Timor servilis principium est sapientiae, quia quisquis post errorem delictorum sapere incipit primo timore divino corripitur, ne ad tormenta ducatur, sed hunc timorem perfecta dilectio foras mittit. Succeedit autem timor Domini sanctus permanens in sæculum sæculi; quem non excludit, sed auget charitas, ipse est quo timet filius bonus, ne et iu modico oculos amantissimi patris offendat. Nam inchoativo timore servilis adhuc animus metuit, ne ab irato Domino poenis subigatur, eterque autem timor in futura vita cessabit, charitas vero nunquam excidit, sed in plenitudine sapientiae perpetua manebit; quod est cognoscere verum et unum Deum, et quem misit Iesum Christum.

Sapientiam atque disciplinam stulti despiciunt. Dixerat de sapiente, quod auditio sermone, sapientior fieret, et intelligens rite suos gubernare diseret actus. Dicit e contrario de stultis, quia sapientiam recti dogmatis et disciplinam puræ conversationis non modo non assequantur, sed et nosse conteignant. Denique prædicante in carne ipsa sapientia sapientes quique gaudentes accurrebant; at Pharisæi et Principes Sacerdotum salutaria ejus dieta simul et facta spernebant. Et notandum quod sapientem singulari numero, stultos describit plurimi, quia et plures sunt sapientibus stulti, et sapientium cœtus omnis uniformem tenet callem pietatis. Porro errantium dissimile dogma, dissimilis est ordo vivendi.

Audi, fili mi, disciplinam patris tui, et ne dimittas
PATAOI. CXI.

legem matris tuæ. Hactenus proverbialiter de utraque parte disputat, hinc jam sedulus incipit admonere quemque fidem, ut disciplinam legis divinae blanditiis postponat reproborum. Quia nimur hujus custodiam corona, illorum facinora mors sequatur æterna, unde et recte filium vocat, quem paterna sollicitudine curat instituere, potest et ex Dei Patris persona dictum accipi; in nomine antem matris Ecclesie, quæ tunc Synagoga vocabatur intelligi. Et notandum, quod ita nos disciplinam patris amare præcipit, ut legem quoque matris nulla ratione dimittamus. Quia non sufficit, ut quis se Deum diligere, et ejus præceptis obtemperare dicat, si unitatem Ecclesie fraternali charitas non sequatur. Nec vetat aliquid, matrem ipsam Dei gratiam qua salvamur B accipere. Nam et apud Hebreos spiritus qui gratianum præstat genere feminino nuncupatur.

Ut addatur gratia capiti tuo, et torques collo tuo.

Mos apud veteres fuit, ut legitime certantes, coronam in capite, torquem in collo acciperent. Et nobis ergo si disciplinam conditoris nostri, si gratia matris scita custodimus, major in dies spiritualium virtutum claritas augetur. Additur quippe gratia capiti, cum charitas principale mentis ornatum ardentius inflammatur. Additur et collo torques, cum fulgore perfectæ operationis sermo prædicationis, qui per collum procedit, confirmatur. Ac ne contempti ab auditoribus debeat indificienti virtutum connexione docetur. Sed et his qui Mosaicæ legis decreta Domino veniente servabant, addita est gratia C Novi Testamenti, cum spe regni coœfestis, cuius splendor eximius ad exemplum coronæ et torquis nullo unquam sine claudetur. Nobis quoque cum pro bonis actibus, quos divina gratia prærogavit, lux æterna tribuitur, gratia profecto capiti et collo torques additur, juxta illud Evangelii: *Quia de plenitudine ejus nos omnes accipimus gratiam pro gratia (Joan. 1), gratiam scilicet beatæ retributionis, pro gratia rectæ operationis.*

Fili mi, si te lactaverint peccatores, ne acquiescas. Duobus modis lactant peccatores, quos decipiunt. Qui aut ad facienda scelera blandimentis illiciunt, aut facta jani favoribus, quasi laudabiliter acta sustollunt. In utroque autem sapientia suos auditores netalibus acquiescant hortatur.

D *Si dixerint: Veni nobiscum, insidiemur sanguini.* Potest hic locus generaliter de latronibus, qui innocentibus insidias et mortes et damna inferunt; potest de illis specialiter intelligi, qui ipsum vitæ auctorem neci tradiderunt.

Abscondamus tendiculas contra insonem frustra. Hoc fecere cum dicebant: *Licet dare tributum Cæsari an non? (Marc. XII)* et innumera bujusmodi. Vere etenim erat insons, qui peccatum non fecit, nec inventus est dolus in ore ejus (I Petr. II). Vere frustra illi tendebant insidias, a quo in nullo læsi, imo cujus plurima erant beneficia experti.

Deglutiamus eum sicut infernus viventem, et integrum quasi descendenter in lacum. Ita Dominium

Impii desiderabant extinguere, ut omnis memoria virtutum et doctrinæ illius tolleretur, sed et hoc ipsum quod nunquam talis inter eos vixerit oblivioni daretur.

Omnem pretiosam substantiam reperiemus, implebimus domos nostras spoliis. De hominibus dicebant, quos Christo adhærere cernebant; putabant enim, quia si eum occiderent, omnes qui crederant, ab ejus possent amore et consecratu secernere, talibus animarum spoliis suarum conventicula replere domorum, cui simile est illud Dominicæ parabolæ, quia veniente ad se regis filio dixerunt: *Hic est haeres: venite, occidamus eum, et nostra erit hereditas* (*Math. xxi.*).

Sortem mitte nobiscum, marsupium unum sit omnium nostrum. Marsupium est sacculus nummorum, patet autem de latronibus, quia ut plures scelerum socios conquerant, communionem eis prædæ, quam rapuerunt, spondent. Sed et persecutores nostri Redemptoris, quoscumque potuere sibi adjungebant; at quo illum sequi videbant, hos de Synagoga propulsantes sua communione privabant.

Fili mi, ne ambules cum eis, prohibe pedem tuum a semitis eorum. Prohibet credentes Christo de Judæis, communicare consequentibus Christum Judæis. Denique omnes qui credebant erant pariter, et Petrus iisdem loquitur. *Salvamini a generatione ista prava.*

Pedes enim illorum ad malum currunt, et festinant ut effundant sanguinem. Non solum ad malum quod temporaliter operentur, sed etiam ad malum quod perpetuo passuri sunt, impii properant, quoties ad patrandum homicidium, et aliud quid sceleris agendum festinant: nam quantum videntes ad facinus implendum ducuntur, tantum non videntes ad tolerandam pro facinore pœnam propinquant. Hæc de insidiatoribus nostri Salvatoris valent specialiter intelligi, sequens autem versiculos de fidelibus ejus æque pravorum malitiam sustinentibus generaliter inseritur.

Frusta autem jacitur rete ante oculos pennatorum. Frustra enim laqueus persecutionis aut mortis tenditur clectis, qui pennas habent spei et charitatis, cæterarumque virtutum quibus et cœlestia dum vivunt desiderent, et ad hoc post mortem mereantur pertingere. Habent et oculos mentis, per quos et mala, quæ ab impiis sustinent, ocius transitura, et bona quæ sustinendo meruerunt, æternum mansura videant. Quibus simul oculis et reproborum superbiam cito consummandam, et tormenta sequentia semper mansura prospiciunt. Potest et ita accipi, quod rete dicat perniciosa malorum doctrinam, quam ab eo loco contexunt, ubi ait: *Si te tractaverint peccatores, ne acquiescas, frustraque tale jaciat rete ante eos, qui mundis oculis cordis superna contemplentur, qui dicere norint cum Prophetâ: Anima nostra sicut passer crepta est de laqueo venantium* (*Psal. cxv.*). Facile enim laqueos, qui in terra tenduntur, cavit, qui conversationem habet in carnis.

A Utrumque ergo rete frustra bonis parant reprobis, quia etsi suadent iniqua, superantur justorum sapientia, etsi inferunt adversa, contemnuntur patientia. Insuper et ipsi tentatores suis se perdunt insidiis, unde recte subditur:

Ipsique contra sanguinem suum insidiantur, et moluntur fraudes contra animas suas. Contra sanguinem, ut temporali morte plectantur; contra animas autem dicit, ut æterna quoque animarum perditione damnentur. Quod cum ad omnes qui sanguini insidiantur, et fraude sibi vivendum æsumant pertineat, specialiter tamen Judæis congruit, qui insonti Domino tendiculas absconderunt, ejusque Apostolos virtutum pennis fultos dolis circumvenire satagebant, contra suum namque sanguinem suasque animas agebant, qui timentes, ne terrestre regnum perderent, cœli terræque Regem occiderunt, cœli cives persecuebantur in terra, ideoque et quod in terris habebant, et quod in cœlis acquirere poterant, regnum perdidierunt. Generaliter autem dicendum, quia quicumque oculos fidei habet apertos, accepitque a Domino pennas ut columbae, quibus æternam volet ad requiem, frustra tali irretiant laqueos mali, seque ipsos potius hoc praesamento perimunt.

Sic semitæ omnis avari animas possidentium rapiunt. Semitas avari dicit subtiles ejus cogitationes, quibus sedulus inquirit, qualiter pecunias augcat, talesque semitæ rapiunt ad interitum animas possidentium, id est eorum qui possessionibus pecuniarum ultra rationem incumbunt. Non solum ergo, inquit, hi qui ob philargyriam rapinis innocentium et cædibus invigilant, semel hoc agentes perdunt; verum eodem ordine, tametsi minore reatu omnes avari meditationes quæ aurum Deo præferunt, hunc ad interitum trahunt. Alterius, sic semitæ omnis avari animas possidentium rapiunt, tali fine, ut præfatus sum, avarus quisque perimit, et nudat eos qui possessionibus abundant, ut ipse potius hoc agendo pereat. Pauperes namque quos nil possidere cernit, cur occidat, quo spolia non invenit. Huc usque persecutio quas Judæi Christo intulere describuntur. huc referuntur ea quæ ipse post passionem eisdem suis persecutoribus per apostolos loquitur.

D *Sapientia foris prædicat, in plateis dat vocem suam, in capite turbarum clamitat.* Sapientia quippe Dei, Christus est, qui in mundo conversatus paucis suæ mysteria divinitatis patefecit, ipsisque præcepit ne ante passionem et resurrectionem suam, quia ipse esset Jesus Christus prædicarent, ne gloriam ejus quam in monte conspicerent, cuiquam dicerent, magisque tunc suæ potentiam majestatis, operibus quam verbis ostendebat, impleta propheta quæ dixit: *Neque audiet alius in plateis vocem ejus* (*Math. xii.*), at post resurrectionem sapientia foris prædicabat, quia missò desuper Spiritu per apostolos aperte se ipsam mundo declarabat. In plateis dabat vocem suam quia in latitudine plebiuum, manufeste quam antea paucos docuerat replicabat, in-

plete verbo quod eisdem suis præconibus ait : *Quæ A dñe vobis in tenebris, dicate in lumine, et quod in aure auditis, prædictate super tecta* (*Math. x.*). In capite turbarum clamitabat, quia etiam principibus qui sibi ei prævaluisse ut crucifigeretur videbantur, reatum homicidii quod perpetrabant, palam reducebat ad nemoriam, eosque ad patientie remedium vocabat.

In foribus, inquit, *portarum urbis profert verba sua*. Urbs Domini Ecclesia est, ex utroque populo Judæorum videlicet et Gentium adunata, cuius portarum fores sunt doctores, qui verbum prædicando credentes in eam introducunt. Et in foribus portarum ejus verba sua sapientia proferebat, cum in apostolis suis loquebatur, e quibus unus aiebat : *An experimentum quaeritis ejus, qui in me loquitur Christus?* (*II Cor. XIII.*) Possunt fores portarum urbis etiam synagogæ maiores intelligi, in quibus sapientia disputabat, cum etiam legisperitos Pharisæus et sacerdotes, per apostolos loquens suam revocabat ad gratiam, ita ut sicut Lucas ait : *Multa etiam turba sacerdotum obdiren fidei*. Quid autem eadem sapientia clamitaret adjungit :

Usquequo parvuli diligitis infantiam? Usquequo parvuli sensu veteris Instrumenti ceremonias novo clarescente diligitis? Usquequo Moysen Christo, Evangelio legem præfertis? Quousque decreta que rudibus adhuc populis per servum data sunt, præponitis eis que Filius ipse veniens perfecto sensu contulit? Quandiu inquit haec agitis? Jam vidiſtis Christum in carne, jam miracula facientes et docentes, non tantum sprevistis, sed et occidistis, saltem modo resuscitatum a mortuis et præsidentem cœlo diligite, et dimittet vobis scelus quod commisistis

Et stulti ea quæ sibi sunt nocia cupient, et imprudentes odibunt scientiam. Præponendum est a superiori usquequo, id est, usquequo cupient, usquequo odibunt, capiebant autem noxia et odibant scientiam, qui litteræ legalis superficiem sequebantur, et sacramenta Evangelii, que ipsa littera signabantur, accipere detrectabant.

Convertimini ad correctionem meam. Corripuit per apostolorum ora Judæos, quia credere noluissent, et vel tunc eos postquam resurrexerit et ascendit, monuit converti.

En proferam vobis spiritum meum, et ostendam verba mea. Si adhuc, inquit, converti negligitis, proferam vobis vindictam quain meruistis, et verba quæ de vestra perditione prædixi ostendam esse veracia. Spiritum quippe suum potentiam ultiōnis nominat, de quo Moyses ait : *Misisti spiritum tuum et cooperiuit eos mare*, et in libro beati Job dictum est, ini quos flante Deo perisse, et spiritu iræ ejus esse consimptos.

Quia vocavi et renuistis. Dicens : *Venite ad me omnes qui laboratis et onerati estis, et ego reficiam vos* (*Math. XI.*)

Extendi manum meam, et non fuit qui aspiceret. Primo bene faciendo et sanando omnes oppressos a Diabolo, postmodum in cruce patiendo.

Despexitis omne consilium meum. Dicentis : *Pœnitentiam agite, appropinquat enim regnum cœlorum* (*Math. III.*)

Et increpationes meas neglexistis. Dicentis : *Væ robis, scribæ et Pharisæi hypocritæ, quia tulistis clavem scientiae; ipsi non introiit, et eos qui introiit prohibiuitis* (*Luc. XI.*) Et generaliter, qui non credit jam judicatus est (*Joan. III.*)

Ego quoque in interitu vestro ridebo et subsannabo. Tale est in psalmo de eisdem, qui habitat in cœlis irridebit eos, et Dominus subsannabit eos (*Psal. II.*), non quia buccis Dominus irrideat, aut naso subsannet, sed ea vis designata est tali verbo, quam dedit apostolis ut præviderent, nil prorsus impios contra eum supra quam ipse permetteret insidiis esse acturos, quin potius illorum excepta omnia evanescant, ejus vero gloriam post passionem per orbem terrarum esse dilatandam prænoscerent, ideoque superbiam eorum, etiam cum maxime valere consiperent, pro nibilo contemnerent.

Cum vobis quod timebatis advenerit. Conferentes ad invicem, si dimittimus eum sic, omnes credent in eum, et venient Romani et tollent nostrum locum et gentem (*Joan. XI.*)

Cum irruerit repentina calamitas, et interitus quasi tempestas ingruerit. Obsidionem Hierosolymorum subditam et expugnationem totius provincie, quæ a Romanis facta est dicit, quam et ipse Dominus in Evangelio videns civitatem, flensque super eam prædixit.

Quando venerit super vos tribulatio et angustia, tunc invocabunt me et non exaudiam. Non leguntur Judæi in ulla obsidione Dominum invocasse, sed tantum armis esse confisi, quamvis desolationem patriæ, ruinamque templi amarissima mente conspexerint. Si qui tamen tunc eum invocabant, quia hi qui culpam, pro qua sunt puniti intelligere, ut vere pœnitent, nolebant, frustra ad eum quem tempore clamabant. Unde recte dicuntur tribulationem cum angustia fuisse perpessi. Tribulatio namque erat in eis quibus foris deprimebantur. Angustia in eo, quod intus a Deo nil consolationis invenerant. At contra sancti cum exterius opprimuntur adversis, spe certa salutis in corde dilatantur, scientes se ab illo exaudiri clamantes, cujus se verba jubentis audire meminerunt. Hinc etenim Propheta ait : *Cum invocarem te, exaudisti me, Deus justitiae meæ, in tribulationibus dilatasti me* (*Psal. IV.*) Potest autem tota hæc correptio sapientiæ de universis generaliter reprobis accipi, quia in die judicij clament ad judicem districatum, aperiri sibi januam regni postulantes, nec mereantur exaudiri, nam et hoc quod sequitur,

Mane concurrerunt et non invenient me, ipsum tempus extremi examinis, quo alii in vitam æternam, alii in opprobrium resurgent sempiternum, aperte designat.

Eo quod exosam habuerint disciplinam, et timorem Domini non suscepserint. Merito salute privantur, qui principium sapientiæ timorem Domini et disciplinam

non modo non habent, sed et odiis insequeuntur, at salutis filius, *iniquos*, inquit, *odio habui et legem tuam dilexi* (*Psal. cxviii*).

Comedenti igitur fructus viae suae. Viam eorum dicit de qua supra dixerat, *pedes enim illorum ad malum currunt*. Quia, inquit, vias meas ingredi noluerunt ut viverent, recipient mercedem viarum suarum, ut in æternum pereant; at contra de his qui timent Dominum, qui ambulant in viis ejus, dicetur: *Labores fructuum tuorum manducabo, beatus es et bene tibi erit* (*Psal. cxxvii*).

Suisque consilii saturabuntur. Quia meo consilio, quo illos salvare decreveram, aequiescere renuebant, saturabuntur suis quibus siebant: *Abscondamus tendiculas contra insolentem frustra* (*Prov. i*). Quibus pro Salvatore latronem sibi eligebant, ut videlicet valetentur a latronibus et inter latrones damnentur, quod etiam de omnibus verbi Dei contemptoribus sicut et cæteris potest accipi.

Eversio parvolorum interficiet eos. Parvulos non astate sed sensu dicit, quibus supra dictum est: *Usquequo parvuli diligitis infantiam?* Qui non parvuli, sed perfecti sensibus esse potuissent, si non a consilio sapientiæ auditum averterent. Quo autem averterant, eo sese æternæ morti destinabant.

Et prosperitas stultorum perdet illos. Cum nullis retinaculis adversis perfecerint actu, quod mediantes aiunt, *omnem pretiosam substantiam reperimus*. Item, *aversio parvolorum interficiet eos, et prosperitas stultorum perdet eos*. Quia sæpe aversus a timore conditoris animus, jam de ira ejusdem justi conditoris patitur, ut in his quæ peccat nil sustinere videatur adversi; sed ut beatus Job ait: *Ducat in bonis dies suos, et in puncto ad inferna descendat* (*Job. xxi*).

Qui autem me audierit, abeque terrore quiesceret. Potest et in hac vita et in futura intelligi, quia qui Domino perfecte servit nullis terretur adversis, imo gaudet in adversis, et in ipsa morte quasi de ingressu vitae lactatur, quietumque semper a supervacuis cogitationibus ac tumultibus tentationum pectus, juvente sancti Spiritus gratia, gerit. Quod requies septimi diei in lege mystice designabat, sed et cum transierit e sæculo, non solum absque timore malorum, sed et in magno gaudio speratae resurrectionis quiesceret, ut Lazarus in sanguine Abraham.

Et abundantia persuetur, malorum timore sublato. Nunc abundantia bonorum operum ablato timore etiam eorum qui occidunt corpus, tunc abundantia gaudiorum in gremio. Quænta enī ibi abundantia bonorum omnium, ubi gloria est, a quo sunt omnia bona licet intueri, ablato prorsus timore omnium, quæ aliquid adversi ulterius afferant.

CAPUT II.

Fili mi, si suscepseris sermones meos, et mandata mea abeconderis penes te. Abscondit mandata Dei penes se, qui hæc audiens sollicito in corde recondit, juxta illum qui ait: *In corde meo abscondi eloqua-*

tua ut non peccem tibi. Est enim summopere curandum ne nobis hoc juxta parabolam Evangelii, dæmonia quasi semen secus viam jactum volucres tollant.

Ut audiat, inquit, sapientiam auris tuæ. Ille enim sapientiam aure non audire probatur, qui verba Dei auditu tantum corporis percipiens, memoria retinere et opere dissimulat; si ergo mandata Dei fixo amore, discendi et custodiendi suscepseris, primo humilitatis viam tene, hoc est enim quod subsequenter additur:

Inclina cor tuum ad noscendam prudentiam. Inclinare quippe est cor ad noscendam prudentiam humiliare, et emundare cor, quo dignum fiat ad percipienda mysteria veritatis, unde eadem sapientia B Patri loquens ait: *Abscondisti hac a sapientibus et prudentibus, et revelasti ea parvulis* (*Luc. x*), id est, abscondisti a superbis et revelasti humilibus.

Si enim sapientiam invocaveris et inclinareris cor tuum prudentiæ. Nullum invocare, id est, in nos orando vocare, nisi Deum debemus; cum ergo sapientiam esse invocandam docet, ostendit se procul dubio non quamlibet sapientiam, id est, notitiam rerum cœlestium sive terrestrium, sed ipsam Deitatis cognitionem nobis ad sequendam proponere, in hujus namque perceptione sapientiæ, summae est perceptio beatitudinis, ipsa attestante, que Patri pro nobis supplicans ait: *Hæc est autem vita æterna, ut cognoscant te solum et verum Deum et quem misisti Iesum Christum* (*Joan. xvii*). Notandum autem C quod et sapientiam invocare, et nosmetipsos ad noscendam prudentiam cor inclinare suadet, quia nimis necesse est, ut et divinum in cunctis flagitiebus auxilium, et ipsi, Domino adjuvante, bona quæ valemus agamus: neque enim sine ipso quidquam facere possumus, nec rursum sine nostro conamine quantulumcumque habere valemus, nos ab ipso salvandos esse credamus.

Si quæsieris eam quasi pecuniam, et sicut thesauros effoderis eam. Si tanta cura sapientiam, quanta cupidi querunt pecuniam, vel certe si tam sollicite quæsieris sapientiam, quasi insititas per hanc et incessibiles divitias sis acquisitus, percipies præmia quæ subsequenter exponuntur. Qui vero thesauros effudit, ejicit rudus terrestre, facit in altum soveam, sedulus insistit labori, donec ad thesauros quos quartit attingat. Et qui thesauros sapientiæ invenire desiderat, quidquid sibi terrenum inesse deprehenderit expurget, carnales illecebras abscondat, fossam in se buntūtatis faciat, nec quiescat ab agendo priusquam se venam veritatis invenisse cognoverit.

Tunc intelliges timorem Domini et scientiam Dei invenies. Si sollicito corde quæsieris, pervenies ad experientiam amabilis Domini timoris, qui non initium, sed perfectio est sapientiæ cœlestis, in bac duntaxat vita, ideoque non eum perfecta diiectio foras mittit, sed facit permanere in sæculum sæculi. Sed et scientiam ipsius divinitatis quæ perpetuo beatum facit inuenies.

Quia Dominus dat sapientiam. Perspicit hic versiculos ad hoc quod supra dixit, si enim sapientiam invocaveris, etc., usque dum ait, et scientiam Dei innenies. Ideo namque sapientia, id est, Dominus est invocandus ad accipiendo sapientiam, quia sapientia non a nobis ipsis haberi potest, sed a Domino datur. Taceat Pelagius, redarguitur et ab Apostolo, qui ait: *Quid vero habes quod non accepisti?* (*I Cor. iv.*) Et apostolus Jacobus: *Si quis autem vestrum, inquit, indiget sapientiam, postule a Domino* (*Jac. 1.*).

Et ex ore ejus scientia et prudentia. Potest in hoc versiculo ipsa ineffabilis et coetera, Deo Patri sapientiae nativitas intelligi, de qua alibi dicit ipsa sapientia: *Ego ex ore Altissimi prodivi primogenita* (*Eccle. iv.*). Potest os Domini etiam in sanctis ejus accipi, unde dici solet in prophetis, quia os Domini locutum est, et ex ore ejus scientia nascitur et prudentia, quia nisi ipse os humanum sanctificet, nisi hoc suum ipse dignanter efficiat, perfectam loqui sapientiam nullatenus valet.

Custodiet rectorum salutem et proteget gradientes simpliciter. Cognatae sibi sunt virtutes rectitudo et simplicitas, neque ab invicem queunt separari, unde et sapientia unam earum sine altera non querit, sed in quibuscumque amborum convenient, hos custodit et protegit. Denique de beato Job dicitur, quia erat vir ille simplex et rectus (*Job. 1.*), simplex videlicet per innocentiam mansuetudinis, rectus per cautelam discretionis. Simplex quia nullum ludere, imo cunctis prodesse desiderabat. Rectus quia se a nullo corrumphi permisseebat.

Servans semitas justitiae et vias sanctorum custodiens. Vias sanctorum generalia Dei mandata, semitas justitiae arctiora vita cœlestis instituta, quæ perfectis solum accessibilia sunt, dicunt. Utrasque autem sapientia servat, ut in quocunque virtutum gradu rectos juvet ac simplices.

Consilium custodiet te et prudentia servabit te, ut eruaris de via mala ab homine qui perversa loquitur. Viam malam, opera iniqua, hominem perversa loquentem, doctores dicit iniquæ operationis. Viam malam iniquam vocant qui dicunt, *veni nobiscum, insidiemur sanguini*, perversa loquentem eum qui hujus auctor est suasionis.

Qui relinquunt iter rectum et ambulant per vias tenebrosas. Pulchre itineri recto vias tenebrosas opposuit, quia nimur iter recte actionis in luce per agitur, atque ad lucis supernæ gaudia ducit. At, sicut ait Dominus, *omnis qui mala agit, odit lucem, et non venit ad lucem, ut non arguantur ejus opera* (*Joan. iii.*), et talis finem exterioribus sortietur in tenebris.

Qui lætantur cum male fecerint, et exultant in rebus pessimis. Ideo mala facientes exultant, quia per vias tenebrosas ambulant, et nesciunt quo eant. Si enim, quia ad poenam tendunt, aspicerent, gressum utique cohíberent noxiāmque lætitiam salubri fletu castigarent.

Ut eruaris a muliere aliena et ab extranea quæ

A mollit sermones suos. Pendet hic versus a superioribus ubi dictum fuerat, *prudentia servabit te.* Ea est sensus: Prudentia servabit te ut eruaris a muliere aliena, quia ergo prius Salomon auditorem suum quem sapientiam docere salagis, admonuit, ne latronibus jungeretur, ne si videret furem, simul curreret cum eo, sed recte ac simpliciter incederet; nunc admonet ne cum adulteris portionem suam ponat, de quibus et hoc quod supra dicitur, ut eruaris de via mala ab homine qui perversa loquitur, potest specie littere intelligi. Quæ enim perversior locutio, quam ad stupra suaderi, quod capitulum incipit a loco ubi ait: *Fili mi, si suscepseris sermones meos, et mandata mea abscondaris penes te.* Potest autem per mulierem extraneam haeticorum pravitas intelligi a Christi et Ecclesiæ membris aliena, quæ mollit disertitudinis et linguae blandimentis corda deciper ianocentium solet. Unde Psalmista: *Mollierunt sermones suos super oleum, et ipsi sunt jacula* (*Psal. LIV.*).

Et reliquit ducem pubertatis suæ et pacti sui obliterat. Patet de adultera, quia virum primum reliquit et pacti Dei obliuiscitur, ejus nimur quod cum viro suo, Domino teste, tempore nuptiarum pepigit, quia fidem sibi castitatis alterutram servarent. Patet et de mente heretica, quia reliquit doctorem, a quo fidem Ecclesiæ didicerat, et obliterata est pacti Dei sui, bona est, fidei ipsius dominica, quæ in Symbolo continetur, quam se die baptismatis servaturam esse promiserat.

Inclinata est enim ad mortem domus ejus et ad impios seminat ipsius. Omnis conversatio adulteræ ad interitum dicit, et quamvis blanda videtur ac mansueta, non minorem sentiet in fine vindictam, quam qui latrocinando aperte impietati famulantur. Potest domus adulteræ ipsa ejus earo in qua turpitudini ac luxuria substernit, accipi, quæ novissimi tempore judicii non ad vitam, sed perpetuam resurgent ad mortem. Sed et haeticorum domus quia super arenam construitur, etiam cum stare videtur, vergit in casum, suisque clementis quasi quithusdain semitis ad impiorum consortia, id est, ad spirituum temdit tormenta malignorum.

Omnes qui ingrediuntur ad eam, non revertentur, nec apprehendent semitas vitæ. Ad eam ad mortem dicit, non ad mulierem, potest enim qui adulteræ mixtus est, Domino juvante, reverti ac vitam pœnitendo mereri: potest qui haeresi pollutus est resipiscendo redire ad salutem. At qui semel aeterna morte raptus est, nunquam rediet ad viam quæ vitam petat beatorum. Quod contra Origenianos proprie dictum est, qui haeticis meretricibus cunctisque flagitorum turbis, et insuper ipsis diabolo atque angelis ejus post innumera licet expleti universalis judicii tempora, remissionem scelerum, vitamque ac regnum promittunt in celis. Male intelligentes illud Isaiae: *Et claudentur impii in carcere, et post dies multos visitabuntur* (*Isa. xxiv.*), quasi post multa tempora terminati judicii salvandos dixerit impios, cum ille e contra nullam eis salutem tribuat, sed eos qui

hoc tempore mortis per enormitatem flagitorum, claudi merentur in carcere paenarum, tempore resurrectionis ad modicum visitandos significet, tantum ut receptis corporibus in judicio gravius damnentur, et continuo post judicium atrocioribus perpetuo recludantur in poenis. Quamvis etiam ita recte potest accipi, omnes qui ingrediuntur ad eam, id est, ad meretrem, sive ad domum ejus, non revertentur, quia quantum attinet ad naturam, iniqua sua voluntate depravatam recursum per semetipsam non habet, sed per Dei gratiam qua adjuvatur et instauratur ut semitas vite apprehendat. Designatum est enim hoc dicto pondus iniquitatis, ut cum revertitur quis non sibi tribuat, sed gratiae Dei, non ex operibus, ne forte glorietur.

Ut ambules in via bona et calles justorum custodias. Viam bonam unitatem dicit rectae fidei, de qua Dominus ait: *Ego sum via (Joan. vi), et alibi: Nemo potest venire ad Patrem nisi per me (Ibid.).* Calles autem justorum multifaria sanctorum exempla nominat. Pendet hic versus ex eo quod supra dictum est, prudentia servabit te, sicut et illud, ut eruaris a muliere aliena.

Qui enim recti sunt habitabunt in terra, et simplices permanebunt in ea. Et hic rectis junguntur simplices sicut et supra, cum diceret: *Custodiet rectorum salutem, et proteget gradientes simpliciter;* quia nimis simplicitas sine rectitudine dissoluta est et stulta. Rectitudo autem sine simplicitate austera nimium existit et dura. Verum utraque virtus conjuncta perfectam reddit hominem, sed hoc inter utrumque versum distat, quod in illo Dominus quia justos in praesenti certantes adjuvet, in isto quia victores in futuro caronet, ut dicatur. Terrae quippe nomine Ecclesia designatur, quae spiritalem Deo fructum germinare consuevit, in qua justi habitant et permanent, quia a consortio ejus nec morte separantur. Sed terminata haec vita, ad illam ejus partem quae cum Christo in celis regnat perveniunt.

Impii vero de terra perdentur, at qui inique agunt auferentur ex ea. Possunt haec non de cunctis generaliter reprobis dicta accipi, sed de illis specialiter qui ad terram Domini, id est, Ecclesiam pertinere videbantur, et tamen exigentibus meritis auferuntur ab ea, quidam quidem aperto ipsius Ecclesiae iudicio, ut Simon, Arius et Porphyrius: quidam vero in secreto invisibilis judicis, ut innumeri etiam eorum, qui hominibus boni videntur, impios enim apertos apostatas dicit, at inique agentes omnes qui, perceptis fidei sacramentis, ab ejus castitate aliquo modo degenerant. Utique autem in futura retributione de viventium terra perdentur, quia non habitabit juxta Dominum malignus, neque permanebunt iniqui ante oculos ejus (Psal. v). Et recte, quia de malorum honorumque viis multa praedixit, de utriusque fine inclusione [Forte, in conclusione] subjunxit, quomodo et in praecedente parabola, quae latronum consortia velabat, fecerat dicens de fine malorum, et prosperitas stultorum perdet ille, dicens de honorum,

A qui autem me audierit absque terrore quiescat. Possunt versus de quibus novissime disputavimus, de antiquo Dei populo ita intelligi, quia cum recte viveret, in terra sua feliciter maueret, at cum peccaret exterminaretur ab hostibus.

CAPUT III.

Fili mi, ne obliscaris legis meæ et præcepta mea custodiat cor tuum. Hinc docet misericordiae operibus insistendum, neque nostris fidendum viribus, sed a Deo auxilium esse flagitandum, et congruo satis ordine postquam coeruit a crudelitate, postquam a luxuria castigavit, ornat actibus bonis quem instruit.

Longitudinem enim dierum, et annos vitae, et pacem B apponent tibi. Ne imposta præceptorum custodia turbaret audientem præmisit præmia certa, et sic enumeravit præcepta, longitudine enim dierum lucem seculipernam, annis vita transuersum mortalitatis hujus, augmento pacis ipsum nactæ beatitudinis statum designat. De qua dicit Isaías: *Multiplicavit ejus imperium, et pacis non erit finis (Isa. ix);* sed et priori Dei populo etiam in praesenti datum est, ut cum legi Dei obediret, longo tempore in pacis quiete viveret.

Misericordia et veritas non te deserant. Nam quia ab ore tuo veritas est dicenda, non ideo ab opere misericordia quæ proximo sit impendenda recedat, sic enim fit, ut et te Dei semper misericordia prosequatur et veritas, misericordia videlicet quæ delectat peccata tua, veritas vero quæ compleat promissa sua.

Circunda eas gutturi tuo, et describe in tabulis cordis tui. In gutture organum vocis, in tabulis cordis latitudinem insinuat cogitationis. Sic ergo virtus misericordiae et veritatis radici infixa mentis promat et voce loquentis, ut et in occulto pectori arcana placeant intentionis, et proximos juvent officia locutionis. Bene autem virtutes circumdari docet gutturi, cum vox loquentis potius intus in gutture fieri solent, quia videlicet prædicationis vox de internis promanat, sed extra circumdat. Nam quo alios ad bene vivendum suscitat, eo ad bene agendum et opera prædicantis ligat. Nec extra sermonem actio transeat, ne voci vita contradicat.

D Et invenies gratiam et disciplinam bonam coram Deo et hominibus. Coram Deo invenit gratiam et disciplinam bonam, qui usu virtutum iugi promeretur a Domino, ut per dies scipso perfectior efficiatur et melior: sed et coram hominibus gratiam invenit, et disciplinam bonam, cuius opera sunt talia, in quibus jure laudetur, quibusque exemplum vivendi proximis exhibeat.

Habe fiduciam in Domino ex toto corde tuo, et ne innitare prudentiae tuae, in omnibus viis tuis cogita illum, et ipse dirigit gressus tuos. Ne te metuas ob imbecillitatem propriam divina non posse servare mandata, nec te rursum autumes haec tuis implere viribus posse, tua et naturali scientia nosse, si non per illius legem instruaris; sed potius et in discendo, et in

agendo ejus quære creber auxilium, et ipse que jus-
sit, propitiis ut implere valeas donabit.

Ne sis sapiens apud temetipsum. Videtur forte ali-
cui hoc idem esse mandatum quod præmissum est,
et ne innitaris prudentiae tuae. Sed multum distat, ini-
nititur enim suæ prudentiae, qui ea quæ sibi agenda
vel dicenda videntur patrum decretis præponit, sa-
piens vero est apud semetipsum etiam is qui in illis
quæ ex patrum magisterio potuit recte cognoscere,
sese præ cæteris quasi doctior extollit. Quæ sit au-
tem vera hominis sapientia subsequenter ostendit.

Time Dominum et recede a malo. Quale est in Job :
Ecce timor Domini ipsa est sapientia, et recedere a malo intelligentia (Job. xxviii). Perfecti etenim quique ita
se debent ab omnibus continere malis, ut divinæ
præsentiam majestatis cum metu seipso recognitent.
Et notandum quod supra fiduciam habere in Domino,
nuoc autem Deum timere admonet, ibi enim fragili-
um animos, ne desperent, promiso Dei auxilio ro-
borat; hic fortiores, ne de se præsumant, divini ti-
moris memoria coeret.

Sanitas quippe erit umbilico tuo, et irrigatio ossium tuorum. In ossibus solida virtutum opera, in umbili-
lico, qui inferiori corporis parte medius est, infirma
ad huc et imperfecta bonorum actio designatur. Si
ergo Deum timueris, et non tuis viribus, sed su-
perna protectione confisus a malis abstinere studue-
ris, sanitas erit umbilico tuo, et irrigatio ossium tuo-
rum, quia et infirmitas operis per hæc ad statum
perfectionis convalescat, et fortia quæque tua acta
sunt unde ut amplius roborentur accipiunt.

*Honora Dominum de tua substantia, et de primi-
tis frugum omnium tuarum.* Multi multa pauperibus,
sed de aliena substantia ac frugibus, quas vi et
fraude rapuerunt tribuunt; multi largiuntur de suo,
sed largiendo Dominum non honorant, quia favoris
humani, et non amore superni inspectoris faciunt.
Qui ergo proficuum sibi eleemosynæ fructum fore
desiderat, et de suis propriis, et in conditoris hono-
rem tribuat, ut scilicet homines, qui ejus plasma,
qui ad ejus imaginem sunt facti recreantur. Non so-
lum autem de substantia pecunia, quam pauperi
porrigimus, sed et de cunctæ bonæ operationis, quam
agimus, de universæ coelestis gratiae, quam percipi-
mus substantia et frugibus Dominum honorare jube-
mur. Hoc est ejus in omnibus, et non nostram quæ-
dere laudem. Sed et ille Dominum de sua substantia
suarumque frugum primitiis honorat, qui omne quid-
quid boni operatur, non hoc suis viribus ac meritis,
sed supernæ gratiae tribuit. Memor illius verbi, quia
sine me nihil potestis facere.

*Et implebuntur horrea tua saturitate, et vino tor-
cularia redundabunt.* Ait in Evangelio Dominus :
Thesaurizate autem vobis thesauros in cælo (Math. vi). Si ergo thesauros in cælo possunt habere justi,
quia veras ibi divitias inveniunt, possunt utique et
horrea et torcularia, quia non esurient neque sitient
amplius : *Et implebuntur horrea tua saturitate, quia
satiabor, inquit, dum manifestabitur gloria tua* (Psal.

A xvii). *Redundabunt torcularia vino,* quia interna sua-
vitatis æternorum corda cunctorum fidelium in laude
sui conditoris accedit; hinc etenim dicit, *ut edatis
et bibatis super mensam meam in regno* (Luc. xxii),
sed et in præsenti nonnunquam doctori, qui panem
verbi, qui poculum gratiae spiritalis indigenti mini-
strat, majora ministrandi dona Dominus pro mer-
cede condonat. Qui terrena subsidia largitur inopibus
ditior dando cœlesti remuneratione redditur.

*Disciplinam Domini, fili mi, ne abjicias, et nec de-
ficias cum ab eo corriperis.* Sunt qui in prosperis
Domino serviunt, at in adversis excedunt, unde sa-
pientia quem in prosperis bene vivere docuit, etiam
in correptione ne desiciat hortatur, ne accidente in-
firmitate, et paupertate, et persecutione humana,
B pietatem quam servare in tranquillitate videbatur,
amittat.

*Quem enim diligit Dominus corripit, et quasi pa-
ter in filio complacet sibi.* Tanto ergo minus de fla-
gello, quo castigamur murmurare debemus, quanto
certius in eo paternæ dilectionis pignus tenemus,
unde et ipse dicit : *Ego quos amo, arguo et castigo* (Apoc. iii). Notandum autem quod pro hoc verbo
Septuaginta Interpretes dixerunt, *flagellat autem om-
nen filium quem recipit.* Quod mirandum cur Apo-
stolus ad Hebreos Hebraice scribens magis sequi
voluerit.

*Beatus homo qui invenit sapientiam, et qui afflit
prudentia.* Quia positos sub disciplina et correptione
solabatur, addit quod cœperat, insinuans quia beatifi-

C tudo est vera hominis non adversis carere in præ-
senti, sed æternæ sapientiae perceptione lætari. Quod
est in hac vita Domini voluntatem cognoscere, et in
futuro ejus visione perfaci. Et bene cum diceret,
Beatus homo qui invenit sapientiam, mox addidit, *Et
qui afflit prudentia.* Sunt enī qui inveniunt sapien-
tiā, doctrinam veritatis aure percipiendō; sed af-
fluere prudentia negligunt, nolēdo cordis sui sinum
ad percipiendam ejus amplitudinem laxare.

*Melior est acquisitio ejus negotiatione argenti et
auri.* Non metuat de correptione inopie, quisquis
opus acquisivit sapientiae, quia thesauris terrestribus
incomparabiliter munus celeste præcellit.

Primi et purissimi fructus ejus. Si juxta Ecclesiasticum, radix sapientiae est timere Deum, fructus
D sapientiae, qui sunt, nisi videre Deum? Et hi sunt
primi ac purissimi, sive quia Deus, qui videtur, ab
initio est, et nihil inquinatum in ejus visione incurrit,
sive quia primo ad hanc contemplandam honio
creatus est. Unde et adolescentior filius ubi ad Pa-
trem poenitens redit, primam stolam recepisse me-
moratur; sive quia primum et rude aurum solet esse
purissimum; et prima stola nostra vere est beatitu-
tudo credenda, quæ nobis in resurrectione per-
fecius a Domino promittitur esse reddenda.

*Pretiosior est cunctis opibus, et omnia quæ desi-
derantur, huic non valent comparari.* Non modo ter-
renis, verum etiam cœlestibus divitiis, imo et ipsis
angelorum conspectibus, hujus sapientiae claritas a-

teseretur, unde et propheta (*Psalm. LXXII*). *Quid enim A mihi restat in cælo, et a te quid volui super terram, etc., usque ad finem psalmi.*

Longitudo dierum in dextera ejus, in sinistra illius divitiae et gloria. Visione suæ divinitatis electos in perpetua luce condonat, et eosdem in præsenti vita incarnationis sue sacramentis et charismatibus illustrat ac roboret. Dat eis, qui ob se comparandam sua omnia vendunt, centuplum in hoc tempore, et in seculo venturo vitam æternam. Sequitur in hoc loco *juxta antiquam translationem*, quod nostri codices non habent.

Ab ore ejus proficiscitur justitia, legem autem et misericordiam in lingua portat. Quod ideo annotandum credidi, quia versiculi illi in opusculis Patrum sæpe positi inveniuntur.

Viae ejus via pulchra et omnes semitæ illius pacificæ. Actiones ejus et doctrinæ quæ in Evangelii continentur, pulchrae sunt, quia divinæ ac puri hominis modum longe transgressæ, et omnia jussa ejus ad pacem ducunt æternam. Omnia quæ in ea re gessit ad reconciliandos Deo mortales, ad pacificandum cum angelis genus humanum, ad demonstranda suis servandæ ad invicem pacis et dilectionis exempla pertinent.

Lignum vitæ est his qui apprehenderunt eum, et qui tenuerit eam beatus. Sicut in medio paradisi lignum vitæ positum Moyses esse testatur, ita per sapientiam Dei videlicet Christum vivificatur Ecclesia, cuius et nunc sacramentis carnis ac sanguinis, pignus vitæ accipit, et in futuro præsenti beatificatur aspectu.

Dominus sapientia fundavit terram, stabilivit cælos prudentiæ. Deus Pater per Filium omnia condidit. Typice autem fun'avit terram sapientia, cum per ipsum sanctam Ecclesiam in fidei soliditate locavit. Stabilivit cælos prudentia, cum per eumdem sublimia prædicatorum corda illustravit.

Sapientia illius eruperunt abyssi. Quando in diebus Noe rapti sunt omnes fontes abyssi magnæ et cum quotidiano procurso fontes et flumina de abyso per terræ venas emanant. Alter sapientia erumpunt abyssi, cum largiente Christi gratia, profunda sacramentorum cœlestium fidelibus innotescunt.

Et nuves rore ejus crescunt. Patel juxta litteram, sed allegorice nubes sunt Ecclesiæ magistri, sublimes per contemplationem et vitam, rigantes corda auditorum, quasi subjectam sibi terram per doctrinam, quæ rore concrescunt, quia subtilissima discretione virtutes suas quibus proficiant, quibus alta petant, quibusque minoribus in exemplum monstrarentur examinant.

Fili mi, ne effuant hæc ab oculis tuis. Ne disciplina temporali fatigatus sapientiæ, quæ tanta est, gratiam perdas præcave.

Custodi legem atque consilium. Lex sapientia est, qua dicit: *Si vis ad vitam ingredi, non occides, non*

* *Deest finis tertii capituli et initium quarti.*

A mæchaberis, non furtum facies, non fulsum testimoniū dices, etc. (*Exodus. xx*). Consilium sapientie est cum prolinus addit, si vis perfectus esse, vade et vende omnia quæ habes, etc. (*Matthew. xix*).

Et erit vita animæ tuae. Anima tua habet vitam cum Deo, si ejus decreta custodieris, quamlibet caro disciplina correctionis aut etiam mortis prematur.

Et gratia faucibus tuis. Habet ergo sensus animi fauces suas, quia dulcia, inquit, *faucibus meis eloqua tua* (*Psalm. cxviii*), quibus verba quæ audit dijudicet, quibus res et gesta singulorum quæ cernit decernendo examinet, et hæc amplectendo recipiat, illa reprobando contemnat. Quibus nimirum faucibus, cum legem atque consilium Domini custodimus, B gratia multiplicatur. Quia quanto solertia quisque divinis obtemperat jussis, tanto dulcior ejus amorem concipit. Quam nostris faucibus inesse gratiam desiderabat Psalmista cum ait, *Gustate et videte quoniam suavis est Dominus* (*Psalm. xxxiii*).

Tunc ambulabis fiducialiter in via tua. Fiducialiter in via nostra incedimus, cum Dei gratia consti profectum in bona nostra conversatione suscipimus. Si ergo ejus imperiis humiliiter subdimur, et gustum superni amoris suavius faucibus mentis attingemus, et operationis bonæ augmentum semper obtinebimus, sed et in temptationibus ne deliciamus ipso juvante defendemur, hoc est enim quod sequitur:

Et pes tuus non impinget. Quoniam diligentibus Deum omnia cooperantur in bonum (*Roman. viii*).

Si dormieris, non timebis; quiesces, et snaris erit somnus tuus. Ne paveas repentina terrore, et irruentes tibi potentias impiorum.

Dominus enim in latere tuo, et custodiet pedem tuum ne capiaris. Patel juxta litteram quia securus et dormit et vigilat, et quiescit et ambulat, qui se innocenter ante Deum et juste vivere meminit. Sed et justus cum in morte dormierit, non solum potentias malignorum spirituum non metuit, sed et in pace quiescit ac securus diem resurrectionis exspectat; quia Deum ubique protectorem habet et custodem, quale est in psalmo: *Nam et si ambulaveris in medio umbras mortis, non timebo mala, quoniam tu mecum es* (*Psalm. xxii*).

Noli prohibere benefacere eum qui potest: si vales, et ipse benefac. Jam clarere miramur, quos aliquando parvulos et indoctos fuisse meminimas. . . . *

CAPUT IV.

Et docebat me atque dicebat: *Suscipiat verba mea cor tuum.* Hujusmodi monita Salomonis a David patre data, qui Verba dierum relegit inventus; quare autem se Salomon unigenitum coram matre nominat, quem fratrem uterum præcessisse Scriptura testatur, nisi quia ille mox natus sine nomine quasi nampus esset, vita discessit?

Et in omni possessione tua acquire prudentiam. Iu

omnibus quæ possides bonis sapienter te agere me-
mento, vel in omni possessione tua acquire pruden-
tiam, omnia quæ possides, terrena contemne, dum-
modo sapientiam percipias, quod petit Salomon ipse
dum data sibi optione, amorem sapientiae cunctis
præposuit rebus, et in Evangelio, qui pretiosam
margaritam quæsivit, hanc inventam omnibus, quæ
habuit, venditis emit.

*Dabit capiti tuo augmenta gratiarum, corona inclyta
proteget te.* Patet de Salomone, quia dum pro sa-
pientia cuncta despiceret, percepta sapientia ma-
jori, gloriæ sublimitate resulxit. Sed et [Forte deest
si] nostro capiti, id est, principali mentis sapientiam
ampliæctimur, amplior gratia Spiritus augetur, et
corona insuper vitæ in futuro donabitur. Expos-
itus sane his, quæ a Patre verba percepérat reddit
ad docendam auditorem suum sapientiam, quam
cepit.

*Audi, fili mi, et suscipe verba mea ut multipli-
centur tibi anni vitæ.* Id est, ut vitæ æternæ dona
percipias.

*Ducam te per semitas æquitatis, quas cum ingre-
sus fueris, non arciabuntur gressus tui.* Semità, id
est, actiones æquitatis dum inchoantur arcta viden-
tur et angusta, dum vero profectum capiunt, jam
ex consuetudine spatiose videntur et latæ, Psalmista
testante, qui cum insipiens Domino dixisset : Pro-
pter verba labiorum tuorum ego custodivi vias duras
(Psal. xvi), postmodum jam proficiens canebat :
*Viam mandatorum tuorum cucurri dum dilatares cor-
menum* (Psal. cxviii). Et si ergo semitas æquitatis
cum ingredi corporis arcta tibi videntur, cum tamen
eas ingressus fueris non arciabuntur gressus mentis
tue; sed juxta quod Dominus ait, jugum ejus suave
et onus leve reperies. Etenim reprobri in hac vita
latam intrant iter, at in die novissimo ligatis mani-
bus et pedibus mittentur in tenebras. Pedes vero
electorum diriguntur in viam pacis.

Et currēns non habebis offendiculum. Quo alacrius
ad implenda Dei mandata cucurreris, eo minus ad-
versa, quæ te impedian timebis. Nam quicunque in
prava actione desudant, offendiculum in medio cursu
reperiunt, quia exemplo dum non prævident, ra-
piuntur ad poenam.

*Comedunt panem impietatis et vinum iniquitatis
bibunt.* Ita actione scelerum iniqui quasi epulis de-
lectantur appositis, et certe vinum damnatorum bi-
bunt et esurientibus spicas tollere gaudent, ut esse
moris impiorum Scriptura sacra testatur.

*Iustorum autem semita quasi lux splendens, proce-
dens et crescens usque ad perfectam diem.* Iustorum
opera in luce scientie peraguntur, et æternam du-
cunt ad vitam, quæ est perfecta dies.

Via impiorum tenebrosa, nesciant ubi corruant.
Dicit de his et Joannes apostolus : Qui diligít fratrem
suum, in lumine manet, et scandalum in eo non est :
qui autem adit fratrem suum, in tenebris est, et in
tenebris ambulat, et nescit quo eat, quia tenebrae ob-
cæcerunt oculos ejus (I Joan. ii). Cui contra su-

A perius dicitur sapienti, *Quia currēns non habebis of-
fendiculum* (Prov. iv), id est, scandalum.

*Omni custodia serva cor tuum, quia ex ipso vita
procedit.* Sunt qui recte vivere videntur hominibus,
sed quia recta intentione non faciunt, a Deo qui
cor respicit pravum reprobatur et vita, quæ cre-
debat bona. Omni ergo diligentia cordis mundi-
tiam serva, quia ad ejus examen modus aestimabitur
vitæ.

*Remove a te os pravum et detrahentia labia sint pro-
cul a te.* Duobus modis sentiendum, ut et os tuum
ne pravum loquater aliquid, et tua labia ne
detractionibus assuescant custodias, et alios quo-
que quos huic vitio subditos nosti, ne te corrum-
pant, fugias.

*Oculi tui recta videant, et palpebrae tue præcedant
gressus tuos.* Iter justitiae, quo ingredi debeas dili-
genter edisce, et in cunctis quæ agere disponis, sol-
licitus ad quem sint finem ventura prævide; hoc est
enim palpebras recta videntium oculorum, tuos præ-
cedere gressus, bonum opus quod acturas es sedula
cogitatione prævenire, et quia secundum Deum sit
meditando prævidere.

Dirige semitam pedibus tuis. Ne videlicet erres in
actibus aut fide.

Et omnes via tue stabilientur. Ne levitate mentis
a bono movearis proposito. Hinc et Apostolus : Sta-
biles estote, et immobiles, abundantes in opere Domini
semper (I Cor. xv).

C Ne declines ad dexteram neque ad sinistram.
Dextera via bona sinistra accipitur reproba. Non
ergo dextera via ambulare, sed ad dexteram decli-
nare prohibemur, declinat enim ad dextram qui
injustus est, declinat ad sinistram qui sibi vult
arrogare, quod justus est, declinat ad dexteram qui
de suis viribus præsumit, declinat ad sinistram qui
pro sua fragilitate desperat se posse salvari, declinat
ad dexteram qui stultitiae famulatur, declinat ad si-
nistram qui vult plus sapere quam oportet sapere.
Quod et de cæteris virtutibus ac vitiis eodem modo
intelligitur.

Averte pedem tuum a malo. Hoc est, ne vel hoc
vel illuc a vero devies, quia virtutes discretionem
querunt, et nimetas omnis in vitio est.

Vias enim, quæ a dexteris sunt novit Dominus. Il-
est, eligit, placent illi, ideo displicentibus et repro-
bis dicturus est : Non novi vos (Matth. vii), quod
est dicere, Non vos elegi, non mihi placetis.

*Ipsæ autem rectos faciet cursus tuos, itinera autem
tua in pace producit.* Si averteris a malo pedem
tuum, si bona quæ docui Domino juvante facere stu-
dueris, aderit ipse propitius conatus tuis, ut et
nunc recte ingredi, et tunc ad pacem valeas perve-
nire sempiternam.

CAPUT V.

*Fili mi, attende ad sapientiam meam, et prudentiam
mea inclina aurem tuam.* Hactenus generaliter ca-
stigaverat auditorem. Hinc sub specie meretricis ali-
hæreticorum nequitia prohibet.

Ut custodias cogitationes, et disciplinam labia tua conservent. Cogitationes quibus recte credas, labia quibus ipsam fidem per simplicia verba et consueta atque Ecclesiastica proftearis. Sed et juxta litteram, qui adhaeret meretrici, etiam labia vel osculando vel turpia fando commaculat.

Favus enim stillans labia meretricis. Cum in ore haeretico dulcedo sapientiae non ad sufficientiam soluminodo, verum ad superfluitatem resonat, et ob id falsitas quia apte proferri cernitur, veritas a stultis aestimatur.

Et nitidius oleo guttur ejus. Oleo Spiritus sancti fides catholica consecratur, quo nitidius suum guttur ostentant, qui sua sensa patrum fidei anteponunt. Patet de meretrici, quia et sermonis suavitatem, et formositatem corporis ad captandos miseros querit.

Novissima autem illius, amara, quasi absinthium, et acuta, quasi gladius biceps. Potio absynthii intus amarescit in visceribus, gladio foris membra feriuntur. Ut igitur ostendat iniquos in novissima ultione et interius ardere, et extrinsecus poenis circumdari pro peccatis, et amaritudine illos absynthii torquendos et gladio asseverat esse truncandos. Quare autem idem gladius biceps sit dictus, Dominus aperit, cum ait: Sed eum timete, qui potest et animam et corpus perdere in gehennam (Matth. x).

Vagi sunt gressus et investigabiles. Vagi sunt sensus haereticæ deceptionis, quia alii Christum Deum, alii hominem esse negant, alii carnem accepisse, alii animam contradicunt, alii eum de virgine natum, C alii Spiritum sanctum, alii patrem Deum esse, alii peccantibus veniam dandam esse confiteri prohibent. Et in tam innumera hæc pestis se fundit itinera, ut penitus quot sint investigari nequeant: at catholica veritas vaga et investigabilis non est, quia una eademque cunctis est agnita totum per orbem fidelibus.

Longe fac ab ea viam tuam et ne appropinques foribus domus ejus. Et Apostolus ait, Fugite fornicationem (I Cor. vi), quia nimis primum hujus vita remedium est, longe fieri ab eis quorum praesentia vel inclinat vel cooperatur ad vitium. Sed ab haereticorum auditu prorsus segregari infirmis auditoribus prodest.

Ne des alienis honorem tuum, et annos tuos crudeli. Ne honorem, quo ad imaginem Dei creatus es, immundorum spirituum voluntatibus subdas, neque accepta vivendi spatia ad libitum adversarii immissis expendas. Cuicunque enim sceleri quisque subjicitur, in hoc profecto dominati malignorum spirituum mancipatur.

Ne forte impleantur extranei viribus tuis, et labores tui sint in domo aliena. Ne daemnoniorum facta adjuves, si vel ingenium animi vel corporis tui vires ad patrandæ facinora contradas, domumque alienam, id est, numerum perditionis, te adjecto multiplices, et pulchre dixit, labores tui sint in domo aliena, quia sunt qui iuxta Prophetam, ut inique agant, laborant,

A et haeretici quantum labore contra Ecclesiam subeant utinam lateret!

Et gemas in novissimis quando consumperis carnes et corpus tuum. Preponendum a superiori, ne forte, et est sensus. Ideo te castum custodi, ne forte in poenis gemere cogaris, quando non solum carnales illecebros transirent, sed et ipso corpore derelicto anima, quæ per corpus gessit, cuncta reddere compellitur, verum et in hac vita sepius contingit, ut qui in adolescentia luxuriose vivendo habita dispersebant, tempore senectutis inopia deficiant, et refrigescente calore carnis, ac flore juvente marcescente, rebus suis quas lascivie vendiderant, alias uti conspiciant, gementesque sera pœnitentia dicant, quæ sequuntur:

Cur detestatus sum disciplinam et increpationibus non acquiecie cor meum. Disciplinam dicit Ecclesiastice fidei, increpationes autem quibus haeretici cur ab Ecclesia recesserunt objurgantur. Patet de fornicariis.

*Pene fui in omni malo in medio Ecclesiae et Synagogæ. Ecclesia et syðagoga Græca nomina sunt, et unam eamdemque rem, latine significant, id est, conventum plurimorum ad invicem. Si autem subtilius distinguantur, Ecclesia *convocatio*, et synagoga *congregatio* interpretatur. Et vetus quidem Dei populus utroque nomine vocabatur; nunc autem gratia distinctionis, ille Synagoga, noster Ecclesia dicitur, merito scilicet fidei et scientiae majoris, quia et irrationalis creatura potest congregari. Denique dixit Deus: Congregetur aqua in congregationem unam (Gen. 1). Rationabilis autem solum et sensibilis potest convocari. Verum aliquando haec nomina etiam malorum conventus significant. Unde est illud: Exarsit ignis in synagoga eorum, et ediri ecclesiam malignantum (Psal. cv). Quod ergo sero pœnitens ait contemptor sapientiae, pene sui in omni malo in medio Ecclesiae et Synagogæ, videtur miserio magnitudinem suæ damnationis perpendenti, quia nil pene fuerit sceleris, quo non ipse sit irretitus, quia tanta meruit tormenta subire. Et hoc ad cumulum accerserit miserie, quod non extremus ipse peccantium, sed medius magis et quasi auctor extiterit, et certe in mediis sanctorum conventiculis corpore positus, alienam ab eis vitam ducere non timuerit. Et de haereticis specialiter sentiendum, quia nec veterum patrum, nec novorum dictis et exemplis potuerunt ab errore revocari.*

Bibe aquam de cisterna tua, et fluente putei tui. Desiderio utere propriæ mulieris et ejus ministeriis sovere devotis.

Deriventur fontes tui foras, et in plateis aquas tuas divide. Filium tuum ac filiam aliis nuptum trado et hoc manifeste facito pluribus consciis.

Habeto eas solus, nec sint alieni participes tui. Solus in tua potestate restine, quibus matrimonii liberos tuos socios, nec sint fornicariæ et meretrices tue sobolis participes.

Sit rena tua benedicta, et lactare cum muliere ade-

lescentiae tuæ. Tanta te temperantia cum muliere quam adolescens acceperisti, et cum senuerit serva, ut merito fidelis castumonie benedictionem consequaris in prole.

Cerva charissima et gratissimus hinnulus. Illa sit tibi semper charissima conjux, quæ sicut cerva serpentes ita persecutur scorta, et suis effuget ab ædibus. Sit natus ex ea filius et ipse castitatis amator gratissimus.

Ubera ejus inebriant te omni tempore. In amore illius delectare jugiter. Non uxorio operi semper insistere docet, sed movet ne et prima vivente aliam ducas, et meretrice unquam socieris. Alterius superius quod ait, *Bibe aquam de cisterna tua et fluenta pueri tui,* docet ab hæreticis cavendum et custodie scripturarum ac lectioni attendendum. Scientiam inquit quam prædictas aliis ipse serva, et tui irrigatione sermonis infundere.

Deridentur fontes tui foras et in plateis aquas tuas divide. Cum ipse servaris, tunc et aliis prædicta, et in magna auditorum amplitudine divina eloquia juxta uniuscujusque qualitatem dispensa.

Habeto eas solus. Aquas et in plateis dividimus et tamen soli possidemus, quando et exterius late prædicationem fundimus, et tamen per eam laudes humanas consequi minime ambimus.

Nec sint alieni participes tui. Immundi Spiritus participes flunt doctori, si ejus mentem et fastu elationis dum prædicat, et hæresi et alio quolibet vitio corruptunt. Solus autem aquas possidet cum membris Ecclesiæ fideliter connexus ab extraneorum sese consortio liberum servat. *Sit vena tua benedicta et lactare cum muliere adolescentia tuæ.* Sit doctrina tua et quicunque nascentur ex ea in benedictione Ecclesiæ, et lactare cum ea, cui ab adolescentia, id est, a primo credendi tempore conjunctus es. *Cerva charissima et gratissimus hinnulus, ubera ejus inebriant te omni tempore, in amore ejus delectare jugiter.* Cerva charissima sive gratissima, ut quidam codices habent, sancta Ecclesia quæ serpentinam solet odio habere et conterrere doctrinam. Gratissimus hinnulus est populus ejus virtutum varietate delectabilis, et ad eamdem castæ fidei semper simulatione succensus. Cujus uberibus inebriamur, cum utriusque Testamenti paginis contra hæreticorum fraudes instruimur, cuius pace et amore jugiter delectari, magna est exercendarum occasio virtutum.

Quare seduceris, fili mi, ab aliena? et soveris sinu alterius. Et de meretrice et de hæresi sentiendum.

Respicit Dominus vias hominis et omnes gressus illius considerat. Non se putent adulteri tenebris noctis aut parietum obtagi: non hæretici sua volumina posse celari, quia tenebræ non obscurabuntur a Domino, et nox sicut dies illuminabitur.

Iniquitates suæ capiunt inirium et funibus peccatorum suorum constringuntur. Distat inter peccatorem et inirium, quod peccator appellatur omnis qui vel in parvis vel in magnis sceleribus decidit. Impius

A autem qui vel nunquam fidem recepit, vel enormitate scelerum ab ea quam accepit Anathema factus est, ut hæretici vel Catholicæ publicis flagitiis involuti, qui funibus peccatorum suorum constringuntur, cum incessibili augmento suæ pravitatis intereunt, qui enim funem facit torquendo semper et involvendo fides fidibus auget. Talis est et tortitudo operum malorum. Tales libri hæreticorum, in quibus prava pravis necentes, non aliud scribendo quam quo se arctius obligent, agunt.

Ipsæ morietur quia non habuit disciplinam et multitudine stultitiae suæ decipietur. Quia multa de adulterio vel hæreticis disputaverat, more suo in clausula narrandi qualis sit talium finis ostendit, id est, quia ad mortem tendant æternam, qui disciplinam detestati sunt vite. Multitudinem hoc stultitiae dicit, cum hæretici se sapientiores sanctis Patribus autem, vel cum opera tenebrarum facientes iniqui, aut Dominum hæc non videre, aut se facile ejus iram petant posse tolerare.

CAPUT VI.

Fili mi, si spoponderis pro amico tuo defixisti apud extraneum manum tuam. In promptu est litteræ sensus quia suadet ei qui spopondit pro amico, ut ipsum amicum sollicitus admoneat, quatenus redditâ pecunia quam debet creditorî et se et ipsum liberet. Allegorice autem in hac periocha doctorem, in sequente vacantem quemlibet ut se gerere debeat instruit. Dicitur enim præceptor, *Si spoponderis pro amico tuo, defixisti apud extraneum manum tuam.* C Quod est aperte dicere, si animam fratris in periculo tuæ conversationis acceperis, jam ligasti mentem apud curam sollicitudinis quæ ante decerat.

Illaqueatus es verbis oris tui, et captus propriis sermonibus. Quia dum commissis tibi cogeri bona prædicando dicere te ipsum prius necesse est quæ dixeris custodire.

Fac ergo quod dico, fili mi, et te ipsum libera, quia incidi in manu proximi tui, discurre, festina, suscita amicum tuum. Non tantum ipse bene vivendo vigilare memento, sed et illum cui præs a peccati torpore prædicando disjunge.

Ne dederis somnum oculis tuis, nec dormitent palpebræ tuæ. Somnum dat oculis qui subditorum curam omnino neglit: dormitat autem qui quidem reprehensibilia eorum gesta cognoscit, sed hæc propter mentis tædium digna invectione non corrigit.

Eruere quasi damula de manu et quasi avis de insidiis aucupis. Quantum avis de laqueo vel damula de manu captantis querit evadere, tantum nitere, ut auditore tuo salubriter instituto ipse a sponsione vite ejus liber reddaris. Et certe quia damula mundum natura est animal, velox cursu visuque acerrimus, unde et Græce ἀπὸ τοῦ Δέρκεων, id est, a vidento dorcas nuncupatur. Avis autem volando alta petere consuevit: cum in docendis occuparis subditis, mundus a peccatis omnibus, strenuus in operibus bonis, perspicax in deprehendendis malorum insidiis, et virtutum penitus fultus esse satage, quatenus expleto

prædicandi negotio ad superna transvolare et cœlestis vitæ pascua merearis intrare.

Vade ad formicam, o piger, et considera vias ejus et disce sapientiam. Hinc vacantem hortatur quemque ut si ad alios erudiendos non sufficit, saltem suimet curam agere non negligat, et si sapientiam doceri nequit ab homine, vel operandi sapientiam discat a formica.

Quæ cum non habeat ducem, nec præceptorem, nec principem parat æstate cibum sibi, et congregat in messe quod comedat. Si tantillum animal principe carens et rationis expers, natura duce sibi prævidet in posterum, multo magis tu ad imaginem Dei conditus, ad videndum ejus gloriam vocatus, doctrinæ magisterio adjutus ipsum conditorem habens ducem, debes in præsenti bonorum operum fructus congregare, quibus æternum vivas in futuro. Hæc enim vita in eo messi comparatur et æstati, quod hæc inter ardores tentationum, tempus est colligendi futurorum præmia meritorum. At dies judicii hiemis similatur rigoribus, quod tunc nimur nulla relinquunt facultas pro vita laborandi, sed tantum cogitur quisque de horreo priscae actionis, quod recondidit proferre. Unde et Dominus præcipit dicens : *Orate autem ut non fiat fuga vestra hieme vel sabbato.* Hieme enim facultas, sabbato licentia, juxta legem deest fructus vitæ colligendi ac penitriam fugiendi perpetuum.

Usquequo, piger, dormis? quando consurgis a somno tuo, paululum dormies, paululum dormitabis, paululum conseres manus ut dormias. Usquequo, inquit, dormis in vitiis? quando potes resurgere ad bene operandum qui noxio torpore depresso semper dieis : paululum adhuc jaceam, et sic postea pœnitendo resurgam. Fit namque ut te semper differente opus bonum repente judex qui mala tua facta puniat, adsit : Hoc est enim quod sequitur :

Et reniet tibi quasi viator egestas et pauperies quasi vir armatus. Egestas namque et pauperies poena est ultima, in qua damnati nil divitiarum merentur. Quasi viator veniet, quia improvisa et subitanea : quasi vir armatus, quia devinci perpetuo non potest. Patet juxta litteram quia pigritia nutrix est egestatis et penuria. *Si vero impiger fueris, reniet ut fons messis tua.* Fructus terreni quos metimus non fonti comparantur, sed cisternæ, quia ad tempus pascunt colligentem et in tempore descent : at qui impiger fuerit pro cœlestibus laborare divitiis, hujus messis ut fons advenit, quia mercedem laborum indeficientem percipiet.

Et egestas longe fugiet a te. Quia satiabor, inquit, dum manifestabitur gloria tua (*Psalm. xvi.*).

Homo apostata, vir inutilis, graditur ore perverso, annuit oculis, terit pede, digito loquitur, pravo corde machinatur malum, et in omni tempore jurgia seminat. Dixerat de hæresibus et aliis vitiiorum generibus instituerat præceptorem, excitaverat pigrum, at nunc redarguit et schismaticum. Ubi nondum quia qnem seminantem jurgia dicere volue-

A rit prius apostata nominavit, quia nisi more superbientis angeli a conspectu conditoris prius, intus aversione mentis caderet, foras postmodum usque ad seminanda jurgia non veniret. Quia recte dicitur quod *annuit oculis, terit pede, digito loquitur,* interior namque est custodia quæ ordinata servat exterius membra, qui ergo statum mentis perdidit, foras in incoustantiam motionis fluit, atque exteriori mobilitate indicat quod nulla radice interius subsistat.

Sex sunt quæ odit Dominus, septimum detestatur anima ejus. Eudem quem supra plenius, quia sit Domino odibilis discordiam seminando insinuat, quod autem Domini animam dicit, humano more facit, ut eum plena intentione et non leviter tales odisse significeret, tale est in Isaia : *Kalendas vestras et solemnitates vestras odirit anima mea (Isa. 1).*

Oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes velocius ad currendum in malum, profereptem mendacia, testem fallacem, et eum qui seminat inter fratres discordias. Enumerat sex capitalia criminis quæ tamen comparatione discordias seminant, quasi minora deponit, quia nimur majus est facinus illud, quo unitas et fraternitas quæ per Spiritus sancti gratiam est connexa dissipatur, potest enim quilibet oculos jactanter extollere, lingua mentiri, homicidio pollui, mala proximo machinari, aliis sceleribus membra subdere, falsum contra quempiam testimonium proferre, quod non idem esse putandum est, quod supra linguam mendacem nominat : potest enim mendacium, sed non contra proximum dici, nam et beatus Augustinus octo esse genera mendacii, in libro quem de Mendacio composuit docet, potest inquam perditus quique hujusmodi mala vel sibimetipsi, vel alii inferre pace servata Ecclesiæ, at Donatus et Arius eorumque sequaces gravius est quod fecerunt, qui concordiam fraternali unitatis discordias seminando sciderunt.

Conserva, fili mi, præcepta patris tui, et ne dimittas legem matris tue. Nunc sub adulteræ mulieris specie prohibet ab auditione hæreseos.

Liga ea in corde tuo jugiter, et circumda gutturitno, et in cogitatione præcepta Dei fixa retine et loquela tuam. Horum undique dulcedine, ne forte in lingua labaris communito.

Cum ambulaveris, gradiantur tecum, cum dormieris, custodian te : ei evigilans loquere cum eis. Tanta sit tibi meditatio divinæ legis, ut cum vigilans aliquid operaberis hanc sedula mente recolas; cum dormiveris, in hujus memoria quiescas, cum evigilaveris hanc primo ad mentem revokes, sic etenim flet, ut nec vigilans offendas, nec a timore nocturno laedaris. Alter, cum ambulaveris in profectu justitiae : gradiantur tecum mandata Dei, ut te instruant. Cum dormieris in morte custodian animam tuam, ne rapiat hostis : cum evigilaveris in resurrectione,

loquere cum eis, expetendo præmia quæ tibi, si ea servares, promiserant.

Nec capiaris nutibus illius. Patet de adultera, sed et hæretici, si bene vivere et apte se agere videntur, vide ne seducaris eorum doctrinis.

Premium enim scorti vix unius est panis. Recordare quod brevis voluptas fornicationis et perpetua est poena fornicatoris; sicut enim unus panis diurnam solum effugat esuriem, et nihilominus postmodum esurit, qui comesto pane saturus abscesserat: sic qui intrat ad scortum, ad horam quidem evaporat libidinem, sed post paululum ardenter redit.

Numquid abscondere potest homo ignem in sinu suo ut testimenta illius non ardescant? Soli ei conceditur hæreticorum libros legere qui adeo solidatus est in fide catholica, ut vel verborum dulcedine vel astutia nequeat ab ea segregari.

Non grandis est culpa, cum quis furatus fuerit, etc. Furtum non ex sua æstimatione sed ex comparatione majoris, id est adulterii, non grandis esse culpæ perhibetur. Sicut Hierusalem gravius peccanti dicitur, *Justificata est Sodoma ex te, non quia Sodoma nulla vel pauca, sed quia Hierusalem plura peccavit.*

Quia zelus et furor viri non parcat in die vindictæ, nec acquiescat cujusquam precibus, nec suscipiet pro redempione dona plurima. Et de Domino intelligendum, quia qui nunc parcit reprobis non parcit in die mortis, nec acquiescit precibus sero clamantium ad se, nec dona quorum ibi tempus et facultas non est, suscipit, zelatur enim si quis sponsam suam, id est, Ecclesiam sive animam quamque fidelem conservare præsumit.

CAPUT VII.

Fili mi, custodi sermones meos, etc. Et hæc periocha eadem quæ superior sub meretricis persona plenius explicat.

Et legem meam, quasi pupillam oculi tui. Tam sollicitate serva, quæ doceo, quasi nil recte sine his aspicere valeas.

Liga eam in digitis tuis. Scribe illam in tabulis cordis tui. In digitis, in actibus dicit. In tabulis cordis, in latitudine cogitationis, denique et alia translatio sic dicit: *Describe eam in latitudine cordis tui.*

Dic sapientie, soror mea es, et prudentiam voca amicam tuam, ut custodiat te a muliere extranea, et ab aliena quæ verba sua dulcia facit. Sapientiam Ecclesiasticæ doctrinæ sororia tibi dilectione conjunge, ut hæc te a pollutione servet hæretica, quæ a castitate Ecclesiæ probatur extranea.

De fenestra enim domus meæ per cancellos prospexi, et video parvulos. Patet juxta litteram, quia sapientium aspectus magistrorum et infirmorum acus sedulo speculator et fortium. At æterna Dei sapientia de cœlo prospicit, et videt omnes filios hominum. Apte autem Salomon de fenestra domus sue se per cancellos prospexit dicit, ut parvulorum gesta dijudicaret. Qui enim de fenestra per cancellos prospicit, ipse quidem ea quæ foris aguntur,

A plene considerare sufficit, nec tamen ipsum qui foris et infra degunt aspiciunt: namque hoc est quod Apostolus ait: *Spiritalis enim omnia judicat, ipse autem a nomine judicatur* (*I Cor. ii.*).

Considero recordem juvenem, qui transit in platea juxta angulum. Juvenem vocat adulterum non propter veritatem, sed propter instabilitatem. Qui transit in platea, quia deseruit angustam viam, quæ dicit ad vitam; juxta angulum, quia deflectit a rectitudine.

Et prope viam domus illius graditur. Quia a via veritatis declinavit, merito viæ meretricis domus vel hæretici appropiat, quæ recte juxta quod exposuimus et in platea, et juxta angulum posita est.

In obscurō adesperascentē die, in noctis tenebris et caligine. Quia jam talis per cæcitatem cordis ad tenbras festinat et peccati et damnationis.

Et ecce mulier occurrit illi ornata meretricio, præparata ad capiendas animas. Patent hæc cuncta juxta litteram de meretricis operibus. Verum doctrina hæretica quemcunque incautum reperit, et recordem, hunc decipere tentat, ipsa etenim ornata meretricio appetit, quia immunda præfulget eloquentia. Præparata est ad capiendas animas, quia quoscunque sibi associare potest spiritali morte permitit.

Garrula et vaga, quietis impatiens. Quietem Ecclesiæ turbare desiderans.

Nec valens in domo consistere pedibus. Nulla enim est hæresis quæ primis sit contenta discipulis. His sunt enim domus ejus, sed semper novos quos decipiat quærerit.

Nunc foris, nunc in platters, nunc juxta angulos insidians. Foris, cum paganos rapit; in platters, cum voluptuosos; juxta angulos, cum alios hæreticos.

Apprehensumque deosculatur juvenem. Verborum fallentium blandimentis tentat instabilem.

Et procaci vultu blanditur dicens: *Victimas pro salute debui, hodie reddidi vota mea.* Juxta litteram patet intellectus, quia meretrix convivium semper magnificum [se pernagnificum] præparasse fatetur. At hæretici in cunctis quæ agunt, victimam se snæ salutis Deo immolare vel autumant vel autumari gestiunt: nam et Dominus ad discipulos: *Sed venit, inquit, hora, ut omnis qui interficerit vos, arbitretur se obsequium præstare Deo* (*Joan. xvi.*)

D Intexui funibus lectum meum, stravi tapetibus pictis ex Ægypto. Solent lecti qui ex funibus vel juxta aliam translationem instititis intexuntur meliores fieri, quam qui ex ligno vel corio vel qualibet alia materia instruuntur. In lecto ergo funibus intexto meretrix mollitiem quiescendi designat. In tapetibus vero pietis ex Ægypto, etiam oculorum tentat illecebros, quibus uelando aspectu irretitus facilius ad seducenda mentis arcana penetret, quia vero nomine funium aliquando solent divina præcepta figurari, quæ a nostris nos voluptatibus coercendo religant, promittunt se hæretici contextu verborum cœlestium salubre suis auditoribus quasi stratum parare, in quo a vitiorum tumultibus libero corde quiescant.

sed *veraciter illis fusibus peccatorum construunt locum perditionis, ubi perpetuo pedes manusque alligati damnentur.* De quo Dominus in Apocalypsi : *Et dedi, inquit, illi tempus ut paenitentiam uageret, et non vult paenitere a fornicatione sua : ecce mittio eam in lectum et qui mæchantur cum ea in tribulationem maximam* (Apoc. 11). In tapetibus vero pictis ex Ægypto, ornatus eloquentiae et dialecticæ artis versutia, quæ ab ethnicis originem sumpsit, intelligitur, per quam mens hæretica sensum doctrinæ pestilens, quasi meretrix thorum facinoris se texisse gloriatuerat.

Aspersi cubile meum myrrha et aloë et cinnamomo. Promittunt se tales odorem caelestium habere virtutum, quibus sua suorumque corda velut cibilia venusta conseruent, ac dicere posse cum apostolis, *quia Christi bonus odor sumus Deo* (II Cor. 11).

Venî, inebriemur uberibus donec illucescat dies. Doctrinæ sanctæ poculis se invicem satiantos jactant hæretici, et virtutum gratia conjungendos, donec eorum gesta lux sequatur æterna.

Non est enim vir in domo sua, abiit longissima via. Non est, inquietum, Christus corporaliter in Ecclesia, surgens enim a mortuis ascendit in cœlum nobisque ministerium gubernandæ Ecclesiæ suæ, videlicet, domus, reliquit.

Sacculum pecuniaæ secum tulit. Gloriam resurrectionis et immortalitatis decus secum detulit, quo illius patriæ cives laetificaret ac ditaret.

In die plenæ lunæ reversurus est domum suam. In tempore quo electorum suorum Ecclesia numerum compleverit revertetur ad judicium.

Statim eam sequitur quasi bos ductus ad victimam. Id est, quasi stultus nesciens ipse ductus ad interitum.

Et fortissimi quique intersecii sunt ab ea. Ut ipse Salomon sapientissimus virorum, ut Samson fortissimus, ut David mansuetissimus, a muliebri decipula. Ut Origenes ab hæretica, quem post apostolos Ecclesiæ magistrum fuisse, quandiu recte sapuit, qui negaverit, errat.

Vix inferi domus ejus, penetrantes interiora mortis. Sed de Ecclesia Dominus ait : *Quia portæ inferi non prævalebunt adversus eam* (Math. XVI). Interiora autem mortis acerrima gehennæ tormenta, quasi arctiora et obscuriora dicit, quibus hæreticos et fornicarios constat esse mergendos, sicut de sanctis pro Domino in hac vita patientibus dicitur : *Quia misit eos custos in interiorum carcerem* (Act. XVI), atrociorem videlicet, fœliorem et obscuriorem.

CAPUT VIII.

Nunquid non sapientia clamitat et prudentia dat vocem suam? Nunquid non Dominus palam locutus est mundo, et in occulto locutus est nihil? (Joan. XVIII.) Quid ergo, neglecto ejus Evangelio, ad hæresin potius vel lascivæ suasionem, quæ in angulo susurrant, audiendam miseri confluent?

In summis excelsisque verticibus super viam in mediis semitis stans juxta portas civitatis. In monte

A discipulos simul et turbas docuit, sed et per vias saepe his qui conveniebant prædicabat, et eos qui cura indigebant sanabat. In ipsa etiam porta civitatis Naim mortuum resuscitans exemplo miraculi verba quæ docuerat commendabat, et quid sequimini eos qui in abditis contra eum suas exerunt linguis?

In ipsis foribus loquitur dicens : O vires ad vos clamito et vox mea ad filios hominum. Ad viros clamat, id est, ad strenuos verbi auditores in utroque sexu. Nam qui feminæ, id est, fluxa mente sunt, sapientiae verba percipere nequeunt.

Intelligite, parvuli, astutiam, et insipientes animadverte. Manifestum de Domino, quia et cum esset ipse in mundo omni ætati, sexui et conditioni locutus est verbum, inno etiam clamabat stans in templo : Si quis sit, reniat ad me et bibat (Joan. VII); et nunc per doctores Ecclesiæ, ipsi enim sunt fores civitatis ejus; viris siwul ac feminis sapientibus, et insipientibus grandavis prædicat, et parvulis, at contra doctrina fallax clam et privatim quos seducere valeat querit.

Audite, quoniam de rebus magnis locutura sum. Magnis nempe quia regnum cœlorum et promisit et dedit fidemque sanctæ Trinitatis docuit, atque alia innumera quæ prophetæ ei loquenda relinquebant.

Et aperientur labia mea, ut recta prædicent. Labia ejus sunt duo Testamenta concordi ad invicem veritatis attestatione conjuncta, quæ ipsa in carne apparente per sancti Spiritus donum, sunt ad prædicandum salutem universum aperta per orbem.

Accipite disciplinam meam, et non pecuniam; doctrinam magis quam aurum eligit. Non potestis Deo servire et mammonæ (Math. VI).

Ego sapientia habito in consilio, et eruditis intersum cogitationibus. Ubi duo et tres congregati fuerint in nomine meo, ibi sum ego in medio eorum (Math. XVIII).

Arrogantium, et superbiam, et viam pravam, et os bilingue detestor. Arrogantium et superbiam in eis qui se cæteris meliores estimant, viam pravam in eis qui aperte mala faciunt, os bilingue in illis, qui in bonis quæ loquuntur stabile quippam non habent, sed juxta auditorum libitum sua verba comutant.

Meum est consilium et æquitas, mea prudensia, mea est fortitudo. Non se extollat humana præsumptio, plenitudinem virtutum sola Dei sapientia possidet, et ab hac humana infirmitas quidquid virtutis habet, accipit.

Per me reges regnant et conditores legum justa decernunt, per me principes imperant, et potentes decernunt justitiam. Reges dicit Apostolos sive alios sanctos, qui et seipso primum, et deinde Ecclesiam sibi subditam bene regere sciunt. Legum conditores, auditores utriusque Testamenti, et sequentes Ecclesiæ scriptores, principes et potentes cæteros fidelium præceptores ac rectores appellant, qui utique omnes non nisi per sapientiam ut essent aliquid habent :

Ait enim, *quia sine me nihil potestis facere* (Joan. xv).

Ego diligentes me diligō, et qui mane vigilant ad me invenient me. Tale est et in Evangelio: *Qui autem diligēt me, diligetur a Patre meo et ego diligam eum et manifestabo ei me ipsum* (Joan. xiv). Mane quippe vigilant ad sapientiam, qui semper innovato mentis studio ad Christi visionem pertingere satagentur.

Mecum sunt divitiae et gloria, opes superbæ et justitia. Opes superbæ opes excelsas dicit, ut coelestia dona signifiet, Græce etenim superbæ ὑπερέφανος, id est, super apparens dicitur, et ideo recte sapientia opes ὑπερέφανος secundum esse dicit, quia quidquid honorum cœlitus fidelibus datur, cunctis mundi opibus excellentius esse probatur, quod etiam addendo justitiam manifestius inculcat. Nam terrenas opes et gloriam sœpius habent injusti, *nos autem in resurrectione, sicut Petrus ait, novos cœlos et novam terram et promissa ipsius exspectamus* (II Petr. iii), in quibus justitia habitat.

Dominus possedit me ini. viarum suarum. Viæ Domini sunt opera ejus, quorum consideratione ad fidem vel agnitionem pervenit hominum, *invisibilitia enim ipsius a creatura mundi per ea quæ facta sunt intellecta conspiciuntur* (Rom. i). Viæ ejus sunt ipsæ illuminationes, per quas se et angelicis spiritibus et mentibus ostendit humanis, in quarum initio viarum sapientiam possedit, quia in primordio creaturæ nascentis filium, qui cum eo cuncta disponeret habuit. Sed ne putaret aliquis harum in initio viarum vel aliquando ante tempora filium esse cœpisse vigilanter adjunxit:

Antequam quidquam ficeret a principio, ab aeterno ordinata sum, et ex antiquis antequam terra fieret, et cetera, usque dum ait, quando appendebat fundamenta terra, cum eo eram cuncta componens. Cui simile est in Evangelio. *In principio erat Verbum, et Verbum erat apud Deum, et Deus erat Verbum, omnia per ipsum facta sunt* (Joan. i). Percant ergo qui negant Dei virtutem, et Dei sapientiam, videlicet Christum ab initio, hinc et ante omne quod dici vel cogitari potest, initium ab ipso patre fuisse progenitum: alia translatio, hunc locum ita incipit: *Dominus creavit me principium viarum suarum in opera sua.* Quod de incarnatione Dominica dictum Patres intelligent, dicentes quia certi gratia mysterii dixerit: *Dominus creavit me, et non, Pater creavit me.* Caro, inquit, Dominum agnoscit, gloria Patrem signat, creatura Dominum constitutur, charitas Patrem novit. *Principium, vel in principio viarum suarum.* Et ipse ait: *Ego sum via, quia surgens a mortuis iter fecit Ecclesie suæ ad regnum Dei ad vitam aeternam.* In opera sua, quia ad redimenda opera patris a corruptelæ servitio liberaret: caro enim Christi propter opera, divinitas ante opera.

Et delectabar per singulos dies ludens coram eo omni tempore. Ludens in orbe terrarum, et deliciae meæ, esse cum filiis hominum. Ludentem dicit gaudientem. Erat ergo ludens coram patre per singulos

A dies, quia, ut propheta ait, a principio ex diebus æternitatis gaudebat unum esse cum Patre (Mich. v). Erat omni tempore ludens in orbe terrarum, quia et cum tempora orbis ac creature esse cœpisset, ipse quod erat cum patre filius manebat, haec ideo ne quis cum cum creaturis et temporibus cœpisse perhiberet. Et deliciae ejus sunt esse cum filiis hominum, quia desiderat in eorum amore quiescere, nos bonorum gratia meritorum ad se videndum perdaere.

Beatus homo qui audit me, qui vigilat ad fores meas quotidie, et observat ad postes ostii mei. Fores suas et postes ostii sui Scripturas sanctas, et eorum doctores nuncupat, sine quibus ad vitam quam pollicetur non valemus ingredi.

CAPUT IX.

Sapientia ædificavit sibi domum. Quia de æternitate divinitatis Christi sufficienter dixerat, addit et de assumpta humanitate dicere. Sapientia igitur ædificavit sibi domum, quia hominem Filius Dei, quem in unitate suæ personæ susciperet ipse creavit.

Excidit columnas septem. Ecclesiæ per orbem septiformi gratia Spiritus erexit. Quæ domum ejus; id est, mysterium incarnationis ejus, ne persidorum in probitate memoria tolleretur, credendo, colendo et prædicando, quasi sustentando continerent, vel certe sapientiæ domus Ecclesiæ Christi est, columnæ autem doctores sanctæ Ecclesiæ septiformi Sp̄itu pleni, quales fuere Iacob, Cephas et Joannes, quas nimurum columnas sapientia excidit, quia ab amore presentis sæculi disjunctas ad portandum ejusdem Ecclesiæ fabricam mentes prædicantium erexit.

Immolavit victimas suas. Suis passionibus Ecclesiæ conservavit, vel vitam prædicantium mactari in persecutione permisit, quibus videlicet victimis contrariae sunt victimæ meretricis, ad quas stultos invitat, ut super lectum est, dicens: *Victimas pro salute debui, hodie reddidi vota mea.*

Miscuit vinum et proposuit mensam suam. Divinitatis suæ arcana capere non valentibus, assumptionis humanitatis sacramenta patefecit, et Scripturæ sacrae pabula nobis aperiendo præparavit.

Misit ancillas suas ut vocarent ad arcem, et ad mœnia civitatis. Prædicatores infirmos ac despicabiles elegit, qui fideles popules ad superna patrum cœlestis ædificia colligerent.

Si quis est parvulus veniat ad me. Parvulos dicit humiles, insipientes vero eos, qui de mundane sapientiæ fastu nil habent; tales autem vocat ut eos sua doctrina sapientes reddit et altos.

Venite, comedite panem meum, et bibite vinum quod miscui vobis. In pane divina eloqua, in vino mixto conjuncta in unam Christi personam deitatis et humanitatis ejus natura exprimitur, ut supradictum est, vel certe in pane corporis ipsius, in vino mixto sanguinis sacrosanci mysterium, quo in altari, mensa videlicet ejus satiamur, ostenditur.

Relinquite infantiam et novitatem, et ambulate per vias A prudentiarum. Post oblatas epulas addit et vita monita, ut quos perceptis suae incarnationis mysteriis reficit, doctrinæ pariter instituat verbis.

Qui erudit derisorum ipse sibi facit injuriam, et qui arguit impium, generat maculum sibi. Quidam interrogares. Cur sapientia parvulos præ exteris et insipientes ad suas invitaret epulas : Ideo, inquit, feci, quia frustra laborat, qui verbum sapientiae incalcare nititur ei, qui audire contemnit, sapientiem se doctorem et majorem existere credens.

Noli arguere derisorum ne oderit te. Non est timendum ne tibi derisor cum arguitur contumelias inferat, sed hoc potius providendum, ne tractus ad odium pejor fiat. Ideoque tibi aliquoties ab ejus correptione non tuæ timiditatis, sed dilectionis ejus gratia cessandum.

Argue sapientem et diligit te. Sapientem in profectu positum, id est, amatorem sapientiae dicit, quem supra præ humilitate parvulum nuncupavit, nam perfectus sapiens non habet opus argui.

Mulier stulta et clamosa plenaque illecebris, et nihil omnino sciens sed sit in foribus aomus suæ, super sellam. Mulier autem hæc hæresis est, contraria nimis sapientiae, quæ sua superiorius sacramenta oecinit. Sedit autem et ipsa in foribus domus suæ, id est, in doctoribus falsitatis, quia in penetralia perfidias miseros fallendo introducunt. Super sellam autem, quia cathedram sibi prædicationis usurpat. Hæc est cathedra pestilentiae, in qua beatus vir sedere detrectat. In excelso urbis loco. Dicit et de sapientia, quia in summis excelsisque verticibus dat vocem suam, sed illa in sublimitate virtutum, hæc in supercilio elationis attollitur.

Ut recaret transeuntes per viam, et pergentes itinere suo. Vocat hæresis ad persolidam sæpe Catholicos, quos iter rectum agere, et viam sæculi hujus transire ciuius velle, atque ad æternam patriam festinare conspici.

Qui est parvulus, declinet ad me, et recordi locuta est. Et sapientia parvulos atque insipientes ad suum

convivium pene iisdem verbis invitare videtur. Sed distat, quod illa simpliciter ad se venire, hæc autem quos vocat ad se declinare suadet, quia illa nimis ad rectum actionis iter quos errantes cernit accersit; hæc recte gradentes ab itinere suo deviare, et ad se divertere docet.

Aqua furtivas dulciores sunt, et panis absconditus suavior. Sapientia palam mensam proposuit, et miscuit vinum suum, at stulta mulier nil meracum habens ad aquas furtivas, et absconditum panem quoscunque valet aggregat, quis Catholica Ecclesia palam mundo diurnorum eloquiorum convivia pandit, divinitatis et humanitatis Christi mysteria celebranda precipit, vel certe in vino mixto historicam simul, et allegoricam auditoribus suis scientiam propinat, ut pro suo quemque captu vite poculis resiciat. At hæreticorum doctrina publicæ fidei et professioni sua secretim decreta præponit, et cum nil spirituale habeat suaviorem se catholicis pastoribus scientiam jactat docere, ut scilicet libentius audiantur et agantur, quæ palam in Ecclesia dici credique prohibentur. Et dulcissima hauriatur insipientia quæ putatur scientia, cujus prohibita furatur auditio. Potest in aquis furtivis baptisma hæreticorum, in pane abscondito eorumdem sacrificium designari. At juxta litteram mulier adultera in aquis furtivis et pane abscondito prohibita et illicita concubia dulciora esse asseverat.

Et ignoravit quia gigantes ibi sint. Et in profundis inferni viæ ejus. Nescit adultera, nescit hæreticus, quia immundi Spiritus suas domus habitant. Et qui in profundis inferni poenas luunt æternas, ipsi in actibus luxuriosorum, ipsi hæreticorum dogmatibus, quasi conviviis delectantur opimis. At cum rite in Ecclesia Christi sacramenta celebrantur, Christi verbum auditur, et conservatur, qui est sapientia Dei, constat quod angelicæ virtutes ibi sint, et in excelsis cœlorum convivæ fideliū. Panem enim cœli dedit eis, panem angelorum manducavit homo (Iou. vi).

LIBER SECUNDUS.

PARABOLÆ SALOMONIS.

CAPUT X.

Parabolæ Salomonis. Novum ponit titulum, quia novum genus locutionis incipit, ut non sicut prius de singulis bonorum malorumve partibus diutius disputet, sed alternis versibus actus utrorumque describat.

Filius sapiens lætitiat patrem, filius autem stultus mestitia est matris suæ. Qui accepta fidei mysteria bene servat, lætitiat Deum Patrem, qui vero haec actione mala vel hæresi commaculat, matrem contrastat Ecclesiam.

D Non proderunt thesauri impietatis, justitia vero liberabit a morte. Et a transitoria morte sibi ut Danielem, et tres pueros, et a perpetua semper justitia liberat. At vero thesauri per impietatem congregati, et si aliquando a morte corporali videntur eripere, plus tamen mali impietate, quæ acquisiti sunt, quam commodi in eo quod pro vita sunt dati, conserunt.

Non affliget Dominus fame animam justi, et insidias impiorum subvertet. Et si quando justum impii fame affligunt vel etiam necant, non lædetur

anima ejus, quam Dominus in futura vita sive gloria A visionis consolatur, qui et easdem impiorum insidias in ipsos juste judicando retorquet.

Egestatem operatur manus remissa : manus autem fortium divitias parat. Qui negligenter vivit in hoc saeculo, egebit bonis in futuro ; at qui fortiter Domino militat, divitiis æternæ beatitudinis remuneratur.

Qui congregat in messe filius sapiens est : qui autem sterit testate, filius confusionis. Qui congregat Christo animas fidelium, filius sapiens est ; et quemadmodum haec messis multa est, operarii autem pauci. Qui vero hoc tempore acceptabili etiam a sua salute curanda torpescit, confundetur in die retributio-

nis.

Benedictio super caput justi, os autem impiorum operit iniquitas. Justis dicetur in judicio : *Venite, benedicti, percipite regnum* (*Math. xxv.*) Os autem impiorum quod commissationi, ebrietati et colloquiis malis serviebat, iniquitate quam gessit condemnabitur. Denique os illius operuit iniquitas, qui in tormentis positus linguam sibi in qua ob plura scelera plus punitus est, refrigerari quasivit.

Memoria justi cum laudibus et nomen impiorum putrescat. Et in hac vita bonos sive viventes sive defunctos laudibus efferunt : Impiorum autem et actus detestantur et nomen ; et in vita futura justi in Dei laudibus vivunt, reproborum autem honor, nomenque laudesque putribus gehennæ suppliciis mutantur : *Ubi vermis eorum non moritur et ignis eorum non extinguetur* (*Isa. lxvi.*).

Qui ambulat simpliciter, ambulat confidenter : qui autem depravat vias suas, manifestus erit. Qui simpliciter se vivere novit fallacie cuncta spernit adversa, quia se per hoc ad gaudia venturum esse confidit. Dicens cum Propheta : *Dominus defensor ritæ meæ a quo trepidabo*, etc. (*Psal. xxvi.*) At qui pravis incedit viis nolens licet, patescit ac digna factis recipit : nihil enim occultum quod non revelabitur.

Qui annuit oculo dabit dolorem. Qui nutibus oculorum irridet aliquem non evadit sine dolore tormenti aut pœnitutinis. De qualibus dicit Psalmista : *Qui oderunt me gratis et annuebant oculis* (*Psal. xxxiv.*) Vel certe qui annuit oculo, dabit dolorem, quia filius stultus mæstitia est matri sue.

Stultus labiis verberabitur. Et suis videlicet quibus damnari meruit, quia mors et vita in manibus lingua, vel eorum a quibus, quia corrigi non potuit, sententiam damnationis accepit. Quomodo Psalmista cum ait : *Domine, libera animam meam a labiis iniquis et a lingua dolosa* (*Psal. cxix.*), utrumque a Domino querit, ut et ipse labia iniqua ac linguam dolosam non habeat, et aliorum iniquitate ac dolis minime possit decipi.

Vena ritæ os justi. Et Dominus de doctoribus *Qui credit, inquit, in me, sicut dicit Scriptura, flumina de ventre ejus fluunt aquæ riveæ.*

Et os impiorum operit iniquitas. Impii sunt qui

PATROL. CXI.

vel sua vel proximorum errata, ne ad sanitatem perveniant, defendendo contegunt, quod exsecrans Propheta, Dominum orat, ut non declinet cor suum in verbum malum, ad excusandas excusationes in peccatis.

In labiis sapientis innenietur sapientia, et virga in dorso ejus qui indiget corde. Virga in dorso est, vindicta in posterioribus, id est, in sequenti vita, quam bene plaga illa famosa qua Philistæ in natibus feriebantur, exprimit. Qui ergo non vult virgam portare in dorso portet in labiis sapientiam, loquatur laudes Christi, et præcepta prædicet. Verum quia semper Dominum laudare, non autem semper docere, non omnia quæ novit omnes docere sapienti convenit, recte subditur.

B *Sapientes abscondunt scientiam.* Scientes videlicet, quia tempus tacendi et tempus loquendi : Unde Propheta : *Dum consideret, inquit, peccator adversum me, obmutui et humiliatus sum, et silui a bonis* (*Psal. xxxviii.*) ; et Apostolus : *Nihil judicavi me scire inter eos, nisi Christum Jesum et hunc crucifixum* (*I Cor. ii.*).

Os autem stulti confusioni proximum est. Quia vel inordinate bona, vel aperte loquitur mala.

Substantia divitis urbs fortitudinis ejus, pavor pauperum egestas eorum. Divites confidunt in divitiis, quasi in urbe munita ; pauperes ideo pavent, ne deficient, quia se norunt egenos. Spiritualiter qui in Deum dives est per bona opera, confidit in illo, quasi in urbe inexpugnabili, quia a nullo potest hoste superari ; at qui virtutum inopia coangustantur, ideo cœlestibus egent divitiis, quia noxio pavore timent duros pro Domino tolerare labores.

Abscondunt odium lubia mendacia, qui profert contumeliam insipiens est. Si ergo verax et sapiens esse desideras, odium neque in abscondito cordis contege, nec per oris contumeliam profer, sed tuum et cor dilectione et os veritate repleatur.

Quasi per risum stultus operatur scelus, sapientia autem est viro prudentia. Prudentia a providendo nomen accipit, stultus est igitur qui gaudet in sceleto. Sapientis autem est et ejus, qui viri nomine dignus sit prævidere, quia risus dolore miscebatur, et gaudia peccandi pœna sequetur ultionis.

D *Quod timet impius veniet super eum.* Desiderium suum justis dabatur. De illo impio dicit, qui sciens peccat, timet ergo impius videre districtum judicem : Desiderant justi dissolvi et esse cum Christo. Ille ne terrenis gaudiis privetur, et sempiterna ultione plecatur : isti ne incolatus eorum prolongetur, sed premia pro quibus certavere percipient. Utrisque autem quod corde tenent adveniet.

Quasi tempestas transiens non erit impius. Justus autem quasi fundamentum sempiternum. De persecutionibus Ecclesiae dicit, qui dominum fideli subverttere querunt, sed illa in vero fundamento, hoc est, in Christo collocata : ipsi exemplo dispereunt.

Sicut acetum dentibus, et fumus oculis, sic piger his qui miserunt eum. Sicut haëreticorum persilia

bonis doctoribus molestiam generat et lacrymas, sic male vivens Catholicus eis qui se fidem suam ex operibus ostendere jusserunt per inertiam gravis est. Oculi quippe et dentes predicationes sunt sanctae Ecclesiæ, qui et recta itinera prævidere et alimenta spiritualia suggerere solent: porro accutum quod a vino degenerat, et fumus qui ab igne ascendens evanescit, eos qui ab Ecclesiastica suavitate et charitate per superbiam et socordiam recedentes hanc etiam verbis impugnant figuratae denuntiant. De quibus dicit Joannes: *Ex nobis exierunt, sed non erant ex nobis*, etc.

Timor Domini apponet dies, et anni impiorum breviabuntur. Qui Deo fideliter serviunt, æterna luce donabuntur: at qui impietati mancipantur, cum hac vita perdunt bona quæ amabant.

Exspectatio justorum, latitia, spes autem impiorum peribit. Patet quia justi lactantur in exspectatione vitæ sequentis, quamvis contristentur afflictione pressuræ præsentis; unde est illud: *Tu es mihi refugium a pressura quæ circumdedi me, exsultatio mea* (*Ecclesiasticus* li). At vero impii qui se putant, in futuro requieturos, aut certe nullos post mortem futuros, falluntur. Neque huic repugnat sententia, quod supra dictum est, *quod timet impius, veniet super eum*, sunt enim qui scientes futurum bonorum malorumque judicium nibilominus negligentia vel desperatione vel etiam de industria peccant: Talibus ergo interitus quem timent adveniet; sunt, qui mala quæ faciunt aut nunquam punienda aestimant, aut bene gesta, ideoque bona mercede remuneranda judicant, de quibus recte dicitur: *Quia spes impiorum peribit*, nam et de his qui scientes delinquunt subsequenter adjungit.

Fortitudo simplicis via Domini, et pavor his qui operantur malum. Si, inquit, abdita Scripturarum comprehendere non vales, non tamen de salute desperes, sed gradere viam Domini, age bona quæ nosti, et inter fortis connumeraberis: sed merito paeani illi, qui recta quæ norunt facere contemnunt, quia certa restant quæ patientur mala.

CAPUT XI.

Statera dolosa abominatio apud Dominum, et pondus æquum voluntas ejus. Statera dolosa non tantum in mensuratione pecuniae, sed et in judiciaria discretione tenet. Qui enim aliter causam pauperis, aliter potentis, aliter sodalis, aliter audit ignoti, statera utique librat iniqua; sed et is qui sua bene gesta meliora quam proximorum suaque errata judicat leviora trutina ponderat dolosa, nec non et ille qui onera importabilia imponit in humeros hominum, ipse autem uno digito suo non vult ea tangere: ille etiam qui bona in publico et mala agit in occulto, pro iniquitate libræ dolose abominatur a Domino; at qui sinceriter agit in omnibus, qui causam et causam æqua lance discernit, is nimurum justi judicis voluntati et actioni congruit.

Ubi fuerit suverbia, ibi erit et contumelia. Quia superbi vel contumeliose se gerunt, per contemptum

A sive ignorantiam disciplinæ, vel proximis contumelias ingerunt, vel certe quia *omnis qui se exaltat humiliabitur* (*Matth. xxiii*).

Ubi autem humilitas, ibi sapientia. Abscondisti, inquit, *hec a sapientibus et prudentibus, et reclusi ea parvulis* (*Matth. xi*), id est, humiliibus.

Mortuo homine impio, nulla erit ultra spes. Heu misere hanc sententiam pertransit Origenes, qui post universale extremumque judicium vitam credidit omnibus impiis et peccatoribus dandam. Notandum autem, quia etsi impiis post mortem spes venie non est, sunt tamen qui de levioribus peccatis, quibus obligati defuncti sunt, post mortem possunt absolviri, vel poenitentia castigati vel suorum precibus, eleemosynis, missarum celebrationibus absoluti, sed

B hæc quibuscumque sunt, et ante judicium, et de levioribus sunt erratis. Qui vero se longo post judicium tempore, liberando putant, falluntur et fortasse ad eos pertinet quod sequitur.

Et exspectatio sollicitorum peribit. Item alia est sollicitudo, quam boni semper ad implenda Dei precepta sunt accincti: alia qua reprobi, cum scientes peccant, solliciti metuunt quando æternam rapiantur ad poenam, ideoque recte exspectatio eorum qui Deo sollicita mente serviunt coronabitur. corum vero qui Deum contemnentes et ante judicium ejus propria conscientia se accusante condemnantur. *Exspectatio sollicitorum peribit.* Hunc versum longe aliter habet antiqua translatio, quæ ait: *Defuncti hominis justi non peribit spes, gloria autem C impiorum peribit.*

Justus de angustia liberatus est, et tradetur impius pro eo. Martyr quisque de angustia passionis liberatus est, post mortem, et tradetur in poenam pro ejus causa persecutor, qui illum angustavit. Jacob martyris coronatus est, Petrus de carcere liberatus, et Iherodes qui eos persecutus est, a vermis visibiliiter consumptus, et invisibiliter raptus est, ubi vermis ejus non morietur et ignis ejus non extinguetur (*Isa. lxvi*).

Simulator ore decipit amicum suum, justi autem liberabuntur scientia. Haeticus simulans doctrinam catholicam decipit auditorem suum, qui autem juste veritatem sequuntur Evangelii, liberabuntur scientia catholica ne decipula rapiantur haematica.

D *Qui despicit amicum suum, indigenz corde est, vir autem prudens tacebit.* Non est despiciendus vel detridendus a nobis, qui nos simpliciter amare probatur, etiamsi inepte quid per imperitiam facit. Qui enim hoc facit, indignus est sapientiae, at vero prudens quisque de talium commissis publice tacet, sed haec occulta castigat, quod idem sequentibus versiculis arctius inculcatur dum dicitur.

Qui ambulat fraudulenter, revelat arcana; qui autem fidelis est, amici celat commissum. Et in Evangelio Dominus: *Si peccaverit in te frater tuus, vade et corripe eum inter te et ipsum suum; si te audierit, lucratus eris fratrem tuum*, etc. (*Matth. xviii*). Unde et hic recte subinfertur:

Ubi non est gubernator, populus corruet; salus autem ubi multa consilia. Ne enim te putas amici commissa si corrigerem non potes ultra celare debere, recte dicit populum sine gubernatore corruere, salvare autem ubi multa sunt consilia, ut ostendat, quod solus emendare non vales, pluribus esse reverlandum, ut unanimi omnium corrigatur industria.

Affligetur malo qui fidem facit pro extraneo. In promptu est litteræ sensus, sed est a sorte sanctorum extraneus qui peccata sua pœnitendo corrigerem dissimulat: Et quicunque talibus vel communionis gratiam concedit, vel vitam promittit æternam, quia pro extraneo fidem fecit, seipsum profecto ante districti judicis oculos ultione dignum reddidit.

Qui autem caret laqueos securus erit. Securus erit in futuro qui nunc bene formidolosus est: sua sedulus errata per pœnitentiam curat, et ab impœnitentiū se societate servat immunem.

Manus in manu non erit innocens malus. Qui manum jungit in manu nil utique operatur, sed manus in manu non erit innocens malus, quia etsi ab iniqua actione manus ad horam subtrahit, cordis tamen innocentiam malus habere non valet: unde et præmittitur.

Abominabile Domino cor pravum. Semen autem justorum salvabitur. Hoc est, quod supra dicitur: *Seminanti autem justitiam merces fidelis, vel certe semen justorum salvabitur,* quia qui precedentium justorum exempla sectantur, horum quoque vestigia ad videnda salutis æternæ gaudia sequuntur, de quibus Isaias: *Omnes qui riderint eos, cognoscent eos, quia isti sunt semen cui benedixit Dominus* (*Isa. lxi.*)

Circulus aureus in naribus suis mulier pulchra et fatua. Circulum aureum si in naribus suis fixeris, nihilominus ille terram vertere naso et volutabro int properat immersi, ita mulier fatua si pulchritudinem vultus vel habitus acceperit, suam tamen faciem ad infinita declinare, suam speciositatem ad evertendos ubique castitatis flosculos, circumferre, se cōnō voluptatis inquinare diligit. Aliter. Qui ornamentum divinorum eloquiorum meditando consequitur, sed hec male vivendo insequitur, circulum aureum habet in naribus, sed more suis terram subigere non desistit, quia quod odore notitiae percepit, immunda actione sordidavit. Ideoque talis anima mulier pulchra et fatua esse censetur, quia carnalibus dedita illecebris, pulchra est per scientiam, sed per actionem fatua. Aliter, quia doctrinam hereticam nitore vidit eloquii resplendere, nec tamen sapientiae apto intellectu congruere. *Circulus, inquit, aureus in naribus suis,* id est, pulchra et circumflexa locutio in sensibus mentis stultæ, cui ex loquio aurum pendet, sed tamen ex terrene intentionis pondere more suis ad superiora non respicit, quod secutus exposuit dicens, *Mulier pulchra et fatua per intellectum.*

Desiderium justorum omne bonum est, et præstolatio impiorum furor. Semper justi justitiam ubique regnare desiderant, at impiorum etiam cum quiescere ab impietatis executione vident, proposito tamen diræ mentis ad inferendam cuilibet vim furoris in-

A tendunt, ut hoc est, quod supra dicitur. *Manus in manu non erit innocens manus,* item, *præstolatio impiorum furor,* quia plerumque ira per silentium clausa intra mentem vehementius astuat.

Alii dividunt propria et diiōres fiunt. Quia centuplum accipiunt in hoc tempore, et in sæculo venturo vitam æternam.

Alii rapiunt non sua et semper in egestate sunt. Semper inquit in egestate non solum in tormentis, ubi nec stillam aquæ, unde ad modicum refrigerantur, accipiunt, sed et in præsenti ubi, quamvis innumera rapiat, semper avarus eget.

Anima quæ benedicit impinguabitur, et qui incibriat, ipse quoque ineibriabitur. Qui exterius prædicando benedicit, interius augmenti pinguedinem B recipit. Et dum sacro oleo mentem auditorum ineibriare non desinit, potu multiplici muneris incibriatus ex crescit.

Qui abscondit frumenta maledicitur in populis, benedictio autem super caput vendentium. Qui sanctæ prædicationis apud se verba retinet, talis maledicitur in populis, quia in solius culpa silentii pro multorum quos corrigerem potuit poena damnatur, ipse est servus piger et malus, qui pro retentione talenti, quod accepit, in exteriōes tenebras missus est. Vendunt autem frumentum qui verbum vitae audientibus conserunt, a quibus pretium suæ et confessionis accipiunt, dicente Domino: *Negotiātini dum venio* (*Luc. xix.*), quorum capiti benedictio supervenit, dum singulis de tali negotio C redeuentium Dominus dicit: *Euge, serve bone et fidelis, quia super pauca fuisti fidelis, super multa te constitutum; intra in gaudium domini tui* (*Ibid.*).

Bene consurgit diluculo, qui querit bona, qui autem investigator malorum est opprimetur ab eis. Bona querere quæ facere debeas; quibus ad cœlestia bona pervenias, hoc est, bene diluculo consurgere, id est crescente luce scientiæ ad bonum opus accingi, vel certe bene, id est, ad vitam consurgit, in tempore resurrectionis, qui nunc bona querit in tempore operationis, qui autem mala quæ dicat sive agat, modo solers inquirit, tunc eorum pondere ad altiora regni perveniat retardatur.

Qui confidet in divitiis suis corruet, justi autem quasi virens folium germinabunt. Qui præsentibus bonis intians, futura non cogitat, utrisque in novissimo carebit: qui autem spe futurorum premiorum bona faciunt in præsenti, juste quæ sperant accipiunt. Vires quippe in arbore folium fructus quos nondum ostendere habet, signat ad futuros, D et justi quasi virens folium germinant quia spe salvi facti, in fidel ac virtutum gratia proficere non cessant, donec ad fructum desideratæ retributionis attingant.

Qui conturbat domum suam possidabit rentos, et qui stultus est, serviet sapienti. Qui mentem suam tumultibus cogitatuum noxiorum conturbari nor metuit, hanc utique malignorum spirituum flatib; quibus obruatur aperit, et qui stultos sapientem

persequitur per hoc ei etiam dominando servit, A quia patientiam ejus premendo probatiorem reddit, ut se videlicet damnato, ille br̄vum pro quo certabat accipiat.

Fructus justi, lignum vitæ. Merces justi visio est Christi, ipse namque est sapientia, de qua dictum est, lignum vitæ est amplectentibus eam, et in Apocalysi, qui vicerit, inquit, dabo ei edere de ligno vitæ, quod est in paradiſo Dei mei (Apoc. ii). Et hunc fructum modo justi exspectant, quandiu, sicut prædictum est, quasi virens folium germinant.

Et qui suscipit animas sapiens est. Qui animarum curam pro Domino suscipit. Ut eas scilicet vel errantes doceat, vel moestas soletur, vel agentes temporalibus bonis sustentet, vel renitentes ad remedia salutis protrahat, vel pastore destitutas gubernet, quo una secum plures ad Dominum perducat, qui, inquam, ita animas suscipit, sapiens est, quia nimur suæ animæ per hæc unde sublimius cum Domino regnet procurat.

Si justus in terra recipit, quanto magis impius et peccator? Si sancti martyres tanta passi sunt, justi, quanta putas eos manere tormenta, qui illos affligebant injusti, si Job et Tobias cæterique Dei electi, tanta in hac vita receperunt adversa, quid contristaris, si te qui tam longe infra illorum vestigia jaces, tentans ad modicum afflictio tangit? Et quidem te etsi impium dicere aut credere non debes, peccatorem tamen te esse, id est, aliqua habere peccata, parva sive magna, aperta sive occulta, inficiari non debes, imo confiteri debes, C ne te ipse seducas et veritas in te esse non possit. Si ergo justi in terra receperunt Abel martyrii, et Job exemplar patientiæ, quanto magis impii Antiochus atque Herodes et peccatores in Evangelio, paralytici, qui non nisi dimissis primo peccatis curari a Domino potuerunt. Notandum quod hanc sententiam Petrus in Epistola, juxta antiquam translationem, posuit dicens: Et si justus vix salvabitur, impius et peccator ubi parebunt? (I Pet. iv.)

CAPUT XII.

Qui bonus est, hauriet a Domino gratiam: qui autem confidit cogitationibus suis, impie agit. Horum versiculorum connexio talis est, qui bonus est non confidit cogitationibus suis, sed Domini gratiam querit, ac per illam accipit, ut pie vivere D possit, qui autem cogitationibus suis confidit bonus esse nequit. Nam qui gratiam superni adjutoris petere non curat, merito impia actione perdurat.

Mulier diligens, corona est viro suo: et putredo in ossibus ejus, quæ confusione res dignas gerit. Pater litteræ sensus, quia mulier bona et casta honorem viro suo præbet. In omnibus, ejusque virtutibus ipsa domum bene regens, quasi gratiam addit coronæ: at vero adultera, et si foris speciosa patet, intus fetore luxuriæ sua membra coquinat, verum spiritualiter Ecclesia coronam Christi non aliam quam seipsam offert. Omnes enim qui in circuitu ejus sunt offerent munera, et filius Sirach de-

A magno sacerdote ipse stans juxta aram et circa illum corona fratrum, aut ossa, id est, virtutes quas hæreticorum factio cernitur habere putredo pravi dogmatis corrumpit.

Cogitationes justorum, judicia; et consilia impiorum fraudulentia. Justi sua facta si Domino placeant sedula meditatione dijudicant, ne forte ipsis minus sollicitis supernus arbitrus contra eos invisibiliter adversa disponat, juxta illud Apostoli: Si nosmet ipsos dijudicaremus, non utique judicaremur (I Cor. xi). At reprobi divini timoris oblii de fraude quam faciant, sua consilia cogunt.

Verte impios et non erunt, domus autem justorum permanebit. Versi de hac vita impii non erunt, quod fuerant, quia post mortem non qualia credebant B inveniunt, sed spe sua frustrati pro præmiis tormenta recipiunt. Dominus autem justorum, id est, Ecclesia quæ partim peregrinatur interius, partim regnat in celo, nunquam desicit; sed quæcumque membra ejus hinc illo pervenient, ibidem in gaudia quæ sperabant inveniunt. Aliter, verte impios et non erunt. Quia multa impietas in diis gentium, multa in sectis hæreticorum, multa in præstigiis magorum, multa in persecutionibus exstitit paganorum. Sed his, Domino donante, subversis, ablata est pariter etiam memoria impietatis eorum, et jam ipsi apices stulti, ipsa dognata igne rapti, ut in Epheso actum tempore apostolorum legimus. Domus autem justorum permanebit, quia sancta Ecclesia nunquam vel abscondi vel potuit auferri, nil ex ejus corrumpere Scripturis, in nullo ejus fidem violare, tanta temporum longitudine prævaluit, potest et ita intelligi, verte impios et non erunt, converte eos ab impietate et non erunt jam impii, sed justi, pro qua alia translatio dicit, quocunque se convertit scelestus exterminabitur. Cui contra de sanctis dicitur, quoniam diligentibus Deum omnia cooperantur in bonum (Rom. viii).

Doctrina sua noscetur vir. Viros vocare Scriptura solet eos qui virtutibus sunt prædicti divinis. Unde Apostolus: Vigilate, state in fide, viriliter agite (I Cor. xvi). Doctrina ergo sua quisque vir esse noscetur. Quia si et recta docet et hæc operibus implet, sanctus esse colligitur.

Qui autem vanus et excors est patebit contemplui. Quia scilicet ipse virilis animi fortitudinem habere contempsit.

Melior est pauper et sufficiens sibi quam gloriosus et indigens pane. Melior est idiota et simplex frater, qui bona quæ novit operans vitam meretur in celis, quam qui clarus eruditio, Scripturarum vel etiam doctoris functus officio indiget pane dilectionis, de cuius dilectionis ea parte, quæ ad proximum pertinet subsequenter adjungit.

Novit justus animas jumentorum suorum. Id est, miseret et compatit hebetudini ac fragilitati proximorum sibi commissorum.

Viscera autem impiorum crudelia. Qui non solum non compatiuntur subditis, sed etiam juxta hoc quod

Dominus alt : Percutiunt pueros et ancillas dicentes, Moram facit dominus nesus venire (Matth. xxiv).

Qui operatur terram suam, saturabitur panibus ; qui autem sectatur otium, stultissimus est. Qui exercet animam suam spiritualibus studiis, et nunc virtutum et tunc dapibus saturabitur præmiorum : qui autem pro salute anime suæ laborare detrectat, tunc inter stultos reputabitur, tametsi nunc vel divina vel mundana sapientia gloriosus videtur.

Desiderium impii munimentum est pessimorum. Desiderat impius præcedentes malos imitari, et de illorum vita atque actibus loqui, vel certe desiderium impii munimentum est pessimorum, quia omne desiderium ejus eo tendit, quamvis ipso nesciente, ut cum prioribus injustis æternæ mortis carcere claudatur. Verum quia tales exitum quem minime prævident incurront, ait e contra de bonis.

Radix autem justorum proficit. Quia nimirum fides et charitas electorum qua radicali sunt in Christo nequaquam eos fallit, sed ad perfectiora semper accrescens plus quam sperare novit in futuro percipiet.

De fructu oris sui unusquisque replebitur bonis. Fructus oris est sermo bonus, nam qui mala loquitur non fructum ore general, sed damnum. Omnis igitur qui bona loquitur, bonis donabitur æternis, si tamen his quæ loquitur actu non repugnat, hoc est etenim [quod] vigilanter adjungit cum dicit :

Et juxta opera manuum suarum retribuetur ei. Nisque enim aliter fructuosus sit suus sermo doctori, nisi si ipse prior faciat bona quæ docet.

Fatuus statim indicat iram suam, qui autem dissimulat injuriam, callidus est, qui se in præsenti desiderat ulcisci fatuus est, qui autem pro Domino injuriam contemnit sapiens. Hunc versiculum alia translatio sic habet : *Stultus eadem hora pronuntiat iram suam, occultat autem ignominiam suam astutus.* Non autem ignominiosam iracundiaæ passionem, itaque sapientibus occultandam esse decernit, ut ejus velocitatem culpans non tarditat terditatem, quam utique si per necessitatem humanæ infirmitatis irruerit, ideo consuit occultandam, ut dum ad præsens sapienter obtegitur, sapientius amoveatur et in perpetuum deleatur. Hæc enim est naturæ ita ut dilata languescat et pereat, prolata vero magis magisque conflagret.

Est qui promittat et quasi gladio pungitur conscientia. Promittunt se nonnulli obedire veritati, sed ubi tentatio terrens sive blandiens impedimentum præstiterit, deserunt quidem cœpta, sed tamen conscientia promissi quasi gladio pungitur.

Lingua autem sapientium sanitas est. Quia et bona quæ promittunt ipsi, proficiendo ad vitam perveniunt, et aliis quæ sequantur prædicando demonstrant.

Labium veritatis firmum erit in perpetuum, qui autem testis est repentinus concinnat linguam mendaci. Fides ecclesiastica semper manebit, qui au-

A tem repente nova dogmata insert mendacii est minister haeretic.

Homo versatus celat scientiam. Versatus hoc loco in bono intelligitur, id est, sapiens et prudens, qui nonnumquam de industria suam celat scientiam, dupli nimirum ratione, vel non valens infirmis auditoribus loqui quasi spiritualibus, sed quasi carnalibus, vel nolens dare sanctum canibus, neque ante porcos margaritas projicere.

B Et cor insipientium provocat stultitiam. Quando vel impii plus appetentes sapere quam oportet sapere, eo usque meditando prosiliunt, ut pro sapientia stultitiam teneant, vel certe alias quæ necdum capere queunt docere nitentes, ad majorem eos stultitiam provocant, et quasi sauciis oculis lumen ingerentes solis, modicum lucis quod cernere videbantur auferunt.

C Manus fortium dominabitur, quæ autem remissa est tributis serviet. Perfecti quique non solum vitiorum bella superant, sed et electis fratribus majori virtutum gratia principiantur; qui autem dissoluti animo peccatis implicari non metuunt, pessimò exactori diabolo tributa vitiorum quotidie solvunt. Et si non dominium ejus viventes pœnitendo evaserunt, post mortem traditi eidem in carcerem ab eo pœnarum mittuntur æternarum, juxta quod Dominus in Evangeliæ parabola testatur. Neque enim de talium correctione desperandum est, cum protinus adjungatur.

Mæror in corde viri humiliabit illum, et sermone bono latificabitur. Quia nimirum necesse est ut prius peccatorem mæror pœnitentiae salubriter humiliet, et ita postmodum per judicium sacerdotis sermo datæ reconciliationis latificet.

Qui negligit damnum propter amicum justus est. Si hoc de generali pecunia largitione et puro homine amico recte dicitur, quanto magis justitiae corona dignatus est, qui propter eum qui dixit : *Dico vobis amicis meis, ne terreannini ab his qui occidunt corpus (Matth. x),* vel vendens quæ possidet pauperibus tribuit, vel rapinam bonorum suorum cum gaudio suscepit, vel certe ipsam in passione carnem mortificandam sive occidendam tradit.

D Iter autem impiorum decipiet eos. Cum vel sua retinere vel aliena rapere gaudent. Unde recte subiungitur.

Non inveniet fraudulentus lucrum, et substantia hominis erit auri pretium. Fraude namque acquisita pecunia plus in anima damni quam lucri in area, et qui propriam pro Domino substantiam novit dispensare remunerante ipso pro terrenis cœlestia doua recipiet. Alter : *Non inveniet fraudulentus lucrum, et substantia hominis erit auri pretium,* qui fraudulenta mente simulat se esse bonum, nequiter vivens in occulto non invenit bona vitæ sequentis : Qui autem substantiam virtutum spiritualium veraciter acquirit, mercabitur ex ea claritatem regni perennis, quod verbis sequentibus apertius dicit.

In semita justitiae vita, iter autem devium ducit ad

mortem. Semita enim justitiae substantiam acquirit A virtutum, quibus æterna vita claritas auro pretiosior emitur, iter autem pravum quo fraudulentus incedit perdito lucro temporali, quod appetit ad mortem quam providere noluit tendit sempiternam.

CAPUT XIII.

Filius sapiens doctrina patris; qui autem illusor est, non audit cum arguitur. Tantum inter sapientem distat et stultum, ut hic aliquando profectu eruditiois ad eum, qui se docuerat docendum proveniat, ille nec cum arguitur noverit audire.

Vult et non vult piger, anima autem operantium impinguabitur. Recete pigri vocabulo denotatur, qui vult regnare cum Deo, et non vult laborare pro Deo, delectant præmia cum pollicentur, deterrent certamina cum jubentur. De quo Jacob ait: *Vir duplice animo inconstans est in omnibus viis suis* (*Jac. 1*); et filius Sirach: *Væ peccatori terram ingredienti duabus viis* (*Ecli. 11*). Qui autem jussa operatur Dominica, ideo faciunt quia anima illorum perfecta supernorum dulcedine resicitur juxta eum qui Dominum obsecrat dicens, *sicut adip pinguedinis repleatur anima mea* (*Psal. lxii*), vel certe anima operantium impinguabitur, quia qui piis pro Domino laboribus insudant, cœlesti et immarcescibili post labores mercede donabuntur.

Est quasi dives cum nihil habeat, et est quasi pauper, cum in multis divitiis sit. Dives sibi videbatur ille qui induebatur purpura et byssos, epulabatur quotidie splendide, sed quia Deum non habuit, comperit in fine nil fuisse quod habuit, unde dictum est de talibus: *Dormierunt somnum suum, et nihil invenerunt viri omnes divitiarum in manibus suis* (*Psal. lxxv*). Pauper e contra videbatur Lazarus, qui jacebat ad januam ejus ulceribus plenus, sed in multis erat divitiis, qui virtutem habuit humilitatis, qui conditorem omnium divitiarum videlicet Deum corde gestabat, quid autem veræ divitiæ valent, quid vera paupertas agat subdendo manifestat.

Redemptio animæ viri divitiæ sunt, qui autem pauper est increpationem non sustinet. Qui ergo animam suam vult reliqui a futura ira, congreget divitiis operum bonorum, qui enim eget hujusmodi divitiis, increpationem districti judicis sustinere non valet.

D *De qua Psalmista postulat dicens: Domine, ne in furore tuo arguas me, neque in ira tua corripias me* (*Psal. xxx*). Alioquin pauperes spiritu non ibi increpantur a Domino, sed benedictionem æternæ hæreditatis percipiunt.

Lux justorum lætitiat, lucerna autem impiorum extinguetur. Lux justorum quæ perpetuo lætitiat, spes est futurorum. Lucerna impiorum quæ repente extinguitur felicitas sæculi labentis.

Inter superbos semper jurgia sunt, qui autem agunt cuncta consilio, reguntur sapientia. Jurgantur inter se semper hæretici, jurgantur et cæteri reprobi, qui videlicet non norunt unitatem fidei et veritatis, fides autem qui consilio divinorum cloquiorum frui non

cessant, reguntur moderatione sapientiae, quæ eos jungari non sinit.

Substantia pestinata minuetur, qui autem paulatim colligit manu, multiplicabitur. Qui volunt dirites fieri incident in tentationem (*I Tim. vi*), neque ipsas divitiis quas vel acquirunt, vel cupiunt perpetuo possident, qui autem pro accipienda substantia præmiorum cœlestium justis insistit laboribus, multiplicia supernæ beatitudinis munera percipiet, de quo apte subditur.

Spes autem quæ differtur affigit animam, lignum vitæ desiderium veniens. Quia nimis quædam differtur spes æternorum affigit animam fidelium, vel pro dilatione videlicet bonorum quæ amat, vel pro illatione malorum quæ tolerat. At ubi venerit quod B desiderat, facile obliviscitur quod sustinuerat, quia in æternum vivere incipit cum suo Redemptore, quem tota intentione quærebatur, ipse est enim lignum vitæ amplectentibus se.

Qui detrahit alicui rei, ipse se in futurum obligat. Qui bonæ rei detrahit se in futurum obligat, quia quod non debuit faciendo poenam sibi, qua constringatur præparat, sed et is qui malæ rei detrahit, ipse se in futurum obligat, non ut pro tali detractione poenas luat, sed ut post detractionem sese cautius agat, quia nimis quæ in aliis juste reprehendit, ipse impune non admittit clamante Apostolo: *Qui prædicas non furandum, furaris; qui dicis non mæchandum, mæcharis; qui abominaris idola, sacrilegium facis* (*Rom. ii*).

Qui autem timet præceptum, in pace versabitur. Melius est ergo de sua quæcumque fragilitate metuere, ne forte divina prævaricetur imperia, quam aliorum errata stulta ore lacerare, dicente rursus Apostolo: *Etsi præoccupatus fuerit homo in aliquo delicto, vos qui spiritales estis instruite hujusmodi in spiritu mansuetudinis, considerans te ipsum ne et tu tenteris* (*Gal. vi*).

Astutus omnia agit cum consilio, qui autem fatuus est, aperiet stultitiam. Ubi omnia cum consilio docet agenda, divinum potius quod sacris eloquiis inditum est, quam humanum intelligere consilium. Fatuus est enim qui extra hoc consilium vivit, quamvis naturaliter astutus esse videatur et prudens, de quo recte subditur.

Nuntius impii cadit in malum. Arium autem ait et Sabellium cæterosque angelos, id est, nuntios Satanæ, qui quoniam consilium neglexere divinarum Scripturarum deciderunt in malum gehennalium tormentorum.

Legatus autem fidelis sanitas. Id est, catholicus quisque prædicator sanitatem sibi, suisque auditoribus acquirit æternam.

Desiderium si compleatur, delectat animum: detestantur stulti eos qui fugiunt mala. Omne desiderium, sive bonum sive malum sit, ubi ad effectum pervenient delectat animam, sed stulti qui carnalibus desideriis gaudent, detestantur eos qui pro amore cœlestium, insima oblectamenta contemnunt.

Qui cum sapientibus graditur sapiens erit, amicus stultorum efficitur similis. Cum sapientibus ire est sapientium actus imitari, quamlibet ergo simplex quisque sit et rusticus, qui arcana sapientiae comprehendere nequeat, si tamen sapientum exempla vivendo sectatur, jure inter sapientes annumerabitur, qui vero stultos non propter naturam quia homines sunt, sed propter stultitiam, quia mimi sunt vel histriones, vel aliqui tales, non ut instruendo corrigat amat, sed ut favendo deteriores efficiat, talis nimirum etsi per ingenium vel doctrinam sapiens esse videtur, stultorum nota dignus simul et damnatione tenebitur.

Bonus relinquit heredes filios et nepotes, et custoditur justo substantia peccatoris. Scepe videmus bonos sine filiis obire, imo majora a Domino praemia polliceri, his qui filiorum procreationi virginitatis castimoniam preposuerunt, sed et substantiam justorum a peccatoribus tolli. Nam et Apostolus glorificat eos qui rapinam bonorum suorum cum gaudio suscepserunt, unde spiritualiter intelligendum, quia bonus et justus Dominus est, qui per passionem suam ascendens in coelum reliquit heredes suae doctrinæ apostolos et successores eorum, ad cuius fidem conversa est multitudo gentium, quæ erat substantia diaboli, intravit namque in domum ejusdem male fortis adversarii, et eum majori virtute contrens, diripiuit arma ejus in quibus confidebat, et spolia distribuit, ut ipse in Evangelio testatur, vel certe custodita est justo sapientia peccatoris, quando ablatum est a Judæis regnum Dei, et datum est genti facienti fructus ejus.

Multi cibi in novalibus Patrum et aliis congregantur absque judicio. Absque judicio recto facit, qui divitiis congregandis sedulus insistit, et has aggregatas non ipse pro redemptione animæ suæ pauperibus dispensat, sed aliis post se dispensanda reservat, juxta quod in superiori versu juxta litteram dicitur: *Et custoditur justo substantia peccatoris.* Maxime cum sibi victus abundet, ex jure paternæ hereditatis, neque ulla pecunias colligendi necessitas incumbat, hoc est quod ait, *Multi cibi in novalibus Patrum.* Juxta sensum vero spiritalem multi sunt cibi almoniae coelestis in dictis et exemplis venerabilium patrum, et absque ratione facit, qui his legendis, meditandis, exponendis instans, non suæ saluti per hoc, sed aliorum potius servit, dum ipse ab his quæ legit vel actibus reprobis, vel etiam impietate sensus haereticus discrepat. Talis namque in novalibus, id est, operibus, sive sermonibus Patrum optima institutione excultis, non sibi, sed aliis subsidium acquirit, illis videlicet, qui tractatus ejus legentes arcana, per eos spiritualis sensus quibus interius conspicuntur inveniunt. Utrique autem sensui convenit apte quod sequitur.

Qui parcit virgæ, odit filium suum, qui autem diligit illum instanter erudit. Nam et pater bonus filium, et discipulum magister catholicus ne ad iniquitatem deflectat sollicitus erudit. Praecedentem autem

A versiculum antiqui interpretes transtulerunt: *Viri justi divitiis annis multis fruentur, iniqui autem peribunt breviter.*

Justus comedit, et replet animam suam; venter autem impiorum insaturabilis. Justus percipit cibos sapientiae, qui in novalibus Patrum, hoc est, in operibus ac verbis præcedentium justorum probantur exorti, et hos ad profectum animæ suæ bene vivendo traxicet: *Venter autem impiorum, id est, capacitas sensus haereticorum insaturabilis, quia sicut Apostolus ait: Semper discentes, nunquam ad veritatem scientiam pervenient (II Tim. iii).* Quare autem saturari scientia non merentur, nisi quia nequaquam refecti cibis, paternæ institutionis, aliis hos congregant absque judicio.

CAPUT XIV.

Sapiens mulier ædificat domum suam; insipiens exstructam quoque destruet manibus. Et unaquæque anima fidelis et Ecclesia per orbem catholicæ mansionem sibi in patria coelesti bonis actibus ædificat: at vero reprobi ea quæ bene sunt a bonis ordinata male vivendo, et aliquando aperte repugnando dissident, quare autem stulti sapientium actus lacerent, sequentibus verbis ostenditur cum dicitur.

Ambulans recto itinere et timens Deum despicitur, ab eo qui infami graditur via. Abominatio est euum peccatori religio, stultumque videtur incredulis, cum fideles propter Dei timorem, non tantum abjiciunt timorem, sed et tormenta rident, eorum qui occidunt corpus, de quibus adhuc apte subjungitur.

In ore stulti virga superbie, labia sapientum custodiunt eos. Quia stulti per vaniloquium humiles quos despiciunt alligunt, sed iudicem humiles spiritu per doctrinam se sapientiae ne decipientur muniant.

Ubi non sunt boves, præsepe vacuum est; ubi autem plurimæ segetes, ibi manifesta est fortitudo boris. Haerent hæc superioribus, boves namque doctores catholicos, præsepe cœtum auditorum, segetea dicit fructus operum bonorum. Incassum ergo timet superbus, et indocta eloquentia verberat aures ac corda subjectorum, quia ubi non sunt docti prædicatores, frustra ad audiendum confluit turba plebeium: ubi autem plurimæ operationes apparent virtutum, ibi apertissime claret, quia non haereticus in vanum garrivit, sed pro verbi fruge laboravit: Ille, qui et ipsum verbum casto ore hominare, et viam veritatis recto discretionis pede nosset incedere. Nec mirandum cur in præsepi auditores significari dixerimus cum bos alatur de præsepi, doctor autem verbo audientes soleat nutrire. Sed intuendum quia et de labore bovis præsepe impletur, et ipse bos suo fructu de præsepi reficitur; quia nimirum prædictor fidelis et audientes verbo reficit, et eaem refectione apud Dominum ipse proficit. Quod in opere figuratur: Elias qui apud Sareptanam viduam quam pascit, ipse dum pascitur.

Quarum derisor sapientiam et non invenit, doctrina prudentium facilis. Caiphas qui Domino dixit: Ad-

juro te per Deum vivum, ut dicas nobis si tu es Christus (*Matth. xxvi*), quia male quærebatur invenire, quod rogabat non meruit, at discipuli qui se humiliiter auditui veritatis subdiderant, accepta Spiritus gratia, non solummodo Christum Dei Filium cognoscere, sed et abdita Scripturarum intelligere meruerunt. Sed et tunc doctrina prudentium facilis erat, quando Cornelius cum domo sua et cæteri tales verbum humiliiter audiēt, mox credebant, et accepto Spiritu sancto linguis loquebantur omnibus. Nunc quoque doctrinam fidei catholicæ prudens quisque dum catechizatur, facile percipit, quam hæretici, quia perverse quærunt, nunquam prorsus inveniunt.

Vade contra virum stultum et nescit labia prudentiae sapientia. Ideo derisor sapientiam quam querit non inventit, quia etsi aperte contra illius stultitiam disputando incedas, nescit intelligere quæ dicis, ut Arius qui verbum consubstantialitatis in Patre et Filio, nusquam Scripturarum inveniri posse contendebat, cum ei manifeste scriptum objiceretur: *Ego et Pater unus sumus* (*Joan. x*); et: *Deus erat Verbum* (*Joan. i*), et cætera talia. Ideo doctrina prudentium facilis est, quia labia prudentiae sapientia, id est, quia labia quæcunque prudentiae moderatione reguntur, de sapientia solum loqui et audire dulce habent, ejusque meditationi operam dare satagunt.

Cor quod novit amaritudinem animæ suæ, in gaudio eius non miscebitur extraneus. Amaritudinem habent animæ et electi, quandiu a gaudiis differuntur æternis, et reprobi cum desideriis affliguntur perversis, sed electi, quia in luce ambulant amaritudinem suam, quanto sit gaudio mutanda prævident. Porro reprobi propria sponte cœcati, quid in præsenti patientia non vident, quid in futuro sint passuri non prævident, ideoque a futuris bonorum gaudiis remanebunt extranei, qui amaritudinis eorum præsentis non noverunt esse participes, unde et apte subditur.

Domus impiorum delebitur, tabernacula justorum germinabunt. Domo quippe in mansione, tabernaculis uti solet in itinere. Domus igitur impiorum delebitur, quia habitationem vita præsentis, in qua semper manere desiderabant, perdent in morte reprobi, et hoc quod non prævidebant, exsilium perpetuae damnationis subibunt, *tabernacula autem justorum germinabunt*, quia præsens eorum conversatio in qua invoke sunt apud Dominum et peregrini, ercentibus sine cessatione meritis ad fructum usque suavissimum patriæ cœlestis pertingitur.

Innocens credit omni verbo, astutus considerat gressus suos. Hanc innocentiam vetuit, et hanc haberit docuit astutiam Joannes cum ait: *Charissimi, nolite omni spiritui credere, sed probate spiritus si ex Domino sunt* (*I Joan. iv*).

Sapiens timet et declinat malum; stultus transit et confidit. Sicut stulti est de sua alacritate confidere, et torrentem rapidum vel voraginem latiorem

A saltu velle transire, sapientis autem ad planum vel pontem divertere, ita qui peccata quantum valet declinat, timens ne involvatur malis, sapiens est. Stultus autem ille qui contemptum peccat, blandiens sibi quia aut posteriori tempore pœnitentiam agat commissorum, aut si repente moriatur, fortiter pœnas inferi sufferat.

Impatiens operabitur stultitiam, et vir versutus odiosus est. Reprehensibilis quidem est homo impatiens, sed multo pejor et odiosior Deo est versutus, tametsi apud homines melior aestimetur: ille enim palam omnibus suam ostendit stultitiam, iste autem cum sit corde perversus æpe siniplicitatem simulat et justitiam, atque apud humanum judicium sanctum se dici delectat, cum sit divino examine inter reprobos aestimatus.

Jacebunt mali ante bonos et impii ante portas justorum. In novissimo judicio coronatis justis damnabuntur reprobi, qui eos in præsenti premebant, quod enim ait ante, id est ante bonos et ante portas justorum, non ad vicinitatem loci, sed ad visionem pertinet bonorum, quia malorum tormenta semper aspiciunt, ut majores ereptori suo gratias sine fine referant. Unde de illis Isaías: *Et egredientur et ridebunt, inquit, cadavera virorum qui prævaricati sunt in me.* Vermis eorum non morietur, et ignis eorum non extinguetur, et erunt usque ad satietatem visionis omni carni (*Isa. LXVI*). Quod autem ait, *egredientur*, non pedum processum, sed oculorum significat intuitum, quem intus in regno positi ad videnda prævorum supplicia foras cum volunt emittunt.

Corona sapientium, divitiae eorum; fatuus stultorum, imprudentia. Sapientes non terreni aliquid emolumenti pro divitiis habent, sed coronam solummodo, quam pro virtutibus in futuro percipient: at stultorum fatuus maxima hæc est, quia improvidi æternorum de præsentibus tantum commodis gaudent, imprudentia enim quasi improvidentia dicitur.

Liberat animas testis fidelis et profert mendacio versipellis. Liberat animas Christus, qui est testis fidelis, ut in Apocalypsi legimus, et sicut Apostolus ait: *Testimonium reddidit sub Pontio Pilato bonam confessionem* (*I Tim. vi*). Et profert mendacia diabolus, qui recte appellatur versipellis, quia mala quæ facienda suggerit, bona esse pronuntiat, et gaudia promittit æterna iis quos ad inferni tormenta preparat. Item liberat animas catholicus doctor, qui testimonia Scripturarum fideliter, id est, recte prædicat, et profert mendacia hæreticus, vel sicut alia editio manifeste transtulit, incendit autem mendacio dolosus, subauditur, animas eorum, quos suo errore decipit.

In timore Domini fiducia fortitudinis et filii ejus erit spes. Timor Domini fiduciam fortitudinis præstat, quia nimis mens nostra tanto valentius terrores rerum temporalium dispicit, quanto se auctori earum veracius per formidinem subdidit, filii autem timoris Domini dicuntur, qui divino timore

reguntur, sicut filii virtutis et filii resurrectionis, A qui virtutibus student, vel qui ad gaudia resurrectionis pertinent. Quibus erit spes juxta illud Psalmista : *Qui timent Dominum, sperent in Domino* (*Psalm. cxiii.*) ; de qua spe consequenter adjungit :

Timor Domini fons vitae, ut declinet a ruina mortis.

Hæc est ergo spes eorum qui timent Dominum, ut declinantes a ruina mortis, pervenire mereantur ad eum qui dicit : *Ego sum via, veritas et vita* (*Ioan. xiv.*). Dictum est autem supra, *Lex sapientis fons vitae, ut declinet a ruina mortis*; et nunc dicitur, *Timor Domini fons vitae, ut declinet a ruina mortis*. Ex quo patet quia nulla prior est lex sapientis qua mortem vitare, et vitam acquirere debeat æternam, quam habere timorem Domini; unde et alibi dictum est : *Initium sapientiae timor Domini* (*Ecclesiastes 1.*).

In multitudine populi dignitas regis, et in paucitate plebis ignominia principis. Ubi multitudine servientium Deo, ibi specialiter Christi gloria; et ubi soli catechumeni, vel competentes, vel recens nati infantes sub regno adhuc tenentur diaboli, et ipsi tempore congruo festinantes in Christo renasci, ibi manifesta ignominia principis mundi, vel certe in conventiculis haereticorum, quæ semper sunt pauciora ecclesiis catholicorum, ignominia patet eorum qui hæc ab ecclesiastica unitate segregant.

Vita carnium sanitas cordis, putredo ossium invidia. Per carnem infirma quedam ac tenera, ac per ossa fortia acta signantur. Bene ergo dicit : *Vita carnium sanitas cordis*, quia si mentis innocentia custoditur, etiamsi qua foris infirma sunt, quandoque roborantur. Et recte subditur : *Putredo ossium invidia*, quia per livoris vitium ante Dei oculos pereunt etiam quæ humanis oculis fortia videntur : ossa quippe per invidiam putrescere, est quedam etiam robusta deprire.

Acceptus est regi minister intelligens. Ille videlicet cui dicitur : *Quia super pauca fuisti fidelis, super multa te constituam : intra in gaudium Domini tui* (*Math. xxv.*).

Iracundiam ejus inutilis sustinebit. Ille utique de quo idem ait, *Et inutilem servum ejicite in tenebras extiores* (*Ibid.*).

CAPUT XV.

Responsio mollis frangit iram, sermo durus suscitat furorem. Qui verba increpantis humiliiter recipit, jam propinquat veniæ reatus quem gessit; at qui superbis arguenti resultat, majorem contra se iram disstricti judicis provocat.

Lingua sapientium ornat scientiam, os fatuorum ebullit stultitiam. Lingua catholicorum Patrum ornat scientiam divinorum eloquiorum, latius exponendo que Scriptura canonica ante obscure posuit, haereticorum ebullit stultitiam, dicta sacræ Scripturæ perverse intelligendo suosque sensus ejus auctoritati præponendo, potest et de paganorum philosophis intelligi quod ait, *os fatuorum ebullit stultitiam*, quales fuere Porphyrius et Julianus, qui contra Ecclesiæ doctores stultitiae suæ fluentia fundebant.

A *Lingua placabilis lignum vitae, quæ autem immoderata est conteret spiritum.* Lingua catholici doctoris ad fructum vitae ducit sempiternum, qui autem modum ecclesiasticae normæ ignorat, et suum spiritum et eorum qui se audiunt male loquendo conteret.

Domus justi plurima fortitudo, et in fructibus impi conturbatio. Domus Christi, id est Ecclesia, plurimam habet fortitudinem, ita ut pluvia, ventis, fluminibus tentationum frequentium nequaquam possit dirui; et in operibus diaboli conturbatio servet assidua, qua eamdem Christi domum vel per falsos sensus, vel per apertos adversarios dejicere tentat.

B *Labia sapientium disseminabunt scientiam, cor stultorum dissimile erit.* Labia catholicorum disseminabunt prædicando scientiam recte fideli, cor haereticorum dissimile erit, quia perfidiam pro scientia concipit ut doceat. Potest et ita intelligi, quia cor stultorum et sibimetipsi dissimile erit, dum mutabilitate se diversarum cogitationum varium exhibet, et nunquam idem quod fuerat manet. Cui contra de Anna cum Domino intenta mente supplicat dicitur : *Vultusque ejus non sunt amplius in diversa mutari* (*1 Reg. 1.*).

Victimæ impiorum abominabiles Domino, vota justorum placabilia. Orationes, opera et sacrificia haereticorum abominatur Dominus, et vota eorum accepta habet, qui fidem catholicam justis operibus affirmans.

C *Doctrina mala deserentium viam : qui increpationes odit, morietur.* Mala est doctrina et eorum qui viam deserunt veritatis, de quibus Dominus ait : *Qui ergo solverit unum de mandatis istis minimis, et docuerit sic homines, minimus vocabitur in regno cœlorum* (*Math. v.*), sed tales adhuc, si correpti poenituerint, patet redditus ad veniam; sin autem nec correctionibus ecclesiasticis auerint, jam certus eis restat interitus, omnes dios pauperis mali, secura mens quasi juge sacrificium. Omne tempus populi Dei quandiu in præsenti pauper est afflictionibus abundat, et ærumnis, quia necdum ad divitias supernæ bonitatis et perpetuae mansionis pervenit, unde monet Apostolus dicens : *Redimentes tempus, quoniam dies mali sunt* (*Ephes. v.*), at vero reprobi, qui metu parentes divino, securi mundo utuntur, quasi jugibus stulti refluiuntur epulis. Unde recte subjungitur.

D *Melius est parum cum timore Domini, quam thesauri magni et insatiabiles.* Quale est in psalmo : *Melius est modicum justo, super divitias peccatorum multas* (*Psalm. xxxviii.*). Melius est ergo ut servato timore Dei egeas opibus, vel etiam victu quotidiano, quam ut desiderio plura acquirendi Dei timorem deseras.

Melius est vocari ad olera cum charitate, quam ad vitulum saginatum cum odio. Omnis qui bonorum operum exempla proximis que imiteatur ostendit, quasi ad epulas quibus relificantur convivas vocat. Melius est autem vocare ad olera cum charitate, quam ad vitulum saginatum cum odio. Quia nimis multo est utilius simplicis vita innocentiam,

cum charitate servare, quam majoribus virtutum miraculis foras effulgere, et interiora mentis ab oliorum sorde non expurgare. Unde quibus in fine dicentibus : *Domine, Domine, nonne in nomine tuo prophetarimus et in tuo nomine da monia ejecimus, et in tuo nomine virtutes multas fecimus?* (*Math. viii.*) Dicit ipse Dominus : *Quia nunquam novi vos, discidite a me, omnes qui operamini iniquitatem* (*Ibid.*).

Iter pigrorum quasi sepi spinarum. Pigros dicit eos quos piget operari justitiam, qui cum viam Dei appetunt, eos velut spinæ obstantium sepium, sic formidinum suarum oppositæ suspiciones pungunt, quod quia electos præpedire non solet, adjunxit.

Via iustorum absque offendiculo. Justi quippe in conversatione sua quidlibet eis adversitatis obvia-
verit, non impingunt, quia temporalis adversitatis
obstacula æternae spei et internæ contemplationis
salutem transcendunt.

*Lætatur homo in sententia oris sui, et sermo oppor-
tunus est optimus.* Humanum quidem est de sua sen-
tentia quasi prudenter prolatæ quenque lætari, sed
verus sapiens, non solum res quas loquatur, verum
etiam opportunitatem loci, vel temporis vel personæ
qui loquatur, diligenter inquirit.

*Semita vitæ super eruditum, ut declinet de inferno
novissimo.* Eruditum dicit non solum scientia, sed et
operatione perfectum, huic etenim jure semita vitæ
desuper aperta est, huic cœli janua patet : *infernus
autem novissimus de quo liberatur ultima est poena
damnationis, nam primus est infernus, cœcitas ani-
mæ peccantis et veræ lucis scientia carentis, de
quo dicitur in psalmis : Et descendant in infernum
viventes* (*Psal. cxiii.*), id est, scientes labantur in
peccatum.

*Domum superborum demolitur Dominus, et firmos
facit terminos viduae.* Conveticula hæreticorum cœ-
terosque Ecclesiæ persecutores demolitur Dominus,
et firmos facit in orbem universum ejusdem Ecclesiae,
sponsæ videlicet suæ, pro cuius vita mori di-
gualus est.

*Abominatio Domini cogitationes malæ, et purus
sermo pulcherrimus firmabitur ab eo.* Abominatur
Dominus cogitationes hæreticorum, imo omnes pie-
tati contrarias, et purus sermo rectæ fidei firmabitur
ab eo, quando in judicio non solum factis, sed
et verbis omnibus digna præmia reddet. Abominatus
est cogitationes malas eorum qui dicebant : *Quis
est hic qui etiam peccata dimitti?* (*Luc. vii.*) et purum
sermonem ejus qui dixit : *Tu es Christus Filius Dei
viri* (*Math. xvi.*), pulcherrimum esse firmavit cum
respondit : *Beatus es, Simon Barjona, quia caro et
sanguis non revelavit tibi, sed Pater meus qui in cœlis
est* (*Ibid.*).

*Lux oculorum lætitiat animam, fama bona impin-
guat ossa.* Jure mentem delectat humanam, cum se
lucem cœlestium arcanorum Domino revelante per-
cepisse cognoscit, quod alia editio manifestius di-
cit, *videns bona oculus oblectat cor, bona utique Do-*

*A*mini in terra viventium, quæ quicunque mentis oculo contemplatur, merito in corde oblectatur, tametsi extrinsecus tristis incedere inimico affligit videtur. Fama quippe illa felicissima, qua nostros non solum actus, et sermones, sed et cogitatus Angelis descenditibus, in cœlo patere cognovimus, pinguedinem dilectionis et fidei nostris virtutibus, ne deficiendo arescant, exhibit. Quanto enim certius tenemus occulta nostri cordis simul et aperta operis divinis patere conspectibus, tanto magis fortitudinem nostræ bonæ actionis oleo charitatis ejus, ne lassescat, impinguare satagimus.

Auris quæ audit increpationes vitæ, in medio sapientium commoratur. Discipulus qui increpationibus do-
centium obedienter annuit, plerumque proficiendo ad cathedram usque doctoris ascendit. Denique Paulus, qui increpationi sui conditoris sese humiliter substravit, ad sedem postmodum apostolicæ dignitatis sublimiter pervenit.

CAPUT XVI.

Hominis est animam preparare, et Dei gubernare linguam. Certum est quia neque animum preparare neque gubernare linguam, neque aliquid facere boni absque gratia valemus; *quia sine me, inquit, nihil potestis facere* (*Joan. xv.*), quomodo ergo hominis est animam preparare, et Dei gubernare linguam? Nisi quia hoc proprie in tempore persecutionis significat, de quo Dominus ait : *Cum autem tradent vos, nolite cogitare quomodo aut quid loquamini; dabitur enim vobis in illa hora quid loquamini* (*Math. x.*).

C *Omnes ræ hominum patent oculis ejus, spirituum ponderator est Dominus.* Ita vias, id est actiones omnium, et bonorum videlicet et malorum Dominus videt, ut etiam spiritus singulorum, quid in occulto cogitent, certa lance discernat, unde recte subjun-
gitur.

Revela Domino opera tua, et dirigentur cogitationes tuæ; Domino quippe opera nostra revelamus, quando eum quem nil latere novimus, in cunctis quæ agimus in memoriam reducimus, atque illius in omnibus flagitamus auxilium, et cum hoc devoli agimus, sit ut non opera eadem tantummodo, sed etiam internæ nostræ cogitationes illo dirigente pro-
cedant.

D *Universa propter semetipsum operatus est Dominus, impium quoque ad diem malum.* Nulla fuit in Domino causa creaturam visibilem vel invisibilem faciendi, nisi voluntas sua, ut suam videlicet bonitatem rationabili creaturæ, quam perpetuo beatam facere ostenderet, cum quoque qui bonum conditoris propria sponte deseruit, id est, diabolum, cum suis se-
quacibus justa severitate damnavit.

Abominatio Domini omnis arrogans : etiamsi manus ad manum fuerit, non erit innocens. Quicunque sibi tribuit bonum quod facit, etiamsi nihil mali videtur manibus operari, jam cordis innocentiam perdidit, in quo se largitori bonorum præstat, et ideo tales conditor suus abominatur ut reum, quem beneficis suis esse contemplatur ingratum.

Cum placuerint Domino viæ hominis, inimicos quoque ejus convertet ad pacem. Tanta est sanctitas divinæ religionis, ut eam plerumque etiam qui soris sunt venerationi habeant, et quos perfecte Deo servire perspexerint, cum his pacem habere quamvis religione discrepantes incipient. Denique quia placuerunt Domino viæ Danielis et trium puerorum, inimicos quoque eorum qui eos in ignem vel ad bestias miserunt convertit ad pacem. Quia placuerunt Domino viæ sanctorum prædicatorum, multos eorum persecutores non ad pacem tantummodo, sed ad eamdem etiam fidem et religionis unitatem convertit.

Melius est parum cum justitia, quam multi fructus cum iniquitate. Et Dominus : *Beati, inquit, pauperes, quoniam vestrum est regnum Dei* (*Luc. vi*). Et iterum : *Væ vobis dñitibus, quia habetis consolationem vestram* (*Ibid.*). Potest ei sic accipi, quia melius sit in simplici conversatione Deo devote servire, quam quia multis abundantem virtutibus, verbi gratia, eleemosynis, orationibus, jejunis, doctrina, castitate, proximorum facta despicere et de sua quasi singulari sublimitate gloriari.

Divinatio in labiis regis, in iudicio non errabit os ejus. Illum significat regem de quo dictum est : *Deus, iudicium tuum regi da* (*Psal. lxii*). Quis est enim regum temporalium qui nunquam erret in iudicio, in cuius labiis est divinatio, quia non suorum solummodo sermones et facta dirigit, sed gentilium vates, qui vulgo divini appellantur, qui sciscitantibus respondent, illo intus judicante disponitur, testante Michæa propheta qui ad deceptionem Achab regis impiissimi testatur missum a superni iudicis solio spiritum, qui prophetarum ejus ora impleret, atque ad suadendum ea quibus rex nefandus periret armaret? Neque enim in hoc, iudicio, erravit os regis aeterni, sed quod rex impius audire peccatis praecedentibus meruit, ipse hoc prophetas erraticos ei loqui permisit. Sed et Ezechiel peccanti ac perituro Ammonitarum populo dicit : *Cum tibi viderentur vana et divinarentur mendacia* (*Ezech. xxi*), non est demum divinatio, sed Dei iudicium qui perfectæ malitiæ dedit finem. Hunc versiculum alia translatio sic habet apertius de Domino : *Nihil falsum dicetur regi, et nihil falsum exiet de ore ejus*, quia nimurum ipse nec ullo mentiente falli nec potest aliquando mentiri.

Pondus et statera iudicia Domini sunt, et opera ejus omnes lapides saeculi. Lapidès saeculi justos et fide fortis appellat, quales esse desiderabat apostolus Petrus eos, quibus admonens ait : *Et vos tanquam lapides vivi superaedificamini domus spirituales* (*I Pet. ii*). Nullus igitur ab initio saeculi sua virtute electus et coelesti ædificio aptus est, sed ejus potius opere, qui omnia in pondere et mensura et numero constituens unicuique sicut voluit mensuram fidei et gratiarum distribuit.

Voluntas regum labia justa. Reges autem sanctos, qui vitiis principaliter imperare et virtutibus animæ

A quasi obsequentium comitum cunctis slipari consueverunt. De qualibet Dominus ait : *Multi, inquit, prophetæ et reges cupierunt videre quæ vos vidistis, et non viderunt* (*Luc. x*). Alioquin reges terreni multum saepè labia justa detestantur, ut Herodes Joannis, propter quod eum et capite punivit.

Qui recta loquitur, dirigetur. Ut videlicet rectis operum gressibus, ad vitam pertingat æternam. At contra vir linguosus non dirigetur super terram, nec repugnat huic sententie, quod de Antiocho dicitur : *Et dolus in manu ejus dirigetur.* Non enim hominem illum dirigendum Scriptura dicit, quem perversum ac pessimum futurum esse prævidit; sed dolus, inquit, in manu ejus dirigetur, quia scilicet fraudes et scelera quæ dispositi ad effectum quem proposuit, B nullo retardante, perduxit, quibus tamen peractis, ipse in æternum, ut meruerat, perit.

Indignatio regis, nuntii mortis. Nuntii mortis sunt angeli Satanæ, id est, heretici et vani philosophi, imo omnes qui ea verba nuntiant proximis unde a morte rapiantur æterna; qui quo amplius auctori mortis serviunt, eo gravius vitæ largitorem offendunt : nec tamen talibus iter poenitentiae præcluditur, nam subditur :

Et vir sapiens placabit eum. Potest enim resipiendo Dominum placare, quem contigit eum stulte loquendo offendisse.

In hilaritate vultus regis, vita. Quicunque hilarem Christi vultum videre merentur, his in æternum cum illo vivere dabitur. Alioquin in die iudicii, C sicut scriptum est : *Videbit omnis caro salutare Dei* (*Luc. iii*). Sed hunc reprobi, tunc iratum, justi vindicta placidum.

Et clementia ejus quasi imber serotinus. Serotinus imber in Judea jam maturis messibus usque hodie venire consuevit. Ubi Dominus et matutinam pluviam promittit dicens per prophetam : *Dabo vobis pluviam matutinam et serotinam terre* (*Joel. ii*). Pluvia ergo matutina est, sive temporanea, ut alibi nominatur, quando prima credendi in Christum semina suscepimus, pluvia vero serotina, quando maturis virtutum frugibus ahlati de hac vita in Dominicō horreo recondimur; et recte clementia regis imbris serotino comparatur, quia quod fructum vitæ bene agentes percipimus, non hoc nostri libertas arbitrii, sed superni facit irrigatio doni.

Eruditus in verbo reperiet bona : et qui sperat in Domino, beatus est. Non solum is qui ad prædicandum Dei verbum eruditus est bona apud illum reperiet, sed et ille, qui in Domino spem ponere didicit, etiamsi ad prædicandum aliis idoneus non est, ejusdem beatitudinis particeps existit.

Qui sapiens corde est, appellabitur prudens, et qui dulcis eloquio, majora percipiet. Qui sapientiam catholicæ fidei quam didicit, illibatam suo in corde custodit, merito prudentis nomen accipit; at qui eamdem sapientiam etiam docte prædicare et contra hereticos defendere novit, majora laboris amplioris præmia percipiet.

Fons vitæ, eruditio possidentis : doctrina stultorum satuitas. Cum diceret possidentis, non addidit quid possidentis. Quid autem putamus eum voluisse intelligi, nisi forte ipsam eruditionem, ut sit plena sententia fons vitæ eruditio possidentis ipsam eruditionem suam : quod est aperte dicere, quia ille prædictor vere suis auditoribus vite vias aperit, qui exercet ipse quæ prædicat, qui amorem verbi quem aliis erudit fixo in corde possidet. Nec tantummodo memoria retentum, quasi collectum gremio sennen jactat in terram. Idcirco namque doctrina stultorum satuitas est : quia etsi quæ bona dicere usu eruditionis didicerunt, eadem tamen quæ dicunt bona ipsi satuo corde contemnunt.

Farus mellis, verba composita ; dulcedo animæ est sanitas ossium. Multi per eloquentiam possunt aman-
tibus et faventibus suaviter pronuntiare bona, quæ
ipsi non amant. Ea enim solum verba ad sanitatem
ossum tuorum, hoc est, ad virtutum tuarum spirita-
lia clementia proficiunt, quæ ex interna animæ tuae
dulcedine procedunt.

Anima laborantis laborat sibi, quia compulit eum os suum. Constat juxta litteram, quia expulsus de paradiso homo quotidianum laborem ne deficiat exer-
cit. Compulit enim os suum quando cum serpente locutus est, velutum tetigit, ut exsilium longum cum labore sufferat, et in sudore vultus sui pane vesce-
batur, sed et doctorem os suum ut laboret com-
pellit, quia necesse habet agere bona, quia dicit :

Vir impius fodit malum, et in labiis ejus ignis ardescit. Et propheta ait : *Ut inique agerent laboraverunt* (Jer. ix). Potest et de heretico specialiter in-
telligi, qui pulcherrimos ac florentissimos divinorum eloquiorum campos noxio linguaæ suaæ vomere rum-
pit, ut de interius eorum finibus sensus impios, qui ibi non insunt, eruat, in cuius labiis ignis ardescit,
quo se suosque auditores in perpetuum perdat ; unde et Jacob · Lingua, inquit, constituitur in membris no-
stris, quæ maculat totum corpus, et inflamat rotam nativitatis nostræ, inflammata a gehenna.

Vir iniquus lactat amicum suum, et ducit eum per viam non bonam. Potest et de heretico et de omni fauatore malorum accipi, quando laudatur peccator in desideriis animæ suæ, et qui iniqua gerit benedicitur.

Qui attonitis oculis cogitat prava mordens labia sua perficit malum. Gravius est perficere malum, quam facere, non solum autem ille perficit malum, qui per membra sui corporis perversum quid operatur et noxiun, verum etiam ille qui fixa intentione malum patrare disponit. Solent enim superbi indignantes labia mordere, solent attonitos habere oculos, et presentia non videre, qui aliquandiu taciti sedula mente pertractant : unde datur conjici, quia attonitis oculis prava cogitare dicat eum qui sic mala quæ faciat inquirit. Ut quæ se in futurum retributio malorum opera sequantur, non videat.

Melior est patiens viro forti; et qui dominatur animo suo, expugnatore urbium. Minor est victoria

A urbes expugnare, quia extra sunt aut vincuntur. Majus autem est quod per patientiam vincitur quia ipse a se animus superatur, et semetipsum sibi vel ipsi subjicit quando eum patientia in humilitate tolerantiae sternit.

Sortes mittuntur in sinu, sed a Domino temperantur. Sicut sortes palam in sinum mittuntur, at clausæ in sinu continentur, divini autem est judicii, cuius sors elata palmam teneat ; sic hominum facta in præsenti quidem vita patent alterutrum, sed quæ cu-
jus sunt meriti patescit in futuro, prolato videlicet tunc ac manifesto judicio singulorum quasi de sinu examinis divini.

CAPUT XVII.

Melior est buccella sicca cum gaudio, quam domus plena victimis cum jurgio. Melius est parva bona cum charitate facere sine scientia prædicandi, hoc est enim et siccum esse buccellam, quam magis effulgere virtutibus cum admixtione discordiæ.

*Corona senum filii filiorum, et gloria filiorum pa-
tres sui.* Senes dicit patriarchas et prophetas, qui filii filiorum, hoc est a successoribus apostolorum digna laude celebrantur. Et gloria est prædicatorum Novi Testamenti, quod filii veterum patrum esse meruerunt.

*Gemma gratissima exspectatio postulantis : quocun-
que se vertit, prudenter intelligit.* Qui præmia futura fideliter exspectat, quasi gemmæ splendidissimæ possessione luctatur : nam et in Evangelio, negotia-
tor sapiens pro acquisitione pretiosæ margarite, id est, desiderii cœlestis omnia quæ habuit vendidit, talisque exspectator sive adversa seu prospera congi-
gerint, a sua intentione non flectitur ; prudenter in-
telligentis quoniam diligentibus Deum omnia coope-
rantur in bonum (Rom. viii).

*Semper jurgia querit malus : angelus autem cru-
delis mittetur contra eum.* Angelus crudelis immun-
dus est spiritus qui a Domino contra peccantes mit-
titur, ut eos vel in præsenti affligat, ut Ægyptios, quibus immisit iram indignationis snæ, indignationem et iram et tribulationem, immisiones per an-
gelos malos : vel etiam per mortem ad interitum ra-
piat aeternum. At contra immititur angelus Domini in circuitu timentium eum, et eripiet eos.

Expedit magis ursæ occurtere raptis felibus, quam satuo confidenti in stultitia sua. Facilius erat docto-
ribus sanctis, furori gentilitatis occurtere raptis ad se populis aliquibus, atque a bestiali ejus scævilia ad fidei pietatem prædicando conversis, quam heretico cuiilibet confidenti in sui perfidia dogmatis, quia nimis illud contra exterios, hoc contra sua viscera certamen agebant. Potest ursæ nomine ipsa hostis antiqui malitia intelligi, cui fetus rapimus, cum eos qui erant filii diaboli catechizando et baptizando filiorum Dei societati adjungimus : et hoc plerumque multo leviore labore perficitur, quam si vel hereticum ad fidem rectam revocare, vel catholicum prave agentem ad bonæ operationis statum reducere conaris.

Qui dimittit aquam, caput est jurgiorum. Aquam A dimittere est linguam in fluxa eloquii relaxare. Quo contra in bonam partem dicitur : *Aqua profunda, terba ex ore viri* (Prov. xviii). Qui ergo dimittit aquam, caput est jurgiorum, quia qui linguam non refrenat, concordiam dissipat, unde e diverso scriptum est : *Qui imponit stulto silentium, iras mitigat* (Prov. xxvi).

Quid prodest habere divitias stultum, cum sapientiam emere non possit? Quid prodest populo Iudeorum infidieli habere divitias Scripturarum, cum in his Christum intelligere non possit? Quid haeretico eisdem abundare divitiis cum unitatem fidei in eis discere nequeat? Quid malo catholico expedit divitias habere verae fidei, cum sapientiam piae actionis habere neglexerit?

Omnis tempore diligit qui amicus est, et frater in angustiis comprobatur. Qui Dominum vere amat, omnis tempore ejus custodit amorem, neque in angustia passionis deserit, quem in pacis tranquillitate confessus est.

Homo stultus plaudet manibus, cum spondaerit pro amico suo. Stultus est, qui cum animam fratris suscipit regendam, de suis gloriatur actibus, et non potius ei humili compassione, quidquid potest auxilii salutaris impedit.

Animus gaudens atatem floridam facit : spiritus tristis exsiccat ossa. Qui interna Spiritus sancti consolatione letatur etiam bona actionis flore decoratur, et fructus præmiorum præstolatur cœlestium; qui vero tristitia sæculi quæ mortem operatur angitur, pinguedinem divinæ charitatis, in robore virtutum, quas exercere videtur, habere nullatenus valet, sed quasi exsiccatis ossibus marcescit, quia in bonis aetibus, quos facit, gratiam dilectionis amisit.

In facie prudentis lucet sapientia. Oculi stultorum in finibus terræ. In facie quidem Domini salvatoris lucebat sapientia divinitatis, quam in carne apparen̄s virtutum et doctrine testimonio demonstrabat, verum oculi Iudeorum non credentium terrenis potius desideriis perficiendis, quam salutaribus ejus monitis intendebant. Sed et generaliter sœpe prudentes gravitatem sui sensus, in ipso etiam frontispicio præmonstrant, nec tamen stulti ad hanc admirandam sectandamque oculos mentis attollunt; sed e contra qualiter ad finem voluptatum carnarium pertingant, tota intentione perquirunt.

Non est bonum damnum inferre justo nec percutere principem, qui recta judicat. Et de ipso principio ac judice sæculorum qui pro nostra salute pati voluit accipi potest et de omnibus generaliter Ecclesiæ rectoribus, qui vel facultatibus nudati ab impiis vel ipsa etiam sunt morte consumpti.

CAPUT XXVIII.

Impius cum in profundum venerit peccatorum contemnit, sed sequitur eum ignominia et opprobrium. Qui longis peccatorum tenebris involutus semel, de luce desperat, jam ex desperatione passim sibi pecandi frena relaxat. Sed talis opprobrium futuræ

damnationis nulla ratione evadit, quem ab usu suæ iniquitatis nulla divini timoris memoria cohibuit.

Aqua profunda verba ex ore viri, et torrens redundans fons sapientiae. Verba sapientium aquæ comparantur, quia lavant mentes audientium, et irrigant. Ne vel peccatorum sorde deformes remaneant, vel doctrinæ coelestis inopia tabescant, et quasi nociva ariditate deficiant. Et quia eadem doctorum verba fidelium quædam mystica latent, et occulta, quæ solertiore comprehendantur industria, quædam vero aperta et cunctis audientibus facilia ad intelligentum profluunt, recte hæc et aquam profundam et torrentem dicit esse redundantem. Potest autem et ita distingui, ut quia Veteris Testimenti Scriptura typice prolata est, dicatur de ea aqua profunda verba ex ore viri, quia Dominus et apostoli palam utriusque Testimenti sacramenta mundo reserabant. Adjungatur de illis et torrens redundans fons sapientiae.

Qui mollis et dissolutus est in opere suo, frater est sua opera dissipantis. Quia qui coepit bona districte non exequitur, dissolutione negligentiae manum destruentis imitatur.

Substantia divitiae urbs roboris est, et quasi murus validus circumdans eam. Non terrena substantia semper defendere potest, imo plerique propter divitias sunt capti vel occisi : Unde et Ecclesiastes ait : *Divitiae conservatae in malum Domini sui, pereunt enim in afflictione pessima* (Eccle. v). Melius ergo intelligitur substantiam laudare virtutum, quibus quicunque C abundant, quasi muro impugnabili cunctas hostium arcer insidias.

Qui prius respondet quam audiat, stultum se esse demonstrat et confusione dignum. Qui prius doctor esse desiderat quam discat, stultitiae noxiæ non declinat. Qui judicare proximorum facta, priusquam plene causam utriusque partis cognoscat, inordinatae festinat, et ille se confusione dignum demonstrat.

Spiritus viri sustentat imbecillitatem suam. Et ipse vir ait : *Spiritus quidem promptus est, caro autem infirma.* Potest de quolibet sancto viro accipi, qui carnis imbecillitatem, ne in temptationibus cedat, mentis fortitudine sustentat.

Spiritum vero ad irascendum facilem quis poterit sustinere? Qui ad irascendum facilis est nec seipsum potest sustinere, ita ut iratus sœpe dicat ea quæ, postmodum placidus, quia dixerit poeniteat, et plerumque an dixerit ignoret, cuius tamen vesania nonnunquam per sapientium modestiam facilissime suffertur, atque ex tempore sopitur.

Donum hominis dilatat viam ejus, et ante principes spatiū ei facit. Donum charitatis sive aliarum virtutum, quas a Domino fideles accipiunt, dilatat viam actionis eorum, quia quo magis gratia Spiritus intus replentur, eo latius foris bonorum operum gressus multiplicant, atque inter magnos Ecclesiæ rectores in futuro culmen sortiuntur honoris. Alter, donum spirituale Salvatoris, quod mundo attulit, dilatavit viam ejus, quoad plurimas orbis nationes per fiduci

et dilectionis suæ præsentiam veniret : nec solum populos, sed ipsos etiam rerum dominos concupiscentiis renuntiare ac sibi libenter obtemperare faceret.

Justus prior est accusator sui. Venit amicus ejus, et investigabit eum. Omnis qui vere justus est, ubi peccantium errata conspicit, primo ad seipsum oculum considerationis inflectit, dumque suam fragilitatem sollicitus accusavorit, sic deinde ad corripiendos alios linguam benignius exerit, sed ille qui suis fidelibus dicere dignatus est : *Vos autem dixi amicos, quia quacunque audivi a Patre meo, nota feci robis (Joan. xv).* Venit in cor ejus per præsentiam divinæ contemplationis : Et quam hoc sit mundum a sorde iniquitatis agnoscit, ejusque humilitatem digna mercede remunerat.

Frater qui adjuvatur a fratre, quasi civitas firma : et iudicia, quasi vectes urbium. Cum populus uterque, Iudeorum scilicet et gentium, fraterna sibi in Christo charitate consentit, unam jam catholicæ Ecclesiæ civitatem construit; et sicut vectes urbium portas muniunt, ita dogmata utriusque Testimenti Ecclesias per orbem, quæ unam catholicam faciant, ab infidelium incursione defendunt.

Cum obsecrationibus loquetur pauper, et dives effabunt rigide. Humiles spiritu humiliter Dominum adorant : ut evangelicus ille publicanus; superbi sua merita jactant, ut phariseus.

Vir amabilis ad societatem magis amicus erit quam frater. Credens ex gentibus populus magis amatus est a Domino, quam Judaicus sine fide perdurans, in quo secundum carnem natus est. Potest et de apostolis ex Judæis patis intelligi, quia magis amarint credentes ex gentibus, quam suæ gentis incredulos.

CAPUT XIX.

Melior est pauper qui ambulat in simplicitate sua, quam dives torquens labia insipiens. Melior est simplex auditor verbi Dei, si ea quæ intelligere in Scripturis potuit, operando perficit, quam eruditus quisque si in illis quæ acute intellexit ad hæresin prædicandam labia retorquet.

Ubi non est scientia animæ, non est bonum ; et qui festinus est pedibus offendit. Animæ quidem humanæ scientia vitæ cœlestis est necessaria, quia nimis sine hac beata in perpetuum esse non potest. Attamen qui effrenatis sensibus mentis plus appetit sapere quam decet, plerumque offensionem hæreticæ stultitiae temerariis tractatibus incurrit, quod in primis humani generis parentibus mystice signatum est, qui dum appetitu scientiæ majoris vetitum contingere properabant, a statu beatitudinis in qua conditi sunt, deviantes in pœnam miseriarum et mortalitatis inciderunt.

Stultitia hominis supplantat gressus ejus, et contra Deum servet animo suo. Stultorum moris est et cum peccando viam veritatis deserunt, non se errasse fanteantur, sed ad culpam conditoris sui reatus originem referant, quasi ipse occasionem peccandi tribuerit, qui vel fragilem fecerit hominem, vel ad

A tentationem ejus hostem versutum admiserit : Unde et primus nostri generis parens post prævaricationis excessum increpatus a Domino ad defensionem mox excusandi refugit dicens : *Mulier quam dedisti sociam mihi, dedit mihi de ligno, et comedì (Gen. iii),* et ipsa mulier inquit : *Serpens decepit me.* Ambo namque in Creatorem quod peccaverant retorquent : ille quod mulierem, per quam periret a Domino sociam accepisset; illa quod Dominus serpentem, qui se deciperet, in paradiso constituisse. Quo contra sapiens Dominum precatur ut non declinet cor suum in verbum malum ad excusandas excusationes in peccatis. Sed et ille suos supplantans gressus contra Deum servet animo, qui divina imperia per suam inertiam contempnens insuper ipsum Dominum, quasi B importabilita hominibus onera imposuerit, mente reprehendit insana.

Divitiae addunt amicos plurimos ; a paupere autem et hi quos habuit, separantur. Divitiae regni cœlestis, quæ per sanctos doctores fidelibus tribuendæ prædicantur, multos amicos et iisdem præparatoribus et earum largitorum Domino asciscunt; a philosophis autem et ceteris gentium magistris, quia certe beatitudinis in futurum norunt promittere, et hi quos labuerunt, separantur; videlicet conversi ad fidem spemque Dominicæ promissionis certissimam.

Qui tantum verba sectatur, nihil habebit : qui autem possessor est mentis, diligit animam suam. Et Apostolus ait : *Non auditores legis justificabuntur apud Deum, sed factores legis justificabuntur (Rom. ii).*

Testis falsus non erit impunitus, et qui loquitur mendacia peribit. Redarguerat eum qui verba tantum scientiæ absque operationis efficacia sectatur; redarguit nunc illum, qui ipsa verba divinæ auctoritatis male interpretando corrumpit. Quod autem multa sepius iterantur firmitatis indicium est, ut Joseph somnium regis interpretans ait, eo quod sit sermo Dei et veraciter impleatur.

Non decent stultum delicia, nec servum dominari principibus. Non decent hæreticum deliciæ Scripturarum, quia his bene uti non novit : Neque illum qui servus adhuc peccati esse probatur, præferri justis in regimine Ecclesie.

Doctrina viri per patientiam noscitur. Doctrina ecclesiastica per patientiam doctorum, quam sit perfecta monstratur. Quia dum magis afflictionibus ac morti corpus subdere quam a docendi officio cessare voluerunt, ostendebant utique quantum esset salutaris quam tanta instantia defensare curarunt. Alter, *Doctrina viri per patientiam noscitur,* quia tanto quisque minus ostenditur doctus, quanto convincitur minus patiens, neque enim potest veraciter bona docendo impendere, si vivendo nescit æquanimiter aliena mala tolerare. Recte autem subditur :

Et gloria ejus est iniqua prætergredi. Quia nimis perfectio doctoris est sic aliorum improbitatem patienter susserre, ut suam quoque fragilitatem no-

verit ab iniqua actione sôlerter observare. Neque enim aut munditia propriæ conversationis sine tolerantia sufficit externæ perturbationis, aut si is, qui fortiter adversa foris sustinet, intus adhuc enerviter iniquis motibus faveat.

Sicut fremitus leonis, ita et regis ira: et sicut ros super herbam, ita hilaritas ejus. De Domino rege dicit, qui in judicio et hilaris ac blandus justis, et terribilis apparebit injustis.

Dolor patris filius stultus. Deus qui in sua natura impassibilis semper est et placidus, dolere tamen nostro more dicitur: cum homines quos ad se credendum laudandumque creavit, hosti potius maligno, quam sibi servire considerat; unde et Moyses de illo: *Pœnituit, inquit, eum quod hominem fecisset in terra, et tactus dolore cordis intrinsecus: Delebo,* inquit, *hominem quem creavi a facie terræ* (Gen. vi).

Et tecta jugiter perstarrantia litigiosa mulier. Sicut recta perstarrantia pluviam qui.lem de cœlo suscipiunt, non tamen hanc ad utilitatem aliquam dispergunt, sed ad molestiam potius inhabitantium derivant: ita nimirum hæreticorum Ecclesia cœlestium dona verborum, non ad salutem animarum, sed ad usum sua nequitiae male interpretando et contra catholicos litigando convertit. Tecta etenim perstarrantia mundas quidem pluviae guttas accipiunt, sed subjecti in domo sordidas reddunt. Et hæretiens impidissima cœlestis oraculi verba auditu corporis haurit, at ubi hæc corde polluto attigerit, auditoribus suis sorde mixta ministrat.

Pigredo immittit saporem. Piget appellatur qui recte sentiendo quasi vigilat, quamvis nihil operando torpescit. Sed pigredo immittit saporem, quia paupisper etiam recte sentiendi vigilantia amittitur, dum a bene operandi studio cessatur. Recte autem subditur.

Et anima dissoluta esuriet. Nam quia se ad superiora stringendo non dirigit, neglectam inferius per desideria expandit: Et dum studiorum subtilium vigore non stringitur, cupiditatis infirmæ fame sauciatur, ut quo per disciplinam ligari dissimulat, eo se esuriens per voluntatum desiderium spargat.

Feneratur Domino qui miseretur pauperis, et vicissitudinem suam reddet ei. Huic sententiae veritatem probat ipse Dominus cum se eleemosynam facientibus daturum esse prædictum.

Erudi filium tuum, ne desperes; ad intersectionem autem ejus ne ponas animam tuam. Subjectum tibi quemlibet si errare conspicis, diligenter castigare curato. Quasi curari renuit, ita erga illum circumspice et temperanter age, ne quid omnino in tuis verbis vel actibus unde amplius peccet inveniat. Cui sensui opitulatur illud quod sequitur:

Qui impatiens est, sustinebit dumnum: et cum rapuerit, aliud apponet. Si enim duritia contradicentis fratris quem erudire cœpisti, provocatus ipse in impatientiae vitium labaris, damnum profecto tuae virtutis incurris. Et cum illum durius increpando forte spem promerendæ salutis agendæque pœnitent-

A tiꝝ quam habuerat rapueris, rationem pro eo quod fratrem scandalizasti, districto judici reddes. Patet litteræ sensus quia qui per impatientiam inopia surto servit aut rapinis, damnum suæ animæ facit, et cum rem proximi tollit, et si non homini per hoc, certe æterno judici rationem reddere habet. Unde alia editio ita hunc versiculum transtulit: *Male cogitans homo multo damno affligetur: et si perniciosus fuerit, et animam suam apponet.* Quia nimirum cum pecuniam violentus abstulerit, pro hac animam invitus dabit.

Homo indigenz misericors est. Indigentem dicit humilem, qui se perpetuis bonis egeré sine cessatione recolit. Talis namque ut misericordiam consequatur a Domino, nunquam proximo miseretur recusat. De quo et subsequenter annectit:

Et melior pauper quam vir mendax. Melior namque est humili corde, qui nihil suis fidit operibus, quam qui se præ excellentia virtutum viri nomine dignum dicens fallitur nescius, dum superbido perdidit bona quæ gessit

Ab condit piger manum suam sub ascella, nec ad os suum applicat eam. Nemo ita piger est, ut ad os manum vel comedendo reducere laborem putet, sed pigro labor est manum ad os porrígere, quia desidiosus quisque prædictor ne hoc vult operari quod dicit: *Manum quippe ad os porrígere est voci opere concordare.*

Testis iniquus deridet judicium. Illud videlicet quo dicitur: *Non falsum testimonium dices; et certe futurum, de quo supra dicitur: Testis falsus non erit impunitus: et qui loquitur mendacia peribit.*

Et os impiorum devorat iniquitatem. Sicut famelicus refici cibis desiderat, ita impius ut iniquitatis executione satietur, ardenter exquirit.

Parata sunt derisoribus judicia, et mallei percutientes stultorum corporibus. Et si reprobi, sicut prædictum est, vel jussionis et comminationis divinæ judicium derident, parata tamen eos exspectant judicia damnationis, quæ ut mallei ferrum candens, ita eos in fornace gehennæ sine fine verberent.

CAPUT XX.

Propter frigus piger arare noluit: mœndcabit ergo æstate, et non dabitur ei. Qui nunc propter desidia in Dei servitio laborare neglexit, ven.uro die regni mundicabit, et non dabitur ei, quia quæcumque seminaverit homo, hec et metet. Bene enim regnum Dei æstati comparatur, quia tunc mœroris nostri nubila transiunt, et vitæ dies æterni solis claritate fulgescent.

Justus qui ambulat in simplicitate sua, beatos post se filios derelinquet. Non hoc secundum litteram semper stare potest, nam et beatus Samuel, vir justus ac simplex dissimiles sui filios reliquit, et Achas injustus ac reprobus beatum pest se filium reliquit Ezechiam. Sed filios justi dicit eos, qui exempla justi sequuntur. Unde nunc omnes electi propter fidem filii dicuntur Abrahæ, teste Apostolo qui ait: *Si autem vos Christi, ergo Abrahæ semen estis* (Gal. iii),

quibus beatitudo non hujus sacculi, sed futuri pro- A mittitur. Unde recte subjungitur :

Rex qui sedet in solio judicii dissipat omne malum intuitu suo. Et si enim in hac vita electi mala patiuntur reproborum, ubi universalis judicij dies appuerit, omnia mala dissipantur, et coronatis cum Domino justis, soli poenam subibunt injusti, quod etiam nunc per partes agitur, cum quis sanctorum victor exierit de seculo, sed et ille qui eum tribulabat persecutor digna factis receperit. Potest hic versus et de electis accipi, quia habent aliquando latencia in mente mala, quae ab aliis videri non possunt hominibus, quae tamen Dominus cernit, quando ea occulto respectu gratiae destruit. Denique *Conversus Dominus respexit Petrum; et recordatus Petrus verbi Domini, etc.* (*Luc. xxii.*)

Quis potest dicere : Mundum est cor meum, purus sum a peccato. Notandum quod non ait : *Quis potest mundum habere cor et purus esse a peccato?* sed, *Quis potest dicere, inquit, mundum est cor meum, purus sum a peccato,* quia sunt qui, largiente divina gratia, possunt juxta humanum modum et cordis et operis munditiam habere : unde est illud Dominicum : *Beati mundo corde, quoniam ipsi Deum videbunt* (*Matth. v.*). Et in psalmo : *Quis ascendit in montem Domini, aut quis stabit in loco sancto ejus? Innocens manibus et mundo corde* (*Psalm. xxiii.*). Si enim nemo mundum habet cor, neque ullus est purus a peccato, consequens est profecto, ut nullus ascendet in montem Domini, nullus hominum stet in loco sancto ejus, quia vero constat multos ascensuros in montem Domini statuerosque in sancto loco ejus, restat utique ut sint multi mundo corde, et juxta humanæ possibilitatis modum puri a peccato, nec tamen se ipse quisque mundicordem et immunem esse peccati absque temeritate pronuntiat. Stulta est namque propriæ laudis jactantia, temerarium de sua quemque innocentia vel justitia gloriari : Et quia sunt qui sua laudare quasi fortia, proximorum vero facta veluti vilia solent improbare, recte subjungitur.

Pondus et pondus, mensura et mensura, utrumque abominabile apud Dominum. Diversum namque pondus in domo sua diversam habet mensuram, ut aliter videlicet sibimetipsi aliter metiatur proximo, qui in suis semper actibus quae laudari, in aliorum vero quae vituperari possint rimatur : Et ideo tales juste abominatur Dominus, quia nimis quantum sibimetipsi absque meritâ placet, tantum superno inspectori merito displicet. Verum quia periculosum est cuique de aliena conscientia judicare, cuius intentionem scire nequit, dat consilium, quibus judiciis judicium nostri cordis erga proximum dirigere debeamus, nam sequitur.

Ex studiis suis intelligitur puer, si munda et recta sint opera ejus. Quemcunque enim virtutibus stude re conspicis, verbi gratia, modestia, continentia, auditioni sapientium, et observantia mandatorum Dei, maximeque humilitati ac simplicitati hujus

munda esse et recta opera intellige : Quem vero his contrarium iter tenere deprehendis, hunc velut iuveni mundi ac distorti cordis hominem aut corrigeret et castigaret, aut si hoc non vales vitare, ac declinare ne ab eo ipse curato : nec videri contrarium debet, quod hic studiosi pueri munda esse ac vera opera testatur. Supra vero ait : *Quis potest dicere : Mundum est cor meum, purus sum a peccato?* In hoc enim versu studium recte vivendi suadet : In illo præsumptionem proprie puritatis dissuadet, in isto munditiam et rectitudinem, qualis in hac vita esse justorum potest docet habendam ; In illo subtilitatem divini examinis, qua hominum facta et intentiones dijudicat monet semper ante oculos habendam. Unde et illum locum antiqui interpretes ita transtulerunt : *Cum sederit rex juxta in solio judicii, quis gloriabitur castum se habere cor : aut quis gloriabitur mundum se esse a peccato?* Qui et hunc quem exponimus versiculum manifestius posuere dicentes : *Juvenis qui cum justo est, directa erit via illius.* Qui enim cum sapientibus graditur sapiens erit, sicut et contra amicus stultorum efficietur similis.

Aurem audientem et oculum videntem, Dominus fecit utrumque. Aurem audientem dicit auditorem verbi obedientem, oculum videntem doctorem eruditum. Nemo ergo cum se Scripturarum scientia institutum et ad dicendum verbum Dei viderit idoneum, despiciat simplicitatem fratris, qui etsi minus doctus ad prædicandum, non tamen minus est promptus ad discendum vel ad implendum bona quae didicit ; sed recolat, quia qui sibi maiorem scientiam gratiam dedit, ipse fratri quae habet spiritualia dona tribuit. Nec sibi propter se solummodo, sed etiam propter fratris commoda tribuit dona quae voluit, dans unicuique gratiam secundum mensuram donationis sue.

Noli diligere somnum ne te egestas opprimat : aperi oculos tuos et saturare panibus. Noli diligere somnum peccati et inertiarum, de quo Apostolus ait : *Hora est jam nos de somno surgere* (*Rom. xiii.*). Ne te si nunc bene vigilare non vis, egestas in futuro illa gravissima, ubi nec stillam aquam unam sitiens invenire queas occupet. Aperi oculos tui cordis ad vigilias sacras, et saturitatem tibi gaudiorum coelestium bene vivendo conquire. Malum est, malum est, dicit omnis emptor, et cum recesserit, tunc gloriaritur. Ergo et is qui æterna in coelis præmia comparare desiderat, malum est, quod in praesenti debet sustinere, ut cum recesserit de mundo tunc glorietur, aperte perspiciens, quia non sunt condignæ passiones hujus temporis ad futuram gloriam, quae revelabitur in nobis (*Rom. viii.*).

Aurum et multitudo gemmarum, et vas pretiosum labia scientiarum. Hæc est gloriatio sapientis emptoris, qui, quandiu emerit, malum esse dicit quod secum agitur ; cum autem recesserit, lætabitur se sapienter emisse. Sic etiam coelestis regni emptor, ubi hinc recesserit exultabit, comperiens labia scientiarum,

id est, doctrinæ spiritualis, qua usus est in comparatione cœlestium, auro, gemmis et vasis esse assimilanda pretiosiss.

Suavis est homini panis mendacii, et postea impletatur os ejus calcuло. In quoconque membro quis amplius peccaverit, in eo ampliora in ultione patietur tormenta. Unde recte qui in lingua magis delinquit, in ea plus arsurus esse perhibetur, dum os ejus calcuло, qui est lapis ignitus, replendum esse resertur, quod accidisse constat diviti illi qui epulabatur quotidie splendide, cum in inferno ardens refrigerari sibi a Lazaro linguam petebat. Nam qui in verbis semper vacuis in epulando defluxerat, in lingua magis ardebat.

Et qui revelat mysteria, et ambulat fraudulenter, et dilatat labia sua, ne commiscearis. Si quis voluerit tuis misceri amicitiis et hunc videris prioris amici pandentem secreta, hunc velut persidum cave.

Hæreditas ad quam festinatur in principio, in novissimo benedictione carebit. Qui per avaritiae nequitiam in hac vita multiplicari appetunt, in futuro ab æterno patrimonio exhaeredes flunt. Alter : *Hæreditas ad quam festinatur in principio, in novissimo benedictione carebit.* Qui gradum regiminis priusquam subesse didicerit, præposterus accipit, in novissimo mercede benedictionis, quæ bonis rectoribus debetur, carebit. Qui ad ministerium altaris indoctus et temerarius accesserit, et ipse in die novissima gratiam remunerationis, quæ bene ministrantibus remittitur, perdet. Potest et ita accipi, quia qui in præsenti suas ulcisci vult injurias, hic corona patientiæ in futuro carebit. Cui sensui potissimum videtur convenire quod sequitur :

Nedicas: Reddam malum, exspecta Dominum et liberabit te. Quod etiam versiculo sequenti astruit cum dicit :

Abominatio est apud Dominum pondus et pondus statera dolosa, non est bonum. Duplex namque pondus et statera habet suo in corde dolosam, qui dum peccaverit ipse veniam petit a Domino, et nihilominus peccanti in se homini ac poenitenti, quod peccavit dimittere non vult; eum qui Deus est flectere ad miserandum precibus satagit, cum ipse homo existens nullis hominum precibus flecti ad misericordiam possit. Qui jure quasi iniquus ponderatur abominatur a Domino quia suas injurias graviores, quam Domini mensuratur. Verbi gratia, nolens indulgere ei qui suam uxorem polluit, et postulans sibi indulgeri cum forte despontatam Christo virginem maculaverit, vel certe animam suam Deo in baptisme consecratam aliqua vitiorum sorde fœdaverit.

A Domino diriguntur gressus viri. Quicunque hominum gressus rectum iter incedunt, non sit hoc libertate humani arbitrii, sed gubernatione illius cui dicit Isaías : *Omnia enim opera nostra, operatus est nōbis (Isa. xxvi).*

Quis autem hominum intelligere potest viam suam.

PATROL. CXI.

A In hoc, inquit, manifestum claret, quia quidquid boni habet quisque a se ipso non habet, sed per gratiam Dei, quod nec per sui libertatem arbitrii qualis futurus sit, qualiter et quandiu victurus intelligere poterit.

Ruina est hominis devorare sanctos, et post rotæ retractare. Cum peccatum sit ulli hominum nocere, quanto magis est, cum quis sanctos Dei offendit sive læserit, et quasi vile mancipium pro libitu suæ voluptatis eos tractare non timuerit. Quomodo quadraginta viri in actibus Apostolorum devoverunt, se non manducaturos, neque bibituros donec occiderent Paulum, et Pagani sarpe ut legimus diis suis Christianorum devorare sanguinem. Hunc versiculum antiqua editio juxta alium sensum posuit dicens : *Muscipula est viro citato aliqd de suis conservare.* Postea autem quam votum fecit poenitentiam agit : et quia utrisque, et eis videlicet qui sua vota contemnunt, et eis qui ut sua vota compleant sanctos persecuntur, damnatio restat æterna, recte subditur :

Dissipat impios rex sapiens et curvat super eos fornacem. Moris autem fuisse antiquorum ut adepta de hoste Victoria fornices sibi erigerent, in quibus virtutum suarum laudes describerent, in Saulis opere legimus. Dominus ergo Rex noster non solum impiorum destruit in sine malitiam, sed et magnam cum electis suis ejusdem triumphi gloriam perpetuo celebrat. Hunc versum antiqua translatio sic habet : *Ventilator impiorum rex sapiens, et immittel illis rotam malorum,* id est, pœnam nullo sine consummandam. Cui videlicet rotæ contra est corona vite æternæ, quam misit Deus diligentibus se.

Lucerna Domini spiraculum hominis, quæ investigat omnia secreta ventris. Divini afflatus illuminatio, cum in mente hominis venerit, eam sibimet ipsi illuminans ostendit, quæ ante Spiritus sancti adventum cogitationes pravas et portare poterat et pensare neziebat.

Exsultatio juvenum fortitudine eorum, et dignitas senum canities. Canitem sapientiam dicit. Tunc etenim civitatis cuiusque bene ordinatae, tunc res sanctæ Ecclesiæ recte aguntur, cum et fortiores quique viribus necessariis insistunt operibus, et seniores majore prudentia prædicti de iis quæ agenda sunt salubriter consulunt.

Livor vulneris abstergit mala, et plague in secretioribus ventris. Cum enim exterius percutimur ad peccatorum nostrorum memoriam taciti afflictique revocamus, et per hoc quod foris patimur magis intus quod fecimus dolemus, sicutque fit, ut inter vulnera aperta corporis magis nos abluat plaga secreta ventris, quia sanat nequitias pravi operis occultum vulnus doloris. Solet quippe ventris appellatione mens accipi, quia sicut venter consumit escas, ita mens pertractando excoquit curas, sicut divisiones aquarum, ita cor regis in manu Dei. Quare cor regis, et non potius omnium hominum in manu Dei esse perhibet, cum scriptum sit, *Quia in manu ejus*

sunt omnes fines terre (Psal. xciv), nisi forte regem, A sanctum quemque appellat, qui vitiorum bella in se ipse vincere et virtutum militia novit stipari. Sicut enim Dominus multisidis aquarum divisionibus terrarum fines late simul et acris implet, tegit quoque aquis superiora cœlorum: ita cor Regis quocunque voluerit inclinat. Quia sicut divisiones gratiarum juxta voluntatem suam et angelis et hominibus tribuit, ita etiam corda sanctorum quibuscumque voluerit, digna donationibus reddit, neque ullum habet Pelagianista locum, quo absque Dei gratia quis salvus fieri possit.

CAPUT XXI.

Perversa via viri aliena est: qui autem mundus est, rectum opus ejus. Juste coram Domino vivere B proprium est humanæ conditionis, unde alibi dicit: Deum time et mandata ejus observa, hoc est enim omnis homo (Eccli. xii). At qui perverse vivit alienam profecto a humana natura viam incedit. Perversa ergo actio aliena est et contra naturam. Qui autem mundus est in opere, hic recte quod per naturam originaliter sumpsit, exsequitur.

Melius est sedere in angulo domatis quam cum muliere litigiosa in domo communi. Adeo verum est melius esse ut sedeas in angulo domatis, id est in secreta altitudine vitæ continentioris quam cum muliere mala in domo, quæ tibi sit cum illa communis, ut etiamsi optima tibi mulier ducenda offeratur, melius sit contemptu connubio propter comitatum agni cœlibem ducere vitam.

Qui obturat aurem suam ad clamorem pauperis, et ipse clamabit et non exaudietur. Generaliter hæc accipienda sententia, et non de ego tantum vel corporaliter inservio. Nam et qui in criminibus alienis, non affectu misericordiae cum dolore sed judicantis invenitur tenere censuram, ostendit se necdum vitiorum fecibus eliquatum, neque auditu divinæ miserationis existere dignum.

Munus absconditum extinguet iras, et donum in sinu indignationem maximam. Qui iram districti judicis, quam peccando meruit, placare desiderat, eleemosynas det pauperibus, et hoc nulla delectatione favoris humani, sed tantum amore conditoris qui cordium occulta respicit; sic enim sit munus absconditum, sic ad mitigandam conditoris iram proficuum, si nullo externæ retributionis intuitu porrigitur, sic implebitur, quod ipse præcepit: Te autem faciente eleemosynam, nesciat sinistra tua quid faciat dextra tua (Matth. vi).

Gaudium justo est facere judicium, et pavore operantibus iniquitatem. Gaudet justus cum bonis desudat operibus, quia sperat se propter hæc bonis remunerandum esse perennibus; at vero reprobi dum mala quæ Deum prohibuisse norunt, faciunt, quamvis suæ luxuriae perpetratione carnaliter delectentur, mentis tamen pavore interno carere nequeunt, quia se mala perpetuo passuros pro his quæ temporaliter male fecerunt, non ambigunt.

Vir qui erraverit a via doctrina, in cœtu gigantium commorabitur. Gigantes dicit immundos spiritus, de quibus et B. Job: Ecce gigantes, inquit, gemunt sub aquis, et qui habitant cum eis (Job xxvi), id est, superbi et male fortes spiritus dæmoniorum, cum his quæs decepterunt hominibus pœnis subacti torquentur, horum enim cœtui sociabuntur quique a via veritatis erraverunt, ipso judice attestante, qui se illis dicturum esse prædictit: Discede a me, maledicti, in ignem aeternum, qui præparatus est diabolo et angelis ejus (Matth. xxv).

Pro justo datur impius, et pro rectis iniquus. Justi et recti esse idem videntur, sed distat inter impios et iniquos, quod iniqui sint omnes reprobi, impii vero, qui majoribus implicati sceleribus, vel nunquam sacræ mysteria fidei receperunt, vel post accepta ad apostasiam redierunt. Unde potest hoc in loco impius omnis fidelium persecutor dictus accipi. Porro iniquorum vocabulo generaliter omnes mali designari. Et pro justo datur impius, cum pro martyre persecutor, qui eum morti dedit punitur. Pro rectis iniqui qui eorum justitiam videntes imitari solebant. Herodes damnatur non tantum pro innocentibus, quos impie neci tradidit, sed et augmentum damnationis accipit, quia fidem magorum sequi ad quærendum Dominum noluit, cum esset Judæus et prophetarum dicta cognosceret. Hinc etenim Dominus ait: Regina Austri surget in judicio cum generatione ista, et condemnabit eam, etc. (Luc. xi.) Non quia ipsa sua virtute ac potentia condemnabit, sed quia in eius comparatione condemnabuntur, qui devotionem ejus scientes, cum multo facilius possent, sapientiæ curam dissimulabant habere.

Thesaurus desiderabilis et oleum in habitaculo justi, imprudens homo dissipabit illud. Claritas honorum operum Domino semper amabilis et pinguedo dilectionis in sanctorum Ecclesia resulget. Quem versiculum B. papa Gregorius in homiliis Evangelii juxta antiquam translationem posuit: Thesaurus desiderabilis requiescit in ore sapientis: verum reprobi non tantum virtutes non assequi, sed etiam persequi, et quantum valent in bonis obruere festinant. Potest sane et hic versus de quolibet martyrum accipi, in cuius habitaculo, id est, corpore, anima sancta, Dei videlicet thesaurus servetur, abundet et unctio gratiæ spiritalis: at persecutor imprudens hujusmodi habitaculum disrumpere potest. Thesaurum vero, qui habitaculo tenebatur et oleum nequaquam tangere potest: unde Dominus docet non timeri eos qui occidunt corpus, et post hoc non habent amplius quid faciant.

Civitatem fortium ascendit sapiens et destruxit robur fiduciae ejus. Civitatem fortium mundum dicit, qui quondam malignorum spirituum tyrannidi stulte subactus serviebat, habens fiduciam vitæ in cultu eorum qui non sunt dii, sed opera manuum hominum; hanc civitatem intravit ille natus in carne, qui est Dci virtus et Dei sapientia, destruxitque per suos prædicatores cultum deorum, in quibus suæ

confisi veritatis ignari, atque in fide cœlestium docuit habendam esse fiduciam, quæ nunquam posset destrui. Sed et quotidie civitatem fortium ascendit sapiens et destruit robur fiduciae ejus, cum aliquis fidelis doctor, argumenta philosophorum, vel hæretorum, vel etiam contumaces carnalium fratrum contradictiones, quibus sua scelera defendere et alleviare nituntur, assertione fidei et ecclesiastice castigationis disciplina redarguit, atque eviscerans annulat.

Testis mendax peribit : vir obediens loquitur victoriæ. Qui se Deo servire testatur, nec factis dicta exsequitur, peribit; qui autem fideliter ut promittit, jussis subditur divinis, hujus loquela ad victoriam pervenit : quia dum per inobedientiam sua desideria vincere satagit, per justitiam judicis postmodum victoriæ palmarum percipit.

Vir impius procaciter obfirmat vultum suum ; qui autem rectus est, corrigit viam suam. Judas quia impius corde erat, quamvis ipso Domino se redarguente, noluit mala coepta restringere; porro Petrus quia rectus erat corde, id est, rectitudinis amator, respiciente se Domino mox pœnitendo correxit, quod negando deliquit. Non est sapientia, non est prudentia, non est consilium contra Dominum. Quæcumque consiliantur et rapiunt hæretici, nihil est et vanum et inutile.

Equus paratur ad diem belli, Dominus autem salutem tribuit. Ilominis quidem est Deo devoti, tempore persecutionis animum preparare, corpus offerre discrimini. Sed divini est adjutorii, ut cœpio labori C *agonis Victoria salusque succedat.*

Melius est nomen bonum quam divitiæ multæ. Nomen bonum dicit, non quod a turbis vulgi impotiri, sed quod fidelium quamvis paucorum testimonio laudetur. Neque enim bonum habere nomen refugit, sed a bonis solum quærebatur laudari, qui ait : Si adhuc hominibus placet, Christi servus non essem. Nomen ergo bonum est nomen religionis quod divitiis mundialibus jure præfertur. Nam et si mundum quis lucraretur universum, merito hunc contemneret, tantum ut nomen ejus scriberetur in cœlo, ejusque memoria et inter angelos et inter homines sanctos figeretur æterna.

Super argentum et aurum gratia bona. Illam significat gratiam, cum quis pro bono opere laudatur a bonis. Immo pro collatis ei donis meritorum, glorificatur Pater qui in cœlis est. D

Dives et pauper obviaverunt sibi, utriusque operator est Dominus. Neque divitem propter divitiæ honores, neque inopia pauperem despicias, sed hoc in utroque merito venerare, quia opus sunt divinum, quia ad imaginem Dei et similitudinem facti.

Callidus videt malum et abscondit se, innocens pertransiit et afflictus est damno. Multi ex principibus crediderunt in Dominum. Sed propter Pharisæos non confitebantur ut de synagoga non ejicerentur. Quia enim erant callidi, videbant malum persecutionis, quod imminebat, et absconderunt fidem pietatis

A quam parumper conceperant. Innocentes vero Apostoli pertransierunt itinere recto professionis quo cœperant, et afflicti sunt verbere, vinculis, carcere, et ipsa etiam morte multati, utrumque autem exemplum, multi usque nunc et in certamine fidei, et in communibus sequuntur actibus. Hunc versum antiqui interpretes manifestius, sed in alium sensum transulerunt. Astutus videns nequam puniri, valde ipse disciplinam accipit. Insipientes autem prætereunt annulat.

Finis modestiæ timor Domini, divitiæ et gloria et vita. Modestiam dicit constantiam operum bonorum, timorem vero Domini illum, qui permanet in sæculum sæculi. Quia nimur perfectio virtutum est, ad hunc animi statum descendere, qua gratiam conditoris vel in modico timeamus offendere, nil prorsus ejus memorie præponentes, quæ alibi charitas vocatur perfecta, foras mittens timorem, servilem videlicet, et insipientem, quo metuit quisque ne forte peccando poenis mereatur subigi. Quod autem subjungit, divitiæ et gloria et vita, in futuro significat, finis ergo modestiæ timor Domini, divitiæ et gloria et vita. Quia nimur perfectio virtutum est in hac vita, ut timeamus Dominum timore sancto, hoc est sincera illum dilectione colamus, finis virtutum in futuro, ut divitiæ hæreditatis promissæ, regni cœlestis gloriæ, et vitam sine fine percipiamus a Domino. Unde Petrus ait. Quem cum videritis exsultabitis letitia inenarrabili et glorificata, reportantes finem fidei vestræ salutem animarum vestiarum.

Arma et gladii in via perversi custos animæ sue, longe recedit ab eis. Dupliciter intelligendum, quia perversi et armati sunt semper ad nocendum proximis, verbo vel opere scelestio, et ipsos semper parata exspectat ultio divini examinis. Qui vero animam suam in æternum salvare procurat, longe refugit ab hujusmodi armis et gladiis, quia et mente manumque suam, a proximorum lésione refrenat, et ne animadversione districti judicis ipse feriatur, intenta mente præcavet.

Proverbium est : Adolescens juxta viam ; etiam cum senuerit, non recedit ab ea. Constat plerosque senectute Domino donante mutari a vitiis, que adolescentes habuerant, et e contra nonnullos illo se deserente, deserere circa senium virtutes quibus in adolescentia videbantur illustrari, sed quia multo saepius quisque mores quibus ab adolescentia imbutus est, in reliquum vitæ tempus exequi consuevit, proverbium esse dicit, quia quod adolescens quisque cœperit, in senecta non mutaverit, non tamen ipse semper ita evenire confirmat : idcirco autem hujusmodi proverbium ponit, ut auditores suos a prima ætate virtutibus studere persuadeat, ne forte in senectute non possint discere studia, quibus in tenera ætate mancipari despicerant : nam et

*Quo semel est imbuta recens servabit odorem
Testa diu,*

et Græca narrat historia Alexandrum, potentissimum regem orbisque domitorem, et in moribus et

in incessu Leonidis pædagogi sui non potuisse carere A vitiis, quibus parvulus adhuc fuerat infectus.

Dives pauperibus imperat : et qui accipit mutuum, servus est fenerantis. Patet juxta litteram, sed et dicitur virtutibus in judicio occulti inspectoris principiantur eis, imo eorum in futuro judices existunt, qui virtutum divitiis carent. Et qui verbum salutaris doctrinae accipit a doctore, servus est ejusdem doctoris, id est, debitor implendi omnia que ille magisterii cœlestis jure præcipit.

Qui seminat iniquitatem metet mala. Certum est quia is qui vel verbo vel exemplo docet iniquitatem, recipiet vindictam. Sed quia sequitur :

Et virga iræ sue consummabitur, illam maxime iniquitatem videtur dicere quæ immitti et impia mente peragitur, ut est, latrocinia exercere, homines servitio premere, tormentis laniare, morte perimere, bovem viduæ pro pignore auferre, ipsam de adversario, cum possit, vindicare non velle : talis etenim merito virga iræ sue consummabitur, quia, sicut Dominus ait, omnes qui acceperint gladium gladio peribunt, id est, qui injuste in alios sœviunt, ipsa sœvitia sibimet interitum consciscunt, verum quia dixerat de impio sequitur e contra de pio :

Qui pronus est ad misericordiam, benedicitur : de panibus suis dedit pauperi. Huic simile est illud iudicis ejusdem, qui misericordes ab impiis discernens ait : Venite, benedicti Patris mei, possidete paratum regnum a constitutione mundi : quia esurivi, et dedistis mihi manducare, etc. Possunt autem panes qui pauperi dantur, non solum alimenti carnalis, sed etiam doctrinæ spiritualis, qua anima recreatur, intelligi.

CAPUT XXXII.

Ejice derisorem, et exhibe cum eo iugium, cessabuntque causæ et contumelias. Ejice haereticum, quem corrigere non potes, de Ecclesia ; et cum illi libertatem prædicandi abstuleris, catholice paci auxilium præstas.

Qui diligit cordis munditiam, propter gratiam labiorum suorum habebit amicum regem. Qui mundo corde recta prædicat inter illos annumerabitur, de quibus eidem regi et conditori sœculorum Propheta dicebat : Mihi autem nimis honorificati sunt ; nam si qui gratiam labiorum recta prædicando præmonstrat, cordis autem munditiam custodiire dissimulat, ne aquam talis æterni regis amicitia frui posse putandus est.

Oculi Domini custodiunt scientiam, et supplantantur verba iniqui. Superna inspectio custodit semper in Ecclesia scientiam veritatis quam docuit, verba autem haereticorum, immo omnis sermo pietati et justitiae contrarius, quia Domino regente non servatur, cum suo auctore subvertitur.

Dicit piger : Leo foris, in medio platearum occidendus sum. Dicit saepe in animo suo is, qui ad agenda bona opera piger est, ad confitendam fidem, quam corde tenet, timidus : Non audeo fidem, quam novi, foras profiteri, ne me persecutor impius, quia

fidelem odit, perimat : timeo ad exercendas virtutum actiones in publicum progredi, ne forte me vel antiqui hostis adversitas gravior tenet [Forte, tentet], vel etiam homo quilibet perversus cum suorum turbam derideat, conviciis confundat, injuriis afficiat, aut sicut multos justorum, quia ab ejus vita discordem, tormentis et morte consumat. *Leo, inquit, foris, in medio platearum occidendus sum, quod aperte est dicere, et verba et opera virtutum, ubi ostendi foras cœperint, statim persecutio vel spirituum committatur immundorum, nec valeo tentationibus resistere, sed in ipsis boni propositi vincar inceptis.*

Forea profunda os alienæ : cui iratus est Dominus incident in illam. Qui verba vel oscula meretricis libenter amplectitur, quasi januam jam gehennalis B pulsat abyssi, citoque mergetur si pedem cautus non retrahit, si non membra cætera a vicinia cohabet foræ poenalis, in quam nullus omnino nisi filius iræ illabitur.

Stultitia colligata est in corde pueri, et virga disciplinæ purgabit eam. Multos novimus pueros sapientia præditos : nam et Jeremias puer prophetæ mysterium suscepit ; et Daniel scribit quod dedit Deus pueris abstinentibus scientiam, et disciplinam in omni verbo et sapientia. Unde restat intelligere quia pueros hoc loco non aetate sed sensu parvulos significet, quales esse velabat Apostolus eos quibus ait : Nolite pueri effici sensibus, sed malitia parvuli estote (I Cor. xiv). Hujusmodi enim pueros, id est, animos stultitiae vel lasciviae vel inertiae deditos necesse est juvenili disciplina castigari, et ad justum vitæ trahimenter prudentum rigore perduci.

Qui calumniantur pauperem ut augeat divitias suas, dubit ipse diutori et egebit. Constat quia rapaces et quæ pauperibus auferunt, et quæ juste videbantur possidere, pariter omnia perdunt, cum in examine districti iudicis poenas pro his quæ gessere recipiunt. Sed et is qui pauperem spiritu fratrem calumniatur, virtutibus ejus detrahendo, ut per hujusmodi vituperationem animose divitias, quas desiderat augeat, id est, gloriam laudis humanæ majorem, quasi sanctior accipiat, merito talis calumniator quidquid bonæ actionis babere videbatur, amittit et a fructu virtutum vacuus in fine manebit.

*D*Huc usque pertingit titulus *Parabolæ Salomonis* qui supra positus est. Ex quo novum locutionis genus probatur assumpsisse, ut ea quæ dicentur non quasi ad aliud quem doceret loquendo, sed velut secum solus ratiocinando videatur effari. Quare videbile est Parabolæ primus est versiculus : *Filius sapiens lætitificat patrem, filius vero stultus mæstitia est matris sue ; ultimus iste ad quem usque explanando pervenimus.* Hinc ad priorem loquendi modum revertitur ut specialiter ad eum quenque instruet verbum faciat, quod ita incipit :

Inclina aurem tuam et audi verba sapientum : appone autem cor tuum ad doctrinam meam. Polchrumque initium ponit novæ locutionis. Ut aurem pariter ad audiendum et cor apponere ad intelligendum que-

sapienter loquantur, eum quem erudit jubeat : *Quæ A* hunc in die novissimi examinis coram apostolis, qui cum Christo mundum judicaturi sedebunt, esse statutum, quia videlicet eorum jussa servaverit, neque in parte ignobilium doctorum quorum cavefecit errorum : hoc est, ad sinistram judicis esse ponendum.

Potest de quolibet paupere vel ego accipi, de quo dictum : *Tibi enim derelictus est pauper, pupillo tu eris adjutor* : verum quia sequitur :

Et configet eos qui confixerint animam ejus, melius de illo intelligitur, qui cum dives esset, pauper factus est pro nobis, nec solum pauperari ut nos ditaret, sed etiam, ut nos redimeret, crucifigi dignatus est. Prolibet ergo sapientia suos auditores, Domino in carne prædicanti violentiam mortemque inferre, quia nimis certus restet interitus eis, qui in auctore vita manus mittere non timuerint.

Noli esse amicus homini iracundo, neque ambules cum viro furioso, ne forte discas semitas ejus, et sumas scandalum animæ tuae. Et hæc cum de omni iracundo vel furioso possint generaliter accipi, nil tamen prohibet specialiter accipi de illis, qui contra salvatorem et discipulos ejus vesana mente surebant, a quorum amicitia et comitatu prohibentur, quicunque in eum credentes curam suæ salutis agebant, ne ex vicinia pravorum etiam ipsi perirent : quod Judæ Iscariotis casu fieri posse probatum est. Generaliter autem dicendum, quia sicut perfecti viri perversos proximos non debent fugere, quia illos sœpe ad rectitudinem trahunt, et ipsi ad perversitatem nunquam trahuntur, ita infirmi quique societatem debent declinare pravorum, ne mala, quæ frequenter aspiciunt et corriger non valent, etiam delectentur imitari.

Noli esse cum his qui defigunt manus suas, et quades se offerunt pro debitibus, si enim non habet unde restituat, quid causæ est ut tollat operimentum de cibili tuo. Noli esse cum his qui se cum essent liberi absibimet vacantes defigunt in cura salutis malorum, spondentes se rationem pro eorum animabus Domino reddituros : si enim ille, pro quo spondisti non habet bona opera, quibus te librum ac securum reddat, tuæ sponsionis, quid tibi utile est, ut ipse in die judicii pro ejus anima judiceris ? amittasque habitum justitiae quo indutus esse videbaris, ac nudus ab ornamento virtutum existere comproberis, quia quod Dominus teste pollicitus es, implere nequiveras. Hoc autem dictum est, non quo curam regendarum animarum, cum tibi regulariter imposta fuerit, suscipere non debeas, sed ne passim nullo jubente doctoris tibi ac præsulis officium temerarius usurpes.

Ne transgrediaris terminos antiquos quos posuerunt patres tui. Ne transgrediaris terminos fidei, quos catholici ab initio statuere doctores.

Vidisti virum relocem in opere suo, coram regibus stabit, nec erit ante ignobiles. Quemque velocem videris in opere suo, id est, in opere bono, quod ejus erat facere, strenuum atque sollicitum, scito

** Lacunam hanc ex scripto exemplari supplere non potuimus; quod que in altero latere scripta erant alterius scripturam obscurarent.*

A hunc in die novissimi examinis coram apostolis, qui cum Christo mundum judicaturi sedebunt, esse statutum, quia videlicet eorum jussa servaverit, neque in parte ignobilium doctorum quorum cavefecit errorum : hoc est, ad sinistram judicis esse ponendum.

CAPUT XXIII.

Quando sederis ut comedas cum principe, diligenter attende quæ posita sint ad faciem tuam, et statue cultrum in gutture tuo, si tamen habes in potestate animam tuam. Per allegoriam cuncta dicuntur. Quando sederis ad legendum cum magistro, ut pane verbi reficiaris, diligenter intellige quæ scripta sunt et discretionem sacræ lectionis in tua locutione conserva ; si tamen talis es, tantumque eruditus, qui in potestate habeas animam tuam, nec quasi inductus mente tua circumferaris omni vento doctrinæ. Cultur namque pro loqua posuit, quia vox in gutture est, cultum pro discretione, quia cibos cum reficiuntur cultro secante præparamamus : et sedens ut comedat cultrum in gutture suo statuit, quando is, qui divina sedulus meditatur, eloquio discreta ex ore verba depromit, nec alia sœpius in lingua quam cœlestis oraculi dicta revolvit. Hoc autem ejus est facere, qui in potestate habet animam suam, id est immobilem inter errores fallentium sapientium sapientis animi statum servare didicit, unde et recte subjungit :

Ne desideres de cibis ejus, in quo est panis mendacii. Quod est aperte dicere, ne desideres ejus auscultare sermonibus, qui dulcedine mendaciorum dogmatum auditores suos fallere consuevit.

Noli laborare ut diteris. Divitias scientiæ significat, quas ultra mensuram capacitatis nostræ quæcere prohibemur.

*Sed prudentiæ tuae pone modum. Illum videlicet de quo supra dictum est : *Ne transgrediaris terminos antiquos, quos posuerunt patres tui*, hoc est, terminos datae a patribus veritatis et fidei.*

Ne erigas oculos tuos ad opes quas habere non potes, quia facient sibi pennas, quasi aquilæ, et volabunt in cælum. Ne erigas mentem tuam ad perscrutanda divinitatis arcana quæ penetrare non potes, hæc enim cœlestibus solum civibus patent.

D *Ne comedas cum homine inido, et ne desideres cibos ejus, quoniam in similitudinem arioli et conjectoris estimat quod ignorat. Ne de Scripturis cum heretico loquaris, qui invidet humanae saluti, malens decipere quam corrigi, quoniam sicut ariolus et conjector somniorum estimat quod ignorat, ita hereticus, qui non intelligit, in Scripturis prout libet interpretari præsumit.*

Comede et bibe, dicit tibi, et mens ejus non est tecum. Securus, inquit, disce et age, quæ doceo, cum ipse his quæ docet fidem certam non habeat, sciens se de corde suo fixisse, quæ doceret.

Cibos quos comederas evomes et perdes pulchros ser-
Digitized by Google

mones tuos. Sensus perversos quos ab hæreticis di-
diceras, necesse est ut vel per poenitentiam corri-
gendas deseras, vel post mortem pro his p̄ nas luere
cogaris, perdasque sermones confessionis, quibus
eis prædicantibus humiliter favendum esse putave-
ras.

*In auribus insipientium ne loquaris, quia despi-
cient doctrinam eloquii tui.* Huic simile est illud
Evangelii : *Nolite dare sanctum canibus neque mittatis margaritas vestras ante porcos, etc.* (*Math. vii.*) Si ergo supra admonuit, ne hæreticorum doctrinis auscultares, ita nunc hortatur ne amore vanæ glo-
riæ seductus, immundis hominibus passim arcana
veritatis ingeras.

*Ne attinges terminos particulorum, et agrum pupili-
torum ne introeas : propinquus enim eorum fortis est.* *Et ipse judicabit contra te causam illorum.* Propinquum parvolorum et pupillorum Dominum appellat, quia cum esset in carne, pauperum magis quam di-
vitum cōsors fieri dignatus est. Alioquin idem Do-
minus est omnium, dives in omnes, qui invocant illum. Possunt autem congruenter parvolorum ac
pupillorum nomine illi designari, de quibus Dominus ait : *Videte ne contemnatis unum de pupillis istis, qui in me credunt. Dico enim vobis quia angeli eorum in cælis semper vident faciem Patris mei, qui in cælis est.* *Quorum agros et terminos qui attigerit, hoc est, qui conversationem eorum bonam inquietando læserit,* *judicium Domini non evadit.*

*Non armuletur cor tuum peccatores, sed in timore
Domini esto tota die, quia habebis spem in novissimo,
et præstolatio tua non auferetur.* Si tota die, id est,
toto tempore quo in sæculi hujus luce consistis, et
peccatorum exempla vitare, et Dominum timere sa-
tegeris, habetis spem beatæ retributionis in novis-
simō. Hoc est, cum ad hujus vitæ finem perveneris,
ipso etiam attestante, qui ait, *Esto fidelis usque ad
mortem, et dabo tibi coronam vitæ.*

*Noli esse in convivis peccatorum, neque in comes-
sationibus eorum qui carnes ad vescendum conferunt.* Carnes ad vescendum conferre est in collocutione
derogationis vicissim proximorum vita [*Forte, vitia*] dicere, de quorum poena mox subditur :

*Quia vacantes potibus, et dantes symbola, consu-
mentur, et restiuerit pannis dormitatio.* Symbolum
Grecum nomen est et interpretatur collatio, est au-
tem collatio sermonum, sicut in consiliis solet, est
et pecuniarum, sive aliarum rerum, ut et præsens
locus docet. Potibus ergo vacant, qui de opprobrio
alienæ vitæ se inebriant. Symbolum vero dare est,
sicut unusquisque solet pro parte sua cibos ad ve-
scendum, ita in confabulatione detractationis verba
conferre, sed vacantes potibus et dantes symbola
consumentur, quia sicut scriptum est : *Omnis detrac-
tator eradicabitur.* Vestitur autem pannis dormita-
tio, quia despectum et inopem a cunctis bonis ope-
ribus mors sua inveniet, quem hic ad alienæ vitæ
exquirenda crimina detractationis suæ languor occu-
pavit.

A *Gaudeat pater tuus, et mater tua exsultet, qui ge-
nuit te.* Gaudeat Deus Pater de tua justitia, gaudeat
et Ecclesia mater, sed et sacerdos qui te per gratiam
baptismi regeneravit, quique te eruditus a parvulo,
de tuis bonis gratuletur operibus.

Cui vœ? cuius patri vœ? Quæritur disputando qui-
bus hominum sceleribus maxima a Domino poena
servetur? et respondet ipse ratiocinando, quia his
absque omni dubietate, qui per ebriositatem devol-
vuntur ad luxuriam. *Cui, inquit, vœ? cuius patri vœ?*
vœ æternum interitum nominat, quo Dominus : Vœ,
inquit, *homini illi per quem scandalum renit* (*Math.
xviii.*). Patrem autem ejus cui vœ immincat, vel ho-
minem dicit a quo exempla pravi operis foris quis-
que ut peccaret accepit, vel certe diabolum, qui intus
B in corde virus pestiferæ suggestionis infudit; de quo
Iudeis dictum est : *Vos ex patre diabolo estis, et de-
sideria patris vestri facere vultis.*

Cui rixæ? cui sovæ? Rixæ, quia concordiam ser-
vare pacis nescit, quem ebrietas sensus impotens
reddidit : sovæ, quia passim in volutabra vitiorum
omnium cadere non trepidat, qui inter bona malaque
discernere quasi mente captus ignorat, illam sepi-
sime soveam ebriosus incidit, de qua præfatum est :
*Fovea enim profunda est meretrix, et puteus angustus
aliena* (*Prov. xxiii.*)

Cui sine causa vulnera? cui suffusio oculorum
Vulnera sine causa, quia multi vino ultra modum
implete, vulnera per tumorem in membris acce-
punt, quæ nulla fere causa pertulerunt; suffusio oen-
lorum, quia immoderatus vini haustus et caliginem
plurimis visus corporalis et cæcitatem genuit sensus
interioris.

*Nonne his qui morantur in vino et student calicibus
epotandis?* Non vetat bibere vinum ad necessitatem,
sed morari ultra tempus et utilitatem in vino et eva-
cuandis alterutrum certare calicibus, juxta illud
Isaiae : *Vœ qui potentes estis ad bibendum vinum, et
viri fortes ad miscendam ebrietatem* (*Isa. v.*)

*Oculi tui videbunt extraneus, et cor tuum loquetur
perversa.* Consuetum et pene naturale est vitium post
ebrietatis venena diffusa in corde mulierum sequi:
concupiscentiam, comitante etiam pravitate ac tur-
pitudine verborum.

D *Et eris sicut dormiens in medio mari, et quasi so-
pitus gubernator amiso clavo.* In medio mari dormit,
qui in hujus mundi tentationibus positus providere
motus irruentium vitiorum quasi imminentes undarum
cumulos neglit, et quasi sopitus gubernator
clavum amittit, quando mens ad regendam navem
corporis studium sollicitudinis perdit.

*Et dices : Verberaverunt me, sed non dolui; traxe-
runt me, et ego non sensi : quando evigilabo et rursus
vina reperiam.* Vox percussi et dormientis exprimitur,
mens quippe a cura sollicitudinis dormiens verbera-
tur et non dolet, quia sicut imminentia mala non
prospicit, sic nec quæ perpetraverit agnoscit. Tra-
hitur et nequaquam sentit, quia per illecebros vitio-
rum ducitur, nec tamen ad sui custodiam suscitatur,

quæ qui lem evigilare optat, ut rursum vina reperiat: A sus spiritalis aliquanto cum labore vel mora percipitur.

Ne insidieris et quæras impietatem in domo iusti, neque vastes requiem ejus. Ne quæras aliquam occasionem per quam deroges homini justo, ille enim si ceciderit, cito amovet pedem suum, et caret vitio, quod non iteratur in facto. Impii autem sic corrunt, ut ulterius non redeant. Sicut subsequenter addidit dicens:

Septies enim cadit justus et resurgit, impii autem corrunt in malum. Quomodo autem justus appellatur qui cadere, id est peccare, memoratur, nisi quia de levibus quotidianisque loquitur peccatis, sine quibus nec justorum quispiam esse in hac vita potuit, quia nimirum per ignorantiam, per oblivionem, per cogitationem, per sermonem, per subreptionem, per necessitatem, per fragilitatem carnis singulis diebus vel inviti et volentes frequenter reatum incurrimus, et tamen resurgit justus, videlicet quia justus est, nec injustitia ejus prajudicat lapsus fragilitatis humanae, unde bene cum de justi casu loqueretur, non addidit in malum: quia etsi malum est quod cadunt, ne tamen in malo quod inciderant hærere possint citius resurgendo procurant. Aut contra de reprobis. Impii autem, inquit, corrunt in malum, quia videbilec impii cum ceciderint, et quod est gravius corrurint, ut Scriptura dicit, id est cum capitalia crimina perpetrarint, ita suo casui delectando consentiant, ut ab hoc pœnitendo relevari despiciant.

Cum ceciderit inimicus tuus, ne gaudeas, et in ruina ejus ne exsultet cor tuum, ne forte videat Dominus et displiceat ei, et auferat ab eo iram suam. Supra iusto insidias tendere vetuit, nunc autem ut te perfectum reddat in omnibus, etiam inimicis, cum peccaverint, aut aliquid adversitatis incurrerint, insultare prohibet, ne forte si miserante Domino ad pœnitentiam salutemque animæ redierint, ac tecum sidelem amicitiam habere cœperint, tunc erubescas, quia illos aliquando despiceris, quos gratia divina ad vitam servaverat, sed quantum potes jacentibus condole, eosque ut resurgere debeant adjuva, et si votum conatumque suum sequitur effectus, gaudebis de sano, quem male habentem dolueras, sin alias tuæ tamen benevolentia apud Dominum fructu non carabis, et certe ita dicendum, ne gaudeas de casu inimici, ne forte Dominus superbiam tuam, quæ illi absque dubio displiceret hoc ordine dejiciens humiliet ut te cadente in peccatum ille resipiscens sanetur.

D Cum erue eos qui ducuntur ad mortem, et qui trahuntur ad interitum liberare ne cesses. Potest mystice accipi, erue eos qui ab hæreticis decipiuntur, rectam fidem prædicando, libera bonorum operum exempla monstrando eos, qui a male viventibus catholicis trahuntur ad interitum, sed et si quos in certamine persecutionis lapsos vel lapsuros aspexeris, sollicita hos exhortatione ad vitam restaurare satage; si quos fame perituros, si quos algore videris, illis dato vietu ac vestitu recrea.

Comede, fili, mel, quia bonum est, et favum dulcissimum gulturi tuo: sic et doctrina sapientie anime tuae. Patet facilime, quare doctrinam sapientiae mellis comparet et favo, quia nimirum sicut illa cibis, ita haec doctrinis ceteris dulcedine prestat, sed hoc inter utriusque significantiam distat. Quia mel quod in promptu est ad comedendum moralem litteræ superficiem insinuat, favus autem in quo mel de cera exprimitur, allegoricam locutionem figurate denuntiat, ubi subiecto litteræ velamine suavitas sen-

Et cum detractoribus ne commiscearis. Illis videlicet qui dicentes se Deum Patrem nosse, Filium Dei in carne apparentem noluerunt recipere.

adversa, quæ tibi pro peccatis irrogantur, pertuleris, A humiliique satisfactione duritiam domueris contumaciae prioris.

Mel invenisti, comedere quod sufficit tibi, ne forte saturatus evomas illud. Dulcedinem invenisti cœlestem intellectus quæ spiritualium patrum officio quasi prudentissimarum apium tibi labore ministrata est, vide ergo ne in ea plus sapere appetas quam oportet sapere, ne dum summa intelligere ultra vires quæreris, etiam quæ bene intellexeras amittas: potest autem in hoc versiculo typice dictum intelligi, quod in sequenti subjicitur:

Subtrahere pedem tuum de domo proximi tui, ne quando satiates oderit te. Etsi enim proximi cuiuslibet allocutionem vel visitationem melle dulciorum invenis, melius tamen est ut rarius veniendo facias eum semper tuum diligere adventum, quam ut vel una vice tamdiu cum illo maneas, vel toties ad eum venias, donec te videre fastidiat et ne redeas, querat.

Dens putridus, et pes lassus, qui sperat super infideli in die angustiæ, et amittit pallium in die frigoris. Et Jeremias ait: Maledictus qui spem suam ponit in homine, et ponit carnem brachium suum. Qui recte denti putrido et pedi lasso comparatur, quia qui illud unicum hominibus bonum, hoc est, adhærere Deo, ponere in Domino Deo spem suam nescit, iste nec vitæ percipere cibum, nec ad mansionem potest desideratæ salutis pertingere, et talis amittit pallium in die frigoris, quia etsi in serenitate vitæ præsentis habitu religionis videtur indutus, ubi tamen districtio justi judicij ingruerit nudus omnimodis ab ornato justitiae parebit, nec eorum consortio dignus, de quibus scriptum est: Beatus qui vigilat et custodit vestimenta sua, ne nudus ambulet et videant turpitudinem ejus (Apoc. xvi).

Acetum in nitro, qui cantat carmina cordi pessimo. Nitrum a Nitria provincia, ubi maxime nasci solet, nomen accipit, nec multum a salis Ammoniaci specie distat. Nam sicut salem in littore maris fervor conficit solis, durando in petram aquas marinas quas major vis ventorum, vel ipsius maris fervor, in littora ulteriora projecterit; ita in Nitria, ubi aestate pluviae prolixiores tellurem infundunt, adurit ardor sideris tantus, qui ipsas aquas pluviales per latitudinem arenarum concoquat in petram, sali quidem vel glaciei aspectu simillimam, sed nil gelidi rigoris, nil falsi saporis habentem; quæ tamen, juxta naturam salis in cauatae durare, at in nubiloso aere fluere ac liquefieri solet: banc indigenæ sumentes servant, et ubi opus extiterit pro jumento utuntur. Unde Judeæ peccanti dicit propheta: Si laveris te nitro, et multiplicaveris tibi herbam borith, maculata es in iniuitate tua, dicit Dominus Deus. Crepitat autem in aqua quomodo calx viva, et ipsa quidem disperit; sed aquam lavationi habilem reddit. Cujus natura cui sit apta figura cernens Salomon, ait: Acetum in nitro, et qui cantat carmina cordi pessimo; acetum quippe si mittatur in nitrum, fervescit nitrum pro-

tinus et ebullit: et perversa mens quando per incrementum corripitur aut per prædicationis dulcedinem bona suadetur, de correptione fit deterior, et inde in murmurationis iniuitatem succenditur unde debuit ab iniuitate compesci.

Si esuriveris inimicus tuus, ciba illum, si sickeris, da illi aquam bibere. Et de corporalibus alimentis, et de spiritualibus potest intelligi.

Prunas enim congregabis super caput ejus, et Dominus reddet tibi. Non de incendiis pœnarum dicit, neque enim doceret te sapientia ut bona inimico perditionis ejus causa ministrares, sed prunas super caput ejus, ardorem charitatis in corde ejus significat, fit enim nonnunquam ut inimicus crebris victus beneficiis odiorum rigore mollito calorem in mente charitatis excipiat, ac de inimico amicus fieri, et eum quem injuste oderat, juste redamare incipiat.

Ventus aquilo dissipat plurimas, et facies tristis lingam detrahentem. Si hilari vultu audieris detrahentem, tu illi das somitem detrahendi; si vero tristis vultu hac audias, ut dixit quidam vir Dei, discit non libenter dicere, quod didicerit non libenter audiri.

Melius est sedere in angulo domatis quam cum muliere litigiosa in domo communi. Domatis et excelsus et secretus est locus, quod enim doma Græce, Latine dicitur tectum, denique in Actibus apostolorum ubi Petrus in superiora ad orandum ascendit, pro superioribus in Græco doma scriptum est, melius est ergo in altitudine virtutum manere quempiam liberum a vinculis uxoreis, et a sæculi hujus secretum desideriis, quam cum carnalis usu voluptatis quotidianis nefaræ mulieris contumeliis affici.

Aqua frigida anime sienti, et nuntius bonus de terra longinqua. Dicit Psalmista: Sicut cervus desiderat ad fontes aquarum, ita desiderat anima mea ad te, Deus. Aqua ergo frigida quæ sientis ardorem restringat, et nuntius qui de longe veniens nova quælibet et inopinata gaudia portet assimilantur. Quia et dulcedo divine visionis animam diu desiderantem consolatur, atque ab æstu præsentium tribulationum liberam reddit, et angeli quotidie de terra longinqua, hoc est, de superna patria descendentes in mundum, justos vel inter tentationes spe celestium roborant vel finitis tentationum certaminibus ad palmam perpetuae retributionis inducunt.

Fons turbatus pede, et vena corrupta, justus cadens coram impio. Fons et vena vitæ est os et lingua justi, qui meditabitur sapientiam et loquetur judicium, et si hunc a diabolo superari atque in casum redigi contigerit, merito fons turbatus adversario concutante et vena dicitur esse corrupta. Evenit enim sæpe, ut qui majori scientia prædicti fulgebant, ad ultimum plus volentes sapere, quam fragilitati humanæ concessum est, in insipientia foveam decidere, unde consequenter adjungitur:

Sicut qui mel comedit multum, non est ei bonum; sic qui scrutator est majestatis, opprimetur a gloria. Dulcedo eam mellis si plusquam necesse est, su-

mitur, unde delectat os inde vita comedentis necatur, dulcis quippe est requisitio maiestatis, sed qui plus hanc scrutari appetit, quam humanitatis agnitione permittit, ipsa hunc ejus gloria premet: quia velut mel sumptum immoderate perscrutantis sensum dum nox capitum rumpit. Non hoc autem solum quisque sapiens attendere debet, ne altiora se querat, et ne fortiora se scrutatus sit, verum etiam ne ea quae recte utiliter scire potuit, immoderatis sermonibus sibimet minus utilia reddat, unde adhuc apte subnectitur:

Sicut urbs patens et absque murorum ambitu, ita vir qui non potest in loquendo cohibere spiritum suum. Sicut enim murum silentii non habet, patet inimici jaculis civitas mentis, et cum se per verba extra semetipsum ejicit, apertam se adversario ostendit, quam tanto ille sine labore superat, quanto et ipsa quae vincitur contra semetipsam per multiloquium pugnat.

CAPUT XXVI.

Quomodo nix inestate et pluviae in messe, sic indecens est stulto gloria. Et hic versicolor ne indoctis honor docendi committatur præmonet, nix namque inestate, et pluviae sunt in messe persecutions infidelium, in tempore prædicationis Evangelicæ, quæ dum graviores forte insistunt et calorem in multis impediunt dilectionis, et fruges bene operationis fœdant. Quibus recte gloria, quæ stulto confertur, esse similis asseveratur, quia si indocto cathedra docendi tribuitur æque per hoc Ecclesia ut infideliū persecutione leditur, quod esse verissimum Arianæ tempestatis calamitas probavit.

*Sicut avis ad alia transvolans, et passer quolibet vadens, sic meledictum frustra prolatum in quempiam superveniet. Verba quidem recte avibus comparantur, quia sanando per aera transvolant ab ore videlicet loquentis ad aures usque audientis, sed distant in eo, quia potest fieri, ut avis quolibet volans eo loci residat, ubi nil ei certæ necessitatis aut utilitatis suppetat, verba autem quæ loquimur non quolibet dispersa in ventum diffundunt atque evanescunt, sed in auctorem suum cuncta revertuntur, et vel bene prolatæ juvant loquentem, vel male edita gravant, ita ut pro omni etiam otioso verbo rationem in die iudicii reddere cogamur, quanto autem magis maledicta, non solum ea quæ malitiosa mente in insolentem jaculantur, verum etiam illa, quæ stulta negligentiun consuetudine passim in quoslibet proferuntur, non aliud sed ipsum [maledicuum] opprimunt, neque enim maledici regnum Dei possidebunt. Non autem sine causa dicit, meledictum frustra prolatum, quia est et meledictum non frustra prolatum, sed justitia divinæ districcionis ira in impios emissum, ut est illud divi Petri in Simonem Magum: *Pecunia tua tecum sit in perditionem* (Act. viii). Et ea quæ in apostolas hæreticos Ecclesiastica animadversione proferuntur anathemata. De quibus Dominus eidem Ecclesiæ dicit: *Quæcumque alligaveris super terram, erunt ligata et in cælis.**

Ne responderes stulto juxta stultitiam suam, ne effi-

*ciaris ei similis. Responde stulto juxta stultitiam suam, ne sibi sapiens esse videatur. Non hæc invicem sibi met contraria debent videri, non respondere stulto juxta stultitiam ejus, et respondere stulto juxta stultitiam ejus, utrumque enim pro temporum et personarum diversitate concordat, dum et stultus contemnitur, quia non recipit sapientiam, et stulta superbia alia decutitur stultitia, juxta quod et Apostolus dicit: *Factus sum insipiens, vos me caegistis* (II Cor. xii).*

B Claudius pedibus, et iniuitatem bibens, qui mittit verba per nuntium stultum. Potest forte evenire ut sapiens quilibet stultum in legationem mittat, ne sciens quia stultus est, nec tamen ipse sapientia sua gloriā perdat, in eo quod de ignoto bonum quod audierat creditit. Claudus est pedibus et iniuitatem bibens, quia et operis boni foris incessum amisit, et interiora sui sensus haustu stultitiae inebriat.

C Sicut qui mittit lapidem in acervum Mercurii, ita qui tribuit insipienti honorem. Qui insipienti, id est, hæretico honorem docendi confert, non minus delinquit, quam qui deos ac delubra gentium cultu venerantur iaani.

Quomodo si spina nascatur in manu temulent, sic parabola in ore stultorum. Spina in manu nascitur temulent, cum in operibus ejus qui carnalibus servit illecebris punctuationes oriuntur scelerum, quibus recte parabola, quam stultus proponit assimilatur. Quia etsi verba prudentiae stultus dicere novit, in his tamen vitiorum punctuationes, quibus vel seipsum, vel proximum laceret, vitare non novit; sepe namque doctor imprudens in eo quod bona dicit, aut suam occulæ laudem ab hominibus aut vituperationem querit aliorum.

D Sicut canis qui revertitur ad romitum suum, sic imprudens qui iterat stultitiam suam. Canis cum vomit profecto cibum qui pectus deprimebat, jecit; sed cum ad vomitum revertitur unde levigatus fuerat, rursus oneratur, et qui amissa plangunt, profecto nequitiam de qua male satiati fuerant, et quæ mentis intima deprimebat, confitendo projiciunt, quam post confessionem dum appetunt resumunt.

*Vidisti hominem sapientem sibi videri, magis illo spem habebit insipientis. Illoc exponens Dominus ait: *In iudicium ego in hunc mundum veni, ut qui non vident videant, et qui vident cæci fiant* (Joan. ix). Dicit piger: *Leana in via, leo in itineribus. Sicut ostium vertitur in cardine suo, ita piger in lecto suo.* Multi cum verbum exhortationis audiunt causantur de diabolo, dicentes, velle quidem se viam justitiae incipere, sed impediri a Satana, ne hanc perfidere possint, sive hujusmodi excusationis sermonibus semper in lecto sui torporis sicut ostium in cardine vertuntur, et modo exire ad operandum, modo ad quiescendum redire proponentes, in suis jacere pravitatibus nunquam desistunt.*

E Sapientior sibi piger videatur septem viris loquenteribus sententias. Septem viros loquenteribus illi-

los dicit, qui septiformi spiritus gratia pleni sacræ Scripturæ nobis scientiam ministraverunt, quibus se sapientiorem stultus arbitratur, quia sœpe nonnulli adeo mente ab agendis his quæ Dominus præcipit desipientes avertunt, ut ne hæc quidem omnia vel posse ab homine, vel debere impleri contendant, et quasi sapientiores his, qui divina eloquia scripserunt, ea hominem facere non posse autoruant, quæ illi dictante Spiritu sancto hominem facere jussérunt, imo etiam quæ multos homines juvante Spiritus ejusdem gratia perfecisse monstrarunt.

Sicut qui apprehendit auribus canem, sic qui transit et impatiens consumiscetur rixæ alterius. Dicit Apostolus : *Noli verbis contendere, ad nihil est utile nisi ad subversionem audientium* (II Tim. 11). Qui- cunque ergo simplex est sensu et duobus inter se jurgantibus mordaci sermone capta fuerit auricula ejus, cito incipit et ipse quasi canis latrare et contentiones generare, sed hoc sapiens omnino modi vitat.

Verba susurronis quasi simplicia, et ipsa perenniant ad interiora ventris. Susurronem incentorem litis et bilinguem appellat, qui simulat laudem verborum, et querit audire, unde jurgia seminet.

CAPUT XXVII.

Ne glorieris in crastinum, ignorans quid supervenient parai dies. Ne securus sis aliquando de futuro tempore, quia etsi hodie te Domino servire conspicis, qualis esse in futurum possis, quomodo vitam finire prorsus prævidere non vales. Beatus enim homo qui semper est pavidus.

Grave est saxum, et onerosa arena, sed ira stulti utroque gravior. Grave quidem satis est quemque vel uno aliquo crimine capitali quasi pondere saxi reprimi, vel quasi granis arene innumeris peccatis levioribus onerari, sed utroque gravior ira est stulti, quia nimirum hæc quo certius quam sint mala patecent, eo acrius animum ut castigentur compunctiones, ira vero quia non corporale, sed spiritale est vitium, quo minus deprehenditur, eo amplius gravat, unde non absolute iram, sed iram stulti dicit, saxe et arena graviorem, nam sapientes quomodo actus suos ac sermones, ita mentis quoque motus solerter examinare et castigare satagent.

Ira non habet misericordiam, nec erumpens furor et impetum concitat ferre quis poterit? Non de omni ira dicit. Nam de mitissimo ac modesto viro scriptum est, quia exiit a Pharaone iratus nimis (Exod. xi), sed ira stulti, cuius in priore versiculo meminerat, quæ ubi excanduerit mox viscera pietatis amittit et furoritatum suo novit frena laxare. Alioquin de utili ac necessaria ira dictum est, melior est ira risu, quia per tristitiam vultus corrigitur animus delinquentis.

Melior est manifesta correptione quam amor absconditus. Amorem absconditum hoc loco amore di-

A cit illicitum, ut est amor adulterinus qui ob sui turpitudinem merito sapientibus ne redarguatur absconditur. Cui jure manifesta correptione præfertur, quia absque ulla contradictione melius est quempiam desiderio corrigiendi fianculo diligere.

Meliora sunt vulnera diligentis, quam fraudulenta odientis oscula. Melius est a Domino, qui nos ut filios pater erudire consuevit vulnera afflictionum perpeti, quam diaboli blandimentis decipi, qui ut nos cœlesti bæreditate privet, nostris favere solet erratis, quasi leve sit malum, quod agimus, et ultra modum peccatorum nostrorum sœviens tribulatio quam Domino dispensante toleramus.

Anima saturata calcabit savum, et anima esuriens etiam amarum pro dulce sumet. Anima divitum qui habent consolationem suam et quibus dicitur a Domino : *Væ robis qui saturati estis, quia esuriatis* (Luc. vi), spernit auditam ecclesiæ regni dulcedinem; anima autem eorum, qui esuriunt et sitiunt justitiam, etiam adversa sæculi pro Domino imo ipsam mortem perpeti dulce habet, sciens se per poculum amaritudinis ad gaudia perpetuæ salutis esse venturam.

Sicut avis transmigrans de nido suo, sic vir qui relinquit locum suum. Sicut avis quæ nidum suum negligit, ova sive pullos quos soverat aliarum avium vel animantium raptui dimittit, sic nimirum ille, qui custodiam virtutum in quibus proficiebat deserit, earumdem virtutum quas babere videbatur immensis spiritibus ipse proditor existit, unde alias dicit : *Si spiritus potestatem habentis ascenderit super te, locum tuum ne dimiseris,* quod est aperte dicere : Si principis mundi, id est diaboli, tentatio tibi forte institerit, caveto sollicitus ne a bona operatione cui insudabas desistas.

Melior est vicinus justa, quam frater procul. Melior tibi est vicinus aliquis, qui tibi animum fraternali societate connectit, quam germanus frater, qui iura fidei et pietatis communia tecum habere neglexit : quod Dominus in parabola vulnerati a latronibus ejus qui descendebat ab Hierusalem in Iericho, et Samaritani qui curam egit illius manifeste probavit.

Qui benedicit proximo suo, voce grandi de nocte conurgens maledicenti similis est. Voce grandi proximo benedicit, qui cum favore superfluo laudis extollit, vel malis videlicet actibus ejus contra justitiam favendo, vel bona plus justo laudando, sed hic maledicenti assimilatur, quia plurimum laedit eum, cui laudando sive in mala actione confidentia tribuit, seu in opere recto simplicitatem puri cordis minuit, ut videlicet bonum quod supernæ mercedis intuitu inchoarat transitoriae laudis amore cœsummet.

Ferrum ferro acutitur, et homo exacuet faciem amici sui. Satis bona est consolatio et consilium sopicatum, qui ubique se invicem consolando instruant, *Ferrum ferro acutitur.* Infernus et perditio non te-

plebuntur, similiter et oculi hominum insatiabiles; inferni tormenta non replebuntur terminum accipiendo, similiter et intentiones qua humana rapiunt, insatiabiles sunt in desiderio peccandi, qui et ideo sine fine poenas luunt, quia voluntatem habuerunt sine fine peccandi, si naturam haberent sine fine vivendi. *Diligenter agnosce vultum pecoris tui tuosque greges considera.*

Non enim habebis jugiter potestatem, sed corona tribuetur in generatione generationum. Pastori dicitur Ecclesiae. Diligenter adhibe curam eis quibus te præesse contigerit, agnosce animos actusque singulorum, et si quid in eis vitii sordidantis inveneris, citius castigare memento, non enim tu semper oves Dominicæ pascendi potestatem habebis, sed æterna est corona, quam percipies, si commissum tibi gradum tuo tempore bene ministraveris.

Aperta sunt prata et apparuerunt herbae virentes, et collecta sunt sena de montibus. Aperta sunt modo pascua sacramentorum coelestium, quæ diu fuerant typis præclusa legalibus, apparuit novus vior Evan gelicæ veritatis et gratiæ, collecta sunt in pabulum gregis Dominici scripta Patrum veterum. Ablata quidem Judæis superbientibus, falso divinæ animadversionis et humiliibus Ecclesiæ populis ad spiritale sub sidium data. Juxta quod Dominus illis, auferetur a tobis, inquit, regnum Dei, et dabitur genti facienti fructus ejus (*Matth. xxi.*).

Agni ad vestimentum tuum, et hædi ad agri pretium. Agnos innocentes, hædos pœnitentes nuncupat. Agnorum ergo vellere vestieris, dum bonis obedientium discipulorum moribus pastor ipse proficeris, eorumque laudabilia facta cernens, et in ornatu virtutum, et in calore dilectionis ipse glorio sior extiteris. Hædibus agrum comparabis, dum peccatores ad pœnitentiam vocando, sublimiorem tibi in terra viventium locum acquiris.

Sufficiat tibi lac caprarum in cibos tuos et in necessaria domus tue, et ad victimum ancillis tuis. Tanta instantia pecus tibi commissum pasce, ne tibi lac aestate novum, ne frigore desit, sed tibi semper tuisque sufficiat, id est tam sedulo doctrinæ insta et etiam quondam pœnitentes ad officium docendi pro vehas, quatenus per illos, qui pridem pro seeditate vistorum ad sinistram judicis videbantur esse ponendi, modo rationabile et sine dolo lac verbi parvulis sensu ministretur: sit autem lac caprarum ad victimum ancillæ, quando, hi, qui nondum amore perfecio, sed adhuc timore servi Domino deseruent, per exemplum vel verba eorum, qui per pœnitentiam salvi facti sunt, viviæcis verbi epulis reficiuntur, atque ut ad majora virtutum proficiant incrementa ju vantur. Quidam hoc quod dictum est, *aperta sunt prata et apparuerunt herbae virentes, et collecta sunt sena de montibus;* agni ad vestimentum tuum, et hædi agri pretium, ita exposuit: Aperta sunt monumenta, apparuerunt corpora rediiva, sequestrati sunt peccatores a sanctis, fenum ad comburendum de

A locis excelsis. Sequestrati sunt agni ad dexteram, hædi ad sinistram, agni ad vestimentum regis, quia ipse dixit: *Inhabitabo in eis* (*II Cor. vi*), hædi pro pretio sanctorum, quos noverunt, ignibus venundantur.

CAPUT XXVIII.

Fugit impius nemine persequente. Qui non est in fide fortis, etiamsi nullus persecutor iasistat, nunquam [*Redundat* nunquam, *vel legendum nonnumquam*] sponte fidem deserit, quando vel latrociniis, vel perjuriis, vel fornicationibus, vel veneficiis aliisque bujusmodi sceleribus se in infideli similem reddit.

Justus autem quasi leo confidens absque terrore erit. In oceursum bestiarum idcirco leo non trepidat, quia prævalere se omnibus non ignorat, unde justiviri securitas leoni recte comparatur, quia contra se cum quoslibet insurgere conspicit, ad mentis suæ confidentiam reddit, et scit, quia cunctos adversantes superat, quia illum solum digit, quem intuitus nullo modo amat.

Viri mali non cogitant judicium: qui autem requirunt Dominum, animadvertisunt omnia. Omnia animadvertisunt electi, hoc est, et futurum esse discrimen universalis judicii, et quibus operibus requies, quibus pena retribuatur æterna.

Qui decipit justos in via mala, in interitu suo corrueit, et simplices possidebunt bona ejus. Qui per doctrinam hæreticam decipit anfatores justitiae, ut a veritate devient, ipse quidem pro malis suis paenam C quam meretur incurrit: bona autem si qua gerobat vel utilia scribendo, vel continenter vivendo, aliis in adjutorium cedunt, his nimis qui hæc legentes sive audientes exempla sibi salutis etiam ab eo quem perisse norunt assumunt.

In exultatione justorum multa gloria. Quia videlicet non de presentibus divitiis, sed de æternis in futuro bonis exultant: non de rebus mundi, quem vident, sed de creatore mundi, cuius visionem spectant lætantur, dicente Psalmographo: *Lætamini in Domino et exultate, justi* (*Psal. xxxi*); vel certe in exultatione justorum multa fit gloria, quia quoties electos in hac vita pro eventibus Ecclesiæ prosperis exultare contigerit, multa Domino gloria ex plurimorum fide ac piis operibus datur.

Regnabit impis ruinæ hominum. Sicut multi gloriam Deo dare incipiunt, cum justos in prosecu virtutum gaudere conspiquent, ita quoties reprobi regnum tenent, multos suæ perfidiæ complices exhibent. Quod et de paganis, et de hæreticis et de malis catholicis recte potest accipi.

Beatus homo qui semper est pavidus: qui vero mentis est duræ corrueit in malum. Sequentis ira iudicij tanto tunc districtor portabitur, quanto nunc et inter culpas minime timetur, unde alibi scriptum est: *In die bonorum ne immemor sis malorum, et in die malorum ne immemor sis bonorum.* Sic ergo utraque conjugenda sunt, ut unum semper altero fulciatur.

Leo rugiens et ursus esuriens, princeps impius super populum pauperem. Et de principibus paganis, et de hereticis potest intelligi qui populi pauperis, id est, sancte Ecclesiae vel paticiam vel sapientiam ferina saevitia tentant.

*Hominem qui calumniatur animae sanguinem, si usque ad lacum fuerit, nemo sustinet, * qui operatur terram suam saturabitur panibus, qui sectatur otium replebitur egestate. Sive terram agri sive terram corporisculi, qui exercet, saturabitur, ille frumento, iste virtutibus, qui utraque spernit repletum egestate.*

Vir qui festinat ditari, et aliis invidet, ignorat quod egestas superveniat ei. Profecto enim qui augere opes ambit, peccatum negligit, more avium captus, cum escam terrenarum rerum avidus inspicit quo stranguletur peccati laqueo non agnoscit, cum quilibet praesentis mundi bona desiderat, et quæ de futuro damna patiatur ignorat.

*Cum surrexerunt impii, abscondentur homines: cum illi perierint, multiplicabuntur justi. Eosdem homines, quos justos appellat, quia videlicet justum statutumque a Deo humanae conditionis ordinem servent, unde in libro beati Job de penitente quilibet perverso dicitur, *Respiciet homines et dicet: Peccavi (Job. xxxiii).* Quod est aperte dicere: respiciet eos, qui naturam humanae creationis recte custodiunt, et se peccando jumentis assimilatos esse cognoscent. Patet ergo sensus, quia fervente impiorum persecutione abscondentur saepe fidèles, saepe vel non ausi vel non permissi ad publicum procedere, dicente Domino: *Si vos persecuti fuerint in civitate ista, fugite in aliam (Math. x).* Ubi autem, perditis auctoribus, persecutio cessaverit, augustior post pressuras fidelium gloria clarescit. Sed et infidelium plurimi, visa infidelitatis damnatione, fidei gratiam suscipiunt, juxta id quod scriptum est: *Pestilente flagellato, sapientior erit parvulus (Prov. xxi).**

CAPUT XXIX.

Homo qui blandis fictisque sermonibus loquitur amico suo, rete expandit gressibus ejus. Qui fictis sermonibus proximum laudat, illi quidem parat insidias quibus in periculum incauti operis aut verbi securior factus incidat. Sed videamus utrum retia fraudulentem eum cuius gressibus expanduntur, an potius illum a quo expanduntur involvant, sequitur.

Peccantem virum iniquum involvet laqueus, et justus laudabil atque gaudebit. Non ergo justo laqueus peccantium etiamsi corporaliter perimat nocet, ipsos autem reprobos insidiae, quas proximis parant, in perpetuum damnant gaudentibus justis, ac rectum conditoris judicium laudantibus vel de sua erexitio vel de perditione pravorum. Denique clausulam prioris versiculi, antiqua editio manifeste posuit, retia circumdat suis pedibus, ex ambiguo enim Graeco quod est αὐτοῦ utrumque interpretari potest.

* Erat hoc loco vacuum aliquod in ms.

A *Nam qui fodit soveam proximo suo, incident in eam ipse, ut alibi dictum est.*

*Vir, sapiens si cum stulto contendet, sive irascatur, sive rideat, non inveniet requiem. Doctor sapiens si cum infideli et contumaci contenderit, sive tormenta reproborum, seu gaudia narret bonorum, frustra erga insensatum laborat, sive lamenta penitentiae suadet, seu bone operationis quæ sint praemia dicat, non auditur a stulto: hinc et Apostoli Judæis dicebant: *Lamentarimus vobis, et non planxitis; cecinimus vobis, et non saltastis (Matth. xi).**

Totum spiritum suum profert stultus. Impatientia impellente agitur ut totus foras spiritus proferatur. Quem idcirco citius perturbatio ejicit, quia nulla interius disciplina sapientiae circumcludit.

B *Sapiens autem differt et reservat in posterum. Iesus enim in praesens ulcisci se non desiderat, quia etiam tolerans parci optat; sed tamen vindicari omnia extremo iudicio non ignorat. Hunc locum antiqua translatio sic habet: Totam iram suam profert impius, sapiens autem eam pacatim dispensat per partes. Quia nimis stultus ad ultionem sui iræ perturbatione succenditur; sapiens autem paulatim eam maturitate consilii ac moderationis extenuat et expellit.*

C *Pauper et creditor obviaverunt sibi, utriusque illuminator est Dominus. Pauper est humilius verbi Dei auditor, creditor autem qui ei verbi ejusdem pecuniam praedicando committit, qui obviavit sibi cum in unam eamdemque pietatis gratiam convenient, et utriusque illuminator est Dominus, quia neque ille sine divina munere pietatis praedicare, neque iste potuit credere. Veridica namque manet veritatis sententia, qua dicit, quia sine me nihil potestis facere (Joan. xv).*

*Rex qui iudicat pauperes in veritate, thronus ejus in aeternum fundabitur. Et Psalmista de Christo rege: *Sedes tua, Deus, in seculum seculi, virga aequitatis, virga regni tui (Psal. XLIV).**

D *Virga atque correptio tribuet sapientiam; puer autem qui dimittitur voluntati sue, confundet matrem suam. De hac virga Apostolus ait ad Corinthios: An vultis in virga veniam ad vos, an in spiritu mansuetudinis? (I Cor. iv.) Puer namque, quem frequentissime corripiendum et erudiendum admonet, populus Dei est, qui si non assiduis monitis et increpationibus sacerdotum fuerit castigatus, confusione generat Ecclesiae, detrahentibus his qui soris sunt religioni fidei Christianæ, unde recte subjungitur:*

Cum prophetia defecerit, dissipabitur populus, qui custodit legem beatus est. Quia nimis cum cessatione sacerdotalis eruditio, solvetur continuo disciplina divinae legis, qua populus ad beatitudinis promissia pertingere debuerat.

Vidisti hominem velocem ad loquendum, stultum magis speranda est quam illius correptio. Grave quidem vitium stultitiae, sed non levius est verbositatis,

uam s̄epe contigit, ut hebes aliquis et ipsarum quo- que nescius litterarum, citius verba salutiferæ correptionis accipiat, quamvis qui affluentia præditus sermonis magis sua quæ novit vel quæ se nosse autumat jactanter proferre, quam dicta sapientium audiare contendit.

Qui delicate a pueritia nutrit servum suum, postea illum sentiet contumacem. Qui delicate a pueritia nutrit corpus suum, quod animo debuerat subjugare, is ubi ad annos adolescentiæ pervenerit, lascivum hoc, et indomabile sentiet, hunc versum alia translatio pulchre habet; *qui delicatus a pueritia servus erit, novissime autem contristabitur in se.* Contristabitur namque sero malorum poenitens in se, qui se meminit noluisse in tenera adhuc ætate a suis voluptatibus ad regulam continere prudentium.

Vir iracundus provocat rixas: et qui ad indignandum facilis est, erit ad peccata proclivior. Janua omnium vitiorum iracundia est, qua clausa, virtutibus intrinsecus dabitur quies.

Qui cum fure partitur, odit animam suam; adjuvantem odit et non indicat. Auditorem suum sapientia non solum a peccatis abstinere, sed a peccantum se contubernio docet cohibere, ne forte a disticto judice mereatur audire: *Si videbas furem, simul currebas cum eo, et cum adulteris portionem tuam poneras.* Non enim sur solummodo, sed etiam ille reus tenetur, qui conscius furti, querente possessore pecuniam quam perdidit, non vult indicare cum valet. Verum ne quis causetur metu se personæ potentioris neque a furum consortio separari, neque prodere posse quod novit, apte subditur:

Qui timet hominem, cito corrueit; qui sperat in Domino sublevabitur. Cui congruit illud Evangelicum: *Nolite timere qui occidunt corpus, animam autem non possunt occidere* (*Matth. x.*).

CAPUT XXX.

Verba Congregantis filii Vomentis. Huc usque parabolæ Salomonis quas transtulerunt viri Ezechiae regis Juda. Hinc rursus verba Salomonis ab ipso alias dicta, et forsitan ipse ab eo quod Græce Ecclesiastes dicitur, nunc, interpretato in Latinum nomine illo, *congregans* appellatur. Ecclesia enim *congregatio* vocatur.

Visio quam locutus est vir cum quo est Deus, et qui Deo secum morante confortatus, ait. Visio, inquit, quam locutus est, quia quod vidit apud Deum secretiora contemplando patefecit hominibus foras loquendo, quisquis enim Dei spiritu confortatur, haec que sequuntur humili corde profatur:

Stultissimus sum virorum, et sapientia hominum non est mecum. — *Filiī enim sæculi hujus prudenteriores filii lucis in generatione sua sunt* (*Luc. xvi.*); et apostolus: *Si quis, inquit, videtur sapiens esse in hoc seculo, stultus fiat ut sit sapiens* (*I Cor. iii.*); et ipse de se suisque similibus, in quibus Deus: *Nos autem prædicamus Christum crucifixum, Judæis quidem scandalum, gentibus autem stultitiam* (*I Cor. i.*).

Non didici sapientiam, et novi sanctorum scientiam.

A Non didicit Solomon ab homine sapientiam, sed Deo gratis offerente percepit, ut sanctorum scientiam nosset, sed et Apostolus, qui ait: *Nos stulti propter Christum* (*II Cor. iv.*), ipse iterum dicit: *Sapientiam autem loquimur inter perfectos* (*I Cor. ii.*), sapientiam vero non hujus sæculi, neque principum hujus sæculi qui destruuntur.

Quis ascendit in cælum atque descendit? Hæc sanctorum scientia quæ a sapientibus sæculi stultitia putatur, quia videlicet Dei Filius in assumpta caro post mortem et resurrectionem suam ascendit in cælum, ac nostræ resurrectionis tempore descensurus est de cælo ad judicandos vivos et mortuos.

B *Quis continuat spiritum in manibus suis?* Omnis spiritus et humanus, et angelicus, et animalium, et procellarum, ne deficiat, Dei potentia continetur.

Quis colligavit aquas, quasi in vestimento? De ipso et Psalmista: *Congregans sicut in utrem aquas maris* (*Psal. xxxiii.*).

Quis suscitavit omnes terminos terræ? et nunc omnia, quæ per orbem vivunt et crescunt, homines, animantia, germina, Dominus ut sua quæque vita subsistant excitat, et in die judicii cunctum a quatuor ventis cœli genus humanum a morte suscitat.

C *Quod nomen ejus, et quod nomen filii ejus, si nosti?* De Dei Patris et Filii nomine dicit, cuius mysterium sæcularis sapientia naturaliter scire non potest, quamvis unum esse Deum, qui omnia fecerit per ea, quæ mirabiliter facta videt, intelligere potest. Si nosti, inquit, subauditur, tu qui de tua te jactans sapientia, nostræ fidei mysteria, stultitiam nuncupare præsumis.

D *Omnis sermo Dei ignitus clypeus est sperantibus in se.* Hæc et tota Christi Ecclesia novit, et illi maxime sentiunt qui Deo secum morante terrenæ sapientiæ fastum contemnunt, quia nimirum omnis sermo diuinæ auctoritatis corda electorum et igne charitatis accedit, et scientia veritatis illustrat, et vitiorum sordes, si quas in eis invenerit, consumit, et ab hostiis insidiis sperantes in se cunctisque defendit adversis. Verum solertia intuendum, quia proprietatem Græci sermonis quod est πεπυρωμένον, Latina translatio uno verbo non explicat. Unde aliquando ignitum, aliquando igne examinatum transfertur, ut, ignitum eloquium tuum vehementer, et argentum igne examinatum (*Psal. cxviii., Psal. xi.*), quod utrumque in Græco uno verbo dicitur τὸ πεπυρωμένον, et hoc quod huic Salomonis sententia simillimum sonat, *Eloquia Domini igne examinata*, id est, πεπυρωμένα protector est omnium sperantium in se (*Psal. xvii.*). Πεπυρωμένος ergo significat quod tanquam conflatum igne purgatum sit. Sicut enim quæcumque metalla igne conflata sordem in se alienam atque inutilem non continent, totum quidquid in eis residet verum et perfectum et omni vitiorum sorde purgatum est, ita eloquium Domini æternorum in se bonorum fidem testans, hinc illud est Domini: *Iota unum, aut unus apex, non præteribit a lege donec omnia fiant* (*Matth. v.*)

Vera enim omnia sunt et extra omnem ambiguitatem superflua inanitatis ignita. A neno pravae allocutionis morti perpetuae subjungi contendit.

Non addas quidquam verbis illis, et arguaris, inneniarisque mendax. Ne corrumpas eloquia sanctorum Scripturarum, quod quidam haeretici, ne his convincerentur, fecisse noscuntur.

Duo rogavi te, ne deneges mihi antequam moriar. Vanitatem et verba mendacia longe fac a me. Mendaciam et divitias ne dederis mihi, tribue tantum victimae meo necessaria, etc. Haec adhuc vir eam quo est Deus, sermonis ejus igne radiatus, ad ipsum Domini conversa voce profatur, obsecrans ne vanitatem saeculi nunquam vel verba mendacia veritati coelestium preponat Scripturarum, nec rursum vel copia vel inopia transeuntium rerum in oblivionem decidat aeternorum.

Generatio quae patri suo maledicit, et matri sua non benedit. Cum superius puritatem sibi vitæ a Domino dari peteret convertens subito intuitum ad contempnandam pravorum nequitiam quantis haec sit involuta miseriis, quam longe a veritatis distet, insinuat. Est, inquiens, generatio nefandorum, quae etsi bona qualibet agit, perdit. Haec in eo quod honorem parentibus non defert.

Generatio quae sibi munda videtur, et tamen non est lata a sordibus suis. De hac generatione loquitur Psalmista, Quoniam Deus dissipat ossa hominum sibi placentium (Psalm. LII).

Generatio cuius excelsi sunt oculi, et palpebrae ejus in alta surrecta. Hujus consortium generationis vitabat Psalmista cum dicebat : Domine, non est exaltatum cor meum neque elati sunt oculi mei (Psalm. CXXX).

Generatio qua pro dentibus gladios habet, et commandit molaribus suis. De hac Psalmista : Filii hominum, dentes eorum arma et sagittæ : et linguae eorum, machæra acuta.

Ut comedat inopes de terra et pauperes ex hominibus. Ad hoc linguam armant persecutores Ecclesiae ut innocentes Christi et humiles trucident. Quod si diligenter considerare volueris, invenies has generationes congregations esse nequissimas Judæorum et haereticorum, Judæorum ergo generatio patri suo maledixit, illi videlicet qui ait : Filius meus primogenitus Israel, quando filium ejus venientem in carne negavit, et matri sua non benedixit, Synagogæ cuius fidei pristinæ scientiam in Patribus ac prophetis de Christo habuerat detraxit. Novationum generatio munda sibi videtur, dicens se pœnitentia opus non habere, et tamen non potest munda esse a peccatorum sordibus, quae fontem pœnitentia peccantibus veniam negando præcludit, item generatio Arianorum excelsos habet oculos, et palpebras super Deum erctas, inquirens quid fuit antea, et quia fuit tempus quando non fuit filius, vel quae est Spiritus sancti potestas æqualis inæqualis. Item generatio quae pro dentibus gladios habet, illa est congregatio, quae suam perfidiam etiam aliis intimare satagit, et sicut corpora solent gladiis sterni, ita animas audientium ve-

Sanguisuga duæ sunt filiæ, dicentes : Affer, affer. Sanguisuga est diabolus, qui siti peccandi ac peccata suadendi incessanter accenditur. Huic duæ sunt filiæ, quia duæ specialiter humani generis illecebæ, bunc antiqui hostis [animum] imitantur, nam et luxurie quo liberius frena laxantur, eo noxius delectatur, et, sicut quidam ait poetarum,

Crescit amor nummi quantum ipsa pecunia crescit.

Tria sunt insaturabilita, et quartum quod non dicit : Sufficit. Infernus, et os vulvæ, et terra, quæ non satiatur aqua, ignis vero non dicit : Sufficit. Infernus nunquam redundant : meretrix similiter vicina ejus, B corpus non satiatur deliciis; et avarus nunquam dicit, Sufficit. Quidam infernum interpretantur diabolum, qui insaturabilis sit de seductione humana; os vulvæ et terram quæ non satiatur aqua, ut supra; ignem qui non dicit, Sufficit, incendium gehennæ, quod nunquam desinat, sed eos qui peccatis finem ponere noluerunt infinito ardore conlurat.

Oculum qui subsannat patrem et despiciit partum matris sue, effodian corvi de torrentibus et comedant illum filii aquilæ. Perversi dum divina judicia reprehendunt, subsannant patrem; et quilibet haeretici dum prædicationem sanctæ Ecclesiæ deridendo contemnunt, partum matris despiciunt, quia de ipsa exeunt, qui contra ipsum loquuntur. Ex nobis, inquit, exierunt, sed non erant ex nobis. Quorum intentionem dum prædicatores catholici de Scripturarum divinarum fluentis procedentes increpando revincunt, quasi oculum nefandum corvi de torrentibus effundunt. Et filii aquilæ comedunt. Corvi etenim vocantur doctores sancti, quia per humilitatis gratiam peccati in se nigredinem constentur; filii autem aquilæ, quia per gratiam ejus sunt renati, qui in habitu assumptæ humanitatis ad cœlestia transvolavit : unde et alibi filii sponsi appellantur.

Tria sunt difficulta mihi, et quartum quod penitus ignoro : viam aquilæ in cœlo, viam colubri super terram, viam naris in medio mari, et viam viri in adolescentia sua. Quantum ad historiam ita est ut scriptum est, sed quia per parabolas loquitur, via aquilæ in cœlo difficile invenitur, hoc est, subtilitas inimici, qua circa cœlestium virorum corda volitat magno cum labore deprehenditur. Similiter et via colubri super terram, id est, astutæ hostis venenati quibus insidiari non desinit eis, quos in petra fidei fundatos esse conspicit, nec non et via navis, in medio mari, hoc est, via iniquitatis quæ per amaras saeculi hujus undas, immundorum spirituum flatibus agitatas, tanta subtilitate discurrat, ut vel vix vel nullatenus ejus possit iter deprehendi. Nam quod aquila malignum hostem significet testatur propheta, qui ait : Velociores fuerunt persecutores nostri aquilæ cœli (Thren. IV), id est, homines qui nos persecuti sunt, tam sævi fuerunt, ut ipsis dæmonibus crudeliores esse viderentur.

Quod coluber diabolum sepe insinuet, et in primis hominis transgressione probatum est, et cum vir sapiens aiebat, *quasi a facie colubri fuge peccatum* (Eccli. xxi). Navis quoque, quod levitatem designet eorum qui circumferuntur omni vento doctrinæ, demonstrat propheta qui ait: *Et Chaldaeos in navibus suis gloriantes* (Isa. xliii), hoc est, immundus spiritus de fragilitate atque instabilitate mentis humanæ sese extollentes, *et de illius ruina quasi victores latentes*. Sicut ergo illa tam callida sunt ut inveneri nequeant, sic adolescens, qui viam veritatis deseruit, difficile cogitatu est, quo se per omnes horas, in quot cogitationa, vecors vaga mente declinet.

Et talis est et ria mulieris adulteræ, quæ comedit et tergit os suum et dicit: Non sum operata malum. Adulteræ quoque mens, in similitudinem eorum quæ commemoravit superius, instabilis semper et vaga est; quæ ubi admissum turpitudinis suæ celare potuerit, negat se aliquid patrassse facinoris.

Quatuor sunt minima terra, et ipsa sunt sapientiora sapientibus. Minores videntur in terra sepe iusti quam reprobri, id est, humiliores, et huic mundo abjectiores, sed tamen sapientiores sunt sapientibus mundi, in eo quod æterna et cœlestia bona sapiunt, ac pro his appetendis, quæ illi non norunt, adversa quæque sæculi fortiter pati desiderant.

Formicæ, populus infirmus qui præparat in messem sibi. Et Ecclesie populus, ut fortitudinem mentis custodiatur, infirmum se temporaliter adversariis sæventibus ostendit, Domino per Evangelium dicente: *Ego autem dico vobis non resistere mulo; sed si quis te percusserit in dextera maxilla tua, præbe illi et alteram* (Matth. v). Qui in hac vita præparat sibi fructus bonorum opérum, quibus vitam mereatur habere perennem.

Lepusculus, plebs invalida, qui collocat in petra cubile suum. Et hic plebem Ecclesiae designat, quæ invalida dicitur, vel quia, ut supra diximus, suas injurias ulcisci ipsa non querit, vel quia suis viribus nil fidere, sed in auxilio Redemptoris sui salutem sperare didicit, et hoc est, illam cubile in petra collocare, cuius præsidio adversos vitet incursus, Domino dicente cum Psalmista: *Esto mihi in lapidem fortissimum et in domum munitum, ut salves me, quia petra mea et munitio mea tu es.* Pro lepusculo antiqua translatio *chyrogrillum* posuit. Est autem animal non majus ericio, habens similitudinem muris et ursi, cuius in Palestina regionibus magna est abundantia, semperque in cavernis petrarum et terre soveis habitare consueverunt. Notandumque quod in psalmo ubi nos canimus, *Petra refugium herinaceis*, in quibusdam codicibus, *leporibus*, in quibusdam *chyrogrillis* invenitur: sed et in hac Salomonis sententia quædam exemplaria pro lepusculo herinaceum habent. Nam et in libro Hebreorum Nominiū invenimus idem verbum *Hebreum saphan*, in Jeremia, et *chyrogrillum*, et *lepo-*

rem, et herinaceum a sancto Hieronymo interpretatum.

Regem locusta non habet, et egreditur universa per turmas. Locustam quidam gentium plebem interpretantur, quæ quondam sine rege, id est sine Christo, sine propheta, sine doctore existens, non in unitatem fidei congregata ad spiritalem pugnam contra diabolum properat. Potest autem in locusta anachoretarum concors unitas accipi, quæ cum homine præceptore nullo in suis latibus regatur, infatigabili tamen instantia in suis quæque locis Christo militare, et male pullulantia carnarium voluptatum germina consuevit absumere.

Stellio manibus nititur, et moratur in ædibus regis. Stellio qui manibus nititur, quia nimirum alas, quibus feratur, non habet, et moratur in ædibus regis, illorum significat humilitatem, qui cum sint juxta naturam tardi ingenio, solertia tamen industriæ suæ, vel ad divinarum notitiâm Scripturarum vel ad virtutum gratiam, quibus ingressum regni cœlestis mereantur, attingunt. Plerumque etenim aves quas ad volandum penna sublevat in vespribus resident, et stellio, qui ad volatum pennas non habet, nitens manibus, regis ædificium tenet. Quia nimirum saepe ingeniosi quicque dum per negligentiam torpēt, in pravis actibus remanent, et simplices quos ingenii penna non adjuvat ad obtinenda æterni regni mœnia virtus operationis levat.

Tria sunt quæ bene graduntur, et quartum quod incedit feliciter: leo, fortissimus bestiarum, ad nullius pavet occursum; gallus succinctus lumbos; et aries; nec est rex qui resistat ei. Ipse hoc loco leo ponitur, de quo scriptum est: *Vicit leo de tribu Iuda;* qui fortissimus bestiarum dicitur, quia in illo hoc quod infirmum est Dei, fortius est hominibus. Qui ad nullius pavet occursum; dicit enim: *Venit princeps hujus mundi et in me non habet quidquam* (Joan. xiv). — *Gallus succinctus lumbos*, id est, prædicatores sancti inter hujus noctis tenebras verum mane narrantes; qui succincti lumbos sunt, quia et membris suis luxuriaz fluxa restringuant. *Et aries:* nec est rex qui resistat ei. Quem alium hoc loco arietem accipimus, nisi primum intra Ecclesiam ordinem sacerdotum? de quibus scriptum est: *Afferte Domino filios arietum* (Psal. xxviii). Qui per exempla sua gradientem populum quasi subsequentem ovium gregem trahunt, quibus spiritualiter recteque viventibus, nullus rex sufficit omnino resistere, quia cuiuslibet persecutor obviet, intentionem eorum non valer præpedire. Et quia post hæc autem Antichristus apparebit, hoc quartum subdit dicens:

Est qui stultus apparuit postquam elatus est in sublime: si enim intellexisset, ori imposuisset manum. Ipse quippe in sublime elevabitur cum Deum se esse mentietur. Sed elevatus in sublime stultus apparebit, quia in ipsa elatione sua per adventum veri descit. *Quod si intellexisset, ori imposuisset manum.* Id est, si supplicium suum, cum superbire exorsus est, prævidisset, bene aliquando conditus in tantæ jac-

tatione superbiorum non fuisset elatus. De quo nequam moveat quia superiorius dictum est : *Quartum, quod incadit feliciter.* Tria quippe incedere bene dixit, et quartum feliciter : non enim omne quod feliciter, bene ; neque in hac vita omne quod bene, feliciter ; nam leo, gallus et aries bene incedunt, sed non hic feliciter, quia persecutionum bella patiuntur; quartum vero feliciter et non bene incedit, quia in fallacia sua Antichristus graditur, sed juxta breve tempus vitae presentis ipsa illi fallacia prosperatur.

Qui autem fortiter premitt ubera ad eliciendum luc, exprimit butyrum : et qui vehementer emungit, elic sanguinem. Ubera fortiter premimus, cum verba sacri eloquit subtilli intellectu pensamus, qua pressione, dum lac querimus, butyrum invenimus, qua dum nutriri vel tenui intellectu querimus ubertate internæ pinguedinis ungimur, quod nec nimis nec semper agendum est, ne dum lac queritur, ab uberibus sanguis sequatur, quia dum verba sacri eloquii plusquam debent discutiunt, in carnalem intellectum cadunt; sanguinem enim elicit qui vehementer emungit, quia carnale efficitur hoc quod ex nimis spiritus discursione sentitur.

Et qui provocat iras, producit discordias. Quid precedente parabola juxta litteram significaret appetit, quia qui modesto sermone proximum allocutus gratuī accipit responsū, quasi de uberibus in quibus lac quererebat butyrum exprimit. At qui inepto verbo iram discordiamque fraterno ex corde provocaat quasi ultra modum emungens ubera sanguinem pro hacte reperit.

CAPUT XXXI.

VERBA LAMUELIS REGIS. VISIONE QUAE ERUDIVIT EUM
MATER SUA.

Lamuel interpretatur, in quo Deus, et ipse est de quo supra, eodem nomine in Latinum verso, dicitur visio, quia locutus est cum quo est Deus. Mater autem quae hanc cum visionem docuit, non alia melius quam divina gratia intelligitur, quae illum in corde invisibiliter erudit intellectu sapientiae, quam foris hominibus ipse ministraret; quamvis et ipsa carnis mater Salomonis haec eum parvulum docuisse recte possit intelligi: quae quidem ipse, quia sapienter dicta cognoverit, operi Parabolaram suarum inferre voluerit; et ideo recte postquam dictum est in titulo *verba Lamuelis regis*, additum est continuo, *visione qua eruditum est eum mater sua.* Quia cum in regnum unctus spiritum sapientiae percepit, vidi in eodem spiritu quam prudenter se mater bona docuerit.

Quid, electe mihi, quid, electe uteri mei. Subaudis, quid tibi dicam, fili, qui, de utero meo natus, electus es in regnum.

Quid, electe votorum meorum? Id est, qui electus es in hoc quod tota devotione desiderabam.

Ne dederis mulieribus substantiam tuam. Patet litteræ sensus, sed et virtutum nostrarum substantias corruptionibus vitiorum contaminare prohibemus.

Et divitias tuas ad delendos reges. Divitias suas

A dat ad delendos reges, qui terrenis deliciis hominum corda corruptit, ne cœlestia bona requirant, in quibus perpetuo possent regnare cum Domino. Delentur enim reges per divitias, quando quilibet summi regis corpori adunati per fidem, nihilominus per illecebras saeculi merentur eradicari de terra viventium.

Noli regibus, o Lamuel, noli regibus dare vinum. Et hæc et sequentia patent juxta litteram; allegorice autem præcipit ne vino, in quo est luxuria, inebrietates fidelium, qui sunt membra regis æterni.

Quia nullum secretum est ubi regnat ebrietas. Nil de secretis cœlestibus cogitatur, ubi regnat voluptas carnalis, sed ea tantum carnales quæ sunt visibilia sectantur.

Ne forte bibat et oblitiscatur judiciorum et mutet causam filiorum pauperis. Ne terrenis ebriatus illecebris oblitiscatur pauperum Christi, qui et ipse pauper est factus pro nobis.

Date siceram marentibus et vinum his qui amaro sunt animo: bibant, egestatis suæ et doloris non recordentur amplius. Siceram et vinum hoc loco semper ternam divinæ sapientiae consolationem dicit, quæ illis est exhibenda cordibus quæ in insimis consolari refugiunt, et quidquid occurrit in praesenti amaro aniino suspiciunt, solis, quæ nondum vident, gaudiis cœlestibus tota mente inhærentes, juxta eum qui dixit : *Negavit consolari anima mea: memor fuit Dei, et delectatus sum.* Item, *date siceram marentibus et vinum bibere his qui amaro sunt animo*, etc. His qui pro pœnitudine actuum pristinorum mœrore atque tristitia deprimuntur, spiritualis scientiae jucunditatem, velut vinum quod lætitiat cor hominis, affluenter infundite, eosque salutaris verbi crapula resovete, ne forte jugitate mœroris ac letali desperatione demersi, abundantiore tristitia abscondantur, qui ejusmodi sunt.

Aperi os tuum muto et causis omnium filiorum qui peti transirent. Pro causa pauperum, qui per se loqui in judicio non valent, ipse loqui memento, et eos defensare curato, qui patriæ cœlestis intuitu hujus vite viam ocius transire satagunt. Aliter os aperire muto præcipit, populo gentium fidei verbum prædicare, qui divina eloquia prius personare nesciebat, et non tantum Iudeis, sed et cunctis per orbem nationibus curam salutis impendere.

Aperi os tuum, decerne quod justum est, et judica inopem et pauperem. Sicut in versu superiore pro causa et in ereptione pauperis os aperire præcepit, ita in isto ipsum pauperem ubi erraverit, juste castigare ac judicare admonet. Juxta quod et Moyses ait : *Et pauperis in judicio non misereberis* (*Exod. xxxiii*). Quod utrumque Dominum facere propheta insinuat dicens : *Sed judicabit in justitia pauperes et arguet in aequitate pro mansuetis terra* (*Isa. xi*).

Huc usque verba Lamuelis.

Minc sapientissimus regum Salomon laudes sancte Ecclesie versibus paucis, sed plenissima veritate de-

cantat. Constat namque idem carmen versibus vi-ginti et duobus juxta ordinem videlicet Hebræorum ac numerum litterarum, ita ut singuli versus a singulis litteris incipiunt. Cujus ordine perfectissimo alphabeti typice innuitur quam plenissime hic vel animæ cujusque fidelis, vel totius sacrae Ecclesiæ, quæ ex omnibus electis animabus una perficitur, catholicæ virtutes ac præmia describantur.

Mulierem fortem quis inveniet? Procul et de ultimis finibus pretium ejus. Mulier fortis Ecclesia catholica vocatur: mulier videlicet quæ spiritales Deo filios ex aqua et Spiritu sancto gignere consuevit; fortis, quia cuncta sæculi adversa simul et prospera pro conditoris sui fide contemnit: quam ipse, in carne apparens, infirmam quidem invenit, sed inventione sua, hoc est pia visitatione, fortem reddidit; unde post ejus redemptionem ad cœlos rediens, supernis civibus gaudens aiebat: *Congratulamini mihi, quia inveni ovem quæ perierat (Luc. xv).* Videntes ergo Salomon genus humanum innumeris implicatum erroribus, quodque ad ejus salvationem nullus patriarcha, nullus propheta, nullus omnino electorum, præter solum mediatorem Dei et hominem, sufficeret, ait: *Mulierem fortem quis inveniet? Procul et de ultimis finibus pretium ejus;* ac si aperte futuram Domini gratiam admirando protestetur; Quis tantæ virtutis, quis talis est meriti, qui de tot incredulis ac scelestis mundi nationibus unam sibi electorum Ecclesiam congreget, quam sua gratia fortem atque inseparabilem, adversantibus cunctis efficiat. Non hic certe nostri similis, non nostro est tempore venturus, sed in fine sæculorum est de cœlo Deus homo descensurus, qui nos sua passione ac morte redimat. Hoc est enim quod ait, *procul et de ultimis finibus pretium ejus;* *procul,* videlicet statu temporis quod a diebus Salomonis usque ad partum Virginis intererat; *de ultimis autem finibus,* quia a summum cœlo egressio ejus, qui non aliud pro nostra redemptione pretium quam seipsum obtulit. Unde Apostolus: *Qui, inquit, dilesit nos et tradidit semet-ipsum pro nobis, oblationem et hostiam Deo in odorem suavitatis (Ephes. v).* Quamvis et ita recte possit intelligi pretium sanctæ Ecclesiæ procul positum fuisse, quia incarnatio verbi Dei conversatio inter homines, passio ac resurrectio longe a nostræ esset naturæ conditione discreta. Quoniam videlicet ille et quando voluit et de qua voluit matre natus est, et sine peccato vixit in mundo, et quando voluit et qua voluit morte discessit a mundo, tempus quoque resurrectionis et ascensionis suæ in potestate habuit, et cum hujusmodi, in quibus tam a nobis procul, quam cœlum distat a terra; quia vero Ecclesiam quam redemit Dominus, non solum verbum salutis suscipere, sed et constanter pro illo certare, et hoc ipsum per mundum prædicare donavit, merito sub-jungitur:

Confidit in ea cor viri sui, et spoliis non indigebit. Virum sacrae Ecclesiæ Dominum ac Redemptorem ejus, qui etiam pretium ejus fieri dignatus est dicit,

A unde et Apostolus credentibus ait: *Bepondi enim vos uni viro virginem castam exhibere Christo (II Cor. i).* Quid ergo dicunt, confidit in ea cor viri sui, ab humana nimis consuetudine tractum est. Sicut enim is qui fortem fidelemque et castam habet conjugem, confidit in ea certissime, quia nil contra suam voluntatem agere, nulla adulterina saltum cogitatione possit attaminari, cuncta pro suo amore etiam aduersa libenter toleret, et quoscumque valet ad suam amicitudinem convertere desideret: sic nimis, sic Dominus et Redemptor noster in Ecclesia confidit, novit enim spiritum gratiae quem dedit, novit virtutem charitatis quam ejus præcorditis infudit. Ideoque non dubitat eam non solum a suæ fidei integritate nequaquam posse corrumpi; sed etiam perseveranter insistere ut plures ad ejusdem fidei congreget unitatem. Hoc est enim quod sequitur, *et spoliis non indigebit:* spoliat enim diabolus Ecclesia, cum per prædicatores suos eos quos ipse deceperat ad veritatis iter revocat, et bene dicitur, *spoliis non indigebit,* quia nunquam cessabit Ecclesia liberatas a diabolica fraude animas Christi fidei restituere, donec completo mundi cursu suorum quoque præfinita compleatur summa membrorum. Verum quia quidquid boni sancta Ecclesia vel anima quæque fidelis agit, hoc desperat accipit, recte subditur:

B *Reddet ei bonum et non malum omnibus dibus vitaæ suæ.* Reddit quippe anima Christo bonum, cura perceptis ab eo vita muneribus recte vivendo respondet, cum ea quæ ipsa scire vel facere ab illo adjuta potuit etiam aliis intimare satagit. Bene autem cum dixisset *reddet ei bonum,* protinus addidit, *et non malum,* quia sunt profectio qui acceptis a Domino bonis mala rependunt, vel fidei mysteria, quæ percepérunt hæretica fece fœdando, vel fidem quam professione servant pravis operibus blasphemando, vel mores bonos quibus cum fide recta descrivunt per colloquia mala corrumpendo, sed nec illi bona quæ accepérunt Domino reddunt, qui non in his quæ bene inchoant usque ad finem vita præsentis persistere curant, unde merito cum dixisset, *reddet ei bonum et non malum,* ut perseverantiam boni necessariam demonstraret adjunxit, *omnibus diebus vitaæ suæ;* cui simile est illud evangelicum: *Serriamus illi in sanctitate et justitia coram ipso omnibus diebus nostris (Luc. i).* Quibus sane operibus, quibus justitiae vel sanctitatis fructibus potissimum sit insistendum ei qui bonum quod accepit Domino gratus rependere satagit subsequenter insinuator cum dicitur:

D *Quæsirit lanam et linum, et operata est consilio manuum suarum.* Hujus principium versiculi fortis mulier, hoc est sancta Ecclesia etiam juxta litteram accipere et observare consuevit, juxta illud propheticum: *Cum videris nudum, operi eum; et carnem tuam ne despixeris (Isa. lvi).* Operatur autem non supervacuo et cœco labore, sed eo utique consilio ut ab ipso suo viro Domino, videlicet Christo, in judi-

cio mereatur audire : *Nudus fui et operuistis me ; et quādū sc̄estis uni de his minimis meis , mihi sc̄estis* (Matth. xxv). Operatur autem consilio manuum suarum, hoc est earum personarum, per quas elemosynam pauperibus tribuit, in quorum opere de-
voto illo saluberrimo utitur consilio ut cum disper-
git , dat pauperibus, non ipsa ab hominibus laudetur
ad tempus , sed justitia ejus maneat in s̄eculum
sacculi, cornu ejus exaltetur in gloria. Possunt autem
mystice in lana qui ovinus est habitus omnia pietatis
et simplicitatis opera quæ proximis impendimus
accipi : potest in lino quod ex terra virens oritur ,
sed longo ac multiplici exercitio amittit humorem
nativum atque ad gratiam novi candoris pervenit,
castigatio nostræ carnis intimari, cui dum ingenia-
tas vitiorum sordes per continentiam excoquimus ,
dignam profecto eam qua Christum induamus effici-
mus, juxta illud apostolicum : *Quotquot ergo in Chri-
sto baptizati estis, Christum induiatis* (Gal. iii). Quærerit
ergo mulier fortis lanam et linum et operatur con-
silio manuum suarum, cum Ecclesia sancta sollicite
perquirit, quibus se pietatis fructibus exerceat, quo-
modo a carnalibus emundet illecebris, et hoc utrum-
que consilio prudentissimo, hoc est, supernæ solum-
modo retributionis facit intuitu, cuius retributionis
sequens quoque versiculos apertius meminit, dum
subditur :

*Facta est quasi navis institoris de longe portans
panem suum. Institorem negotiatorem dicit, qui pro
eo sic vocatur ab antiquis, quod acquirendis multi-
plicandisque mercibus sedulus insistat. Facta est
ergo fortis mulier quasi navis institoris, quia sicut
navis institoris onusta mercimonis quæ in sua patria
magis abundant, porro per mare petit peregrina, ut
illuc venditis quæ attulerat, chariora domum reportet ;
sic nimirum sancta Ecclesia, sic anima quæque
perfecta virtutum divitiis gaudet onustari, quibus
majora divinæ gratiæ dona meretur. Optimum est
namque commercium , cum bona , quæ valemus ,
operantes, primo hanc a Domino mercedem recipimus, ut ad majora semper agenda proficiamus, de-
hinc et vitam percipimus sempiternam. Facta est
ergo anima sancta quasi navis institoris, quæ transit
desiderio fluctus s̄eculi præsentis, sola, quæ se in
cœlis accipere sperat, æterna gaudia meditatur, et
pro his abundantius adipiscendis quidquid valet
instanter agere, quidquid adversum occurrit, for-
titer superare contendit. De qua recte dicitur quia
longe portat paneum suum, quia in cunctis quæ tem-
poraliter bona agit, æternam solummodo retributio-
nem expectat. Solam vivi panis saturitatem desi-
derat, ejus nimirum qui suis auditoribus pie poten-
terque promittit : *Venite ad me, omnes qui laboratis
et onerati estis, et ego reficiam vos* (Matth. xi). At
contra in proximo paneum suum recipit, et non hunc
de longe trans maria portat, qui in eo quod juste
vivere videtur, humani tantum favoris præmia ex-
petit, neque ullo vitæ permanentis intuitu, ea quæ
in iunis labuntur exsuperare et calcare satagit ; de-*

A qualibus ipse terribiliter intonat : *Amen, dico vobis,*
recepereunt mercedem suam (Matth. vi).

*Et de nocte surrexit, deditque prædam domesticis
suis et cibaria ancillis suis.* Sicut totus labentis sæculi
cursus perenni diei ac noctis alternatione variatur,
et dies quidem ad operandum , nox ad quiescendum
naturaliter condita est, sic totum præsentis Ecclesiae
tempus gemino quodam quietis et operis statu de-
cernitur : quasi enim nocte quiescit, cum aliqui
fidelium ejus, intermissa ad tempus sollicitudine
externa, sibi metu vacare seque ipsos spiritualiter inci-
piunt curare, vel lectionibus videlicet sacris , vel
orationibus , ac lacrymis sese vel aliis hujusmodi
studiis secretius exercendo. Surgit autem de nocte,
cum in eisdem suis fidelibus ad agendum etiam
proximorum curam se sollicita accingit: quod fra-
ternæ administrationis opus duobus modis exerceret;
consuevit : quia et eos qui foris errabant ad fiduciæ
gratiam convocat, et illos qui fidei sacramentis jam
sunt imbuti, ut bonis operibus amplius insistant,
excitare non desinit; unde bene dicitur : *Deditque
prædam domesticis suis, et cibaria ancillis suis.* Dat
namque prædam domesticis suis , cum eos quos
antiquo hosti docendo eripere potuit, societati illo-
rum qui in fide præcessere, reconciliat; dat et an-
cillis cibaria, cum humiles quosque , debito timore
sua jussa servantes, ne sub pio labore lassescant ,
supernæ mercedis commemoratione reficit.

Consideravit agrum et emit eum : *de fructu manuum
suarum plantarit vineam.* Agrum dicit possessionem
supernæ hæreditatis, de qua benedicens filium pa-
triarcha loquitur : *Ecce odor filii mei sicut odor agri
pleni cui benedixit Dominus* (Gen. xxvii). Odor quippe
sanctorum est sicut odor agri pleni cui benedixit
Dominus , quia tota mentis intentione contuentur
quæ sit plenitudo benedictionis in patria regni co-
lestis. Consideravit ergo Ecclesia agrum et emit
eum, quia studiose didicit quæ sint gaudia vitæ pe-
rennis , et pro eorum perceptione quidquid potuit
laborare contendit : quæ etiam de fructu manuum
suarum plantavit vineam, quia de fructiferis fideküm
suorum factis sive verbis Scripturam sanctam condi-
dit, per quam mentes audientium in fide et dilectione
ebriaret sui Redemptoris. Nec ab re est si vineæ
nomine ipsam Ecclesiam, quæ per mulierem fortem
est designata, sentiamus esse figuratam, et eos esse
propagines vineæ , qui sunt filii molieris : mulier
autem vineam plantavit, cum Ecclesia primitiva ,
latius per orbem missis prædicatoribus, fidei semina
dispersit. Consideravit namque agrum , cum p̄
orbem universum , vitiorum spinetis horrentem ,
cultore spiritali opus habere perspexit. Emit vero
eum, cum, missis ubique doctoribus , talentum verbi
audituris contulit, ut eos credentes felicissimo Christi
mancipati subderet. Plantavit autem in eodem agro
vineam, cum in novis creditum populis Ecclesiam
plena evangelica veritatis institutione firmavit :
quam quidem vineam de fructu manuum suarum
plantavit, quia non solum verbo instituebant apostoli

apostolorum successores populos quos eruditiebant, verum etiam in testimonium bonae operationis miraculorum quoque signa verbis doctrinæ jungebant. Sed et usque in die, imo usque ad finem seculi, mulier fortis considerat agrum et emit eum, ac de fructu manum suarum plantat vineam; quia sancta Ecclesia semper sollicita perquirit quos ad fidem convertere possit, et quosunque dociles invenerit, hos, data verbi pecunia, in servitium Christi emit, atque in eis vineam Christi plantare vel potius eos vineam Christi facere satagit. Et quia quisquis alterum docere desiderat, primo ipse et a malis abstinere et bonis se debet actibus exercere, recte subjungitur:

Accinxit fortitudine lumbos suos, et roboravit brachium suum. Accinxit ergo Ecclesia lumbos suos fortitudine, cum supernorum desideriis intenta, carnalibus illecebris succumbere despexit. Roboravit brachium suum, cum se ad agenda virtutum opera preparavit. Et bene primo lumbos fortitudine accingere, ac postmodum robore dicuntur, quia nimur actioni boni operis acceptabilis esse Deo minime valet si non fluxa luxuriae quis prius a carne simul et mente restringat; unde propheta: Quiescite, inquit, agere perverse, discite bene facere (Isai. i); et Dominus ipse: Sint lumbi vestri præcincti, et lucernæ ardentes. Lumbi videlicet præcincti, ne luxuriae subdamini; lucernæ vero ardentes, ut bonis fulgeatis operibus.

Gustavit et vidit quia bona est negotiatio ejus: non extinguetur in nocte lucerna ejus. Quod ait, negotiatio ejus, agri utique significat illius de quo supra ait: Consideravit agrum et emit eum. Gustavit igitur Ecclesia sancta, gustavit anima quæque perfecta, id est, intimo mentis desiderio cognovit quia bona est negotiatio vita immarcessibilis, quam, relictis illecebris temporalibus, æternam mercemur in cœlis; gustavit etiam, id est, aperte didicit, quia bonum est per instantiam prædicandi quosunque vallet ad vitam veritatis adducere, atque ideo nullis tribulationum tenebris, nec ipsa morte post est [Forsan, retardari potest]. Lucerna nocte extinguitur, quamvis in die videtur ardere; quia, sicut Dominus ait, ad tempus credunt et in tempore tentationis recedunt (Luc. viii), sed et illorum nocte media extinguitur lucerna, qui veniente judice oleum charitatis in vasis præcordiorum suorum non habuisse probantur, dum perditio falsarum rumore virtutum, vera tenebrosorum huius tormenta factorum. Quod si noctem hoc loco, pro quiete volumus accipere, juxta hoc quod supra dicitur: Et de nocte surrexit, id est, ad operandum se post quietem præparavit, apte dicitur, quod lucerna sanctæ Ecclesie non extinguatur in nocte, quia et cum a negotio quiescit actionis vacat liberius luci supernæ contemplationis, cumque a publicis cessat operibus, curat se ardentius vel auditui sanctæ lectionis, vel laudibus mancipare divinis, juxta exemplum videlicet mulieris industriae, quæ non solum interdiu necessariis solet instare laboribus; sed et

A noctu sæpius accenso lumine lucernæ parilem rei familiaris agere curam.

Manus suas misit ad fortia, et digitis ejus apprehenderunt fusum. Fortia dicit perfecta in Christi charitate opera, quibus se gaudens Ecclesia, certa supernæ retributionis expectatione, subdidit, verbi gratia: Audistis quia dictum est, Diliges proximum tuum et odio habebis inimicum tuum, ego autem dico vobis, diligite inimicos vestros, benefacite his qui oderunt vos, etc. (Matth. v). Et de virginitate servanda: Qui potest capere capiat (Matth. xix). Et de contemnendis divitiis: Si vis, inquit, perfectus esse, vade quæ habes et da pauperibus, etc. (Ibid.). Nam populus Synagogæ, cui dictum est: Si volueritis et audieritis, bona terræ comedetis, tanto infirmior erat in opere justitiae, quanto minus spe perpetuae remunerationis erectus. At Ecclesia, quæ audit a Domino: Pœnitentiam agite, appropinquabit enim regnum cœlorum (Matth. iv), merito per hujus preceptionem dura quoque longanimiter suffert. Unde rursum de ejus fortitudine dicit: Regnum cœlorum rim patitur, et violenti rapient illud (Matth. x). — Et digitæ, inquit, ejus apprehenderunt fusum. Solent feminæ nentes fusum in dextera, colum tenere in sinistra: in colo enim lana involuta est, quæ filo ducenta et nendo transeat in fusum: Sæpe autem in Scripturis dextera vitam perpetuam, levæ præsentia Dei dona significat, opulentiam videlicet rerum, pacem temporum, sospitatem corporum, scientiam quoque Scripturarum et cœlestium perceptionem sacramentorum. Hæc et hujusmodi bona cum, Domino largiente, percipimus, quasi lanam colo involutam in levæ gestanus: at cum et pro amore cœlestium salubriter exercere incipimus, jam lanam agni immaculati de colo in fusum, de levæ in dexteram trajicimus. Quia de bonis nostri Redemptoris, de exemplis operum ejus stolam nobis gloriae cœlestis ac vestem charitatis nuptiale facimus. Digitæ namque quibus apprehendere fusum dicimur, ipsam intentionem discretionis, qua quæque operatur, insinuant. Ea nimur ratione quia nulla corporis nostri membra pluribus sunt distincta articulis ac flexibus apta quam digitæ. Quicunque ergo veraciter dicere cum Apostolo potest: Nostra enim conversatio in cœlis est, unde etiam salvatorem expectamus Dominum nostrum Iesum Christum (Philip. iii), hujus profectio digitæ dextri apprehenderunt fusum, quia discretione sedula pro æternis bonis laborare didicit. Et bene dicitur, apprehenderunt, ut vivacius comprehendentur quanto studio, quanta festinatione, in hujus vite incerto pro certis apud Deum premiis agere debeamus. Quid autem mulier fortis, id est Ecclesia sancta, vel anima quæque perfecta, per fusum intellectualem sit operata, subsequenter aperitur:

Manum suam aperuit inopi, et palmas suas extendit ad pauperem. Quod et de operibus eleemosynarum quæ generaliter fiunt in pauperes accipi potest; sed melius de verbo Dei, quod indumentum salutis animalium confert, intelligitur. De quo beatus Job' glo-

riatur, dicens : *Justitia induit me, et vestivi me sicut vestimento et diademe judicio meo (Job. xxix).* Aperuit autem Ecclesia manum inopi, cum mysteria fidei ignorantibus per operarios veritatis revelavit; palmas exteudit ad pauperem, cum longe lateque predicatores ad imbuendas aeternae salutis indigas nationes dispersit.

Non timebit domui suæ a frigoribus nivis, omnes enim domestici ejus vestiti duplicitibus. Frigora nivis corda sunt reproborum, perfidiae suæ torpore rigentia; de quibus ait Dominus : *Et quoniam abundarit iniqüitas, refrigescet charitas multorum (Matth. xxiv).* Quia ille utique nive [F. add. designatur] pessimus qui ob primæ superbiæ meritum de cœlo corruens in profunda tenebrarum, nihilominus se velut angelum lucis adhuc stultis ostentare præsumit, habitumque meritorum suorum candori niveo similem fraudium suarum nesciis prefert, quod quidem Donini et angelorum ejus est proprium in habitu niveo claritatem suæ designare virtutis. Non timebit autem Ecclesia domui suæ a frigoribus memoratae nivis, quia Domino pollicente credit quod portæ inferi non prævalebunt adversus eam. *Omnes enim domestici ejus vestiti duplicitibus,* et sapientia videlicet ad repellendas haereticas falsorum fratrum doctrinas, et patientia ad tolerandas apertorum hostium pugnas; vel certe vestiti sunt duplicitibus, quia promissionem habent virtutem nunc est, et futuræ : nunc in peregrinatione temporali, diviso auxilio ne deficiant adjuti: tunc in patriæ perpetis habitatione divinæ gratia visionis ut felices semper vivant allevati. Item domestici ejus induti ueste sunt duplice, una operis, altera mentis, fidei habentes factorumque velamina, et sacramentis, videlicet sui Redemptionis, imbuti, et informati exemplis; sic enim sit illud Apostoli : *Quicunque in Christo baptizati estis, Christum induistis (Gal. iii).* Possunt autem frigora nivis etiam tormenta aeterna intelligi, quæ igai et frigore mixta esse legimus, cum dicitur : *Ubi erit fletus et stridor dentium (Matth. viii).* fletum quippe oculis ignis et funus, stridorem vero dentibus solet frigus gignere; unde et beatus Job, de penitentia reproborum loquens aeternis, *ad calorem, inquit, nimium transibunt, ab aquis nivium (Job. xxiv).* Sed ab his Ecclesia domui suæ non temebit, quia quicunque pereunt, ad domum illius non pertinebant, nec ueste ipsius spirituali erunt induti, tametsi mysteriis ejus ad tempus videbantur instituti. Denique legimus in Evangelio, ejectum de domo convivii illius hominem qui uestibus operum immundis hanc intrare presumpserat, et in tenebras extiores, ubi esset fletus et stridor dentium, esse projectum: merito utique in frigora poenæ religatum, quia indumentum pietatis habere neglexerat.

Stragulatam uestem fecit sibi : byssus et purpura indumentum ejus. Stragulata uestis, quæ variante textura solet firmissima confici, fortia Ecclesiæ opera et diversa virtutum ejus ornamenta significat, de quibus Propheta in summi regis, viri videlicet illius, laude cecinit : *Astitit regina a dextris tuis in*

A vestitu deaurato, circumviciet varietate (Psal. xliv).

— *Byssus quoque et purpura indumentum ejus.* Byssus in castitate pure conversationis, purpura in effusione pretiosi sanguinis. Byssus namque candidi coloris est, purpureus autem color et de sanguine animantis quod purpura vocatur, efficitur, et ipso sanguinis habet speciem. Unde pulchre dictum est a Patribus quia sancta Ecclesia, electorum floribus vernans, in pace habet lilia, in bello rosas. Item quia byssus de terra virens oritur, sed per exercitationes longas et multis annis amissio humore ac viro nativo, ad decorum candidæ vestis perducitur, purpura autem regalis est habitus. Byssus indecitur Ecclesia, cum castigant corpora sua electi et servitutem subiecti; purpura autem, cum eamdem continentiam non ob favorem vulgi, sed pro acquirenda beatitudine regni perennis exercent. Sed hic virtutum habitus in praesenti quidem nescientibus videtur contemptibilis, sed in futuro qualis fuerit manifeste patebit. Unde pulchre in Apocalysi sua Joannes sanctorum se vocem audisse refert, dicentium : *Gaudemus et exsultemus, quia venerunt nuptiae Agni, et uxor ejus præparavit se, et datum est ei ut cooperiat se byssinum splendens, candidum. Byssinum enim, justificationes sunt sanctorum (Apoc. xix).*

Nobilis in portis vir ejus, quando sederit cum senioribus terræ. Vir sanctæ Ecclesie, vir cuiusque fidelis animæ, Dominus est, qui videbatur ignobilis, cum ante tribunal presidis staret judicandus, cum probara, flagella, sputa et ipsam crucis mortem suscipieret; sed nobilis apparabit cum venerit judicatarus orhem in æquitate et omnes angeli cum eo; tunc sedebit, inquit, in sede majestatis suæ, et congregabuntur ante eum gentes, et separabit ab invicem, et reliqua. Nobilis, inquit, in porta vir ejus, quia veteres in portis sedere ad judicandum solebant, ut venientes ad civitatem aliunde paratum continuo responsum judicantis acciperent, et nec rusticos vel pastores insolita urbis ædificia stupefacerent, nec rursum pacem urbis intrinsecam frequens litigantium controversia sedebat. Nobilis ergo erit Dominus in portis sue civitatis, quia qui etiam nunc contubernendus putatur a multis, ubi seculi finis adfuerit, ubi ingressum patriæ coelestis aperuerit electis, jam cunctis patebit sublimis. Sedebit autem cum senatoriis terræ, illis videlicet quibus ipse promulgit dicens : *Amen dico vobis quod vos qui secuti estis me in regeneratione, cum sederitis filii hominis in sede majestatis suæ, sedebitis et vos super sedes duodecim, iudicantes duodecim tribus Israel (Matth. xiv).*

Sindonem fecit, et vendidit, et cingulum tradidit Chananeo. In linteo sindonis subtilis intextio signatur sanctæ prædicationis, in qua molliter quiescit, quia mens in illa fidelium spe sempiterna refovetur; unde et Petrus animalia in linteo demonstrantur, quia peccatorum animæ, misericorditer aggregatae, in blanda fidei quiete continentur. Haec ergo sindonem fecit, et vendidit, quia fidem, quam credendo texuerat, loquendo dedit, et ab infidelibus vitam

rectae conversationis accepit; quæ et Chananæo cingulum tradidit, quia per vigorem demonstratæ iustitiae fluxa opera gentilitatis destruxit, ut hoc quod præcipitur vivendo teneatur: *Sint lumbi vestri præcincti* (Luc. xii). Bene etenim nomine Chanaan, qui et gentilium populum procreavit, et interpretatur *commutatus*, conversa ad fidem gentilitas designatur, quæ, scieissima commutatione, a vitiis ad virtutes, a diabolo transmigravit ad Christum; unde et in ejusdem laudem psalmes quadragesimus quartus scribitur, cuius titulus est: *In finem, pro his, qui commutabuntur, filii Core, canticum pro dilecto.** Filii autem Core, filii Calvariae interpretantur, qui sunt filii Dominicæ crucis, dicentes: *Mihi absit gloriari, nisi in cruce Domini nostri Jesu Christi* (Gal. vi). Quomodo autem commutentur sequentia psalmi ejusdem docent, ubi dicitur ipse, id est Dominus, scilicet Ecclesiæ dicit: *Audi, filia, et ride, et inclina aurem tuam, et obliviscere populum tuum et domum patris tui.* Commutari namque illam desiderat, quam, ut aliam habere valeat, domum patris prioris, id est hostis antiqui, jubet obliisci.

Fortitudo et decor indumentum ejus, et ridebit in die novissimo. Fortitudo ad telerandam perversorum improbitatem, decor ad exercendam virtutum gloriam: decor, quia operatur iustitiam; fortitudo, quia persecutionem patitur propter justitiam: et ideo ridebit in die novissimo, id est, gaudebit in retribuzione regni coelestis, quæ dolebat in certamine vite præsentis. Mos etenim Scriptura est pro gaudio risum ponere, sicut et Dominus ait: *Beati qui nunc fletis, quia ridebitis* (Luc. vi); et beatus Job: *Os autem veracum replebitur risu.* Similem sane huic sententiam Prophetæ de Domino ac salvatore hujus fortissimæ mulieris posuit, dicens: *Dominus regnavit, decorum induit, induit Dominus fortitudinem* (Psal. xcii). Cum enim prædicaret Evangelium regni, aliis placebat, aliis dispicebat; alii bene loquebantur, alii detrahebant, lacerbant, mordebant, conviciabantur; ad eos ergo quibus placebat, decorum induit; eos quibus dispicebat, fortitudinem. Imitare ergo et tu Dominum tuum, ut possis esse vestis ipsius; esto cum decore ad eos quibus placent bona opera tua, esto fortis adversus detractores.

Os suum aperuit sapientia, et lex clementia in lingua ejus. Ad hoc tantum loquens os aperuit ut sapientiam doceret, iuxta illud Apostoli: *Omnis sermo malus ex ore vestro non procedat, sed si quis bonus ad ædificationem fidei, ut det gratiam audientibus* (Ephes. iv); vel certe os cordis aperuit ad discendam ab ipsa sapientia interius veritatem, quam alios foras doceret. Utrique autem sensui, quia utrumque facit Ecclesia, concinuit apte quod sequitur: *Et lex clementia in lingua ejus, illa videlicet, ut non statim more legis Mosaice, peccantes puniret, cuius exemplum clementia ab ipsa Dei sapientia Domino et Salvatore nostro manifeste percepit, cum oblata ei peccatrice muliere: Si quis, inquit, sine peccato*

* Videtur aliquid decess.

A est, primus in illam lepidam mittat (Joan. viii), et sic eam criminè quod patrarát, sub conditione aūpliū non peccandi, miseratus absolvit.

Considerávit semitas domus suæ, et panem otiosa non comedit. Semitas domus suæ considerat, quia cunctas suæ conscientiæ cogitationes subtiliter investigat. Panem otiosa non comedit, quia hoc, quod de sacro eloquio intelligendo percepit, ante aeterni judicis oculos exhibendo, a patre coelestis. Semitas domus illius præcepta iustitiae, quibus ad aeternam vitam mansionem pervenitur: quas profecto semitas anima bene considerat, cum et diligenter quibus actibus ad superna perveniri debeat inspicit, et quæ agenda didicit sedula exercere nos desinit. Panem quoque otiosa bona comedit, cumi sacrificium Domini corporis percipiens studet imitari actu quod in mysterio celebrat, multum sollicita ne indigne panem Domini comedendo et calicem bibendo, iudicium sibi manducet et bibat; sed ut patiendo pro Christo ac lacrymas fundendo, bonis quoque actibus insistendo, passionem et exempla ipsius quantum valet, sequatur. Potest et simpliciter accipi quod panem otiosa non comedit mulier fortis, iuxta illud Apostoli: *Qui non operatur, nec manducet* (I Thes. iii), et ipse de se, Quoniam ad ea que mihi opus erant, et his qui mecum suat, ministraverunt manus istæ. Unde merito luxuriantes viduas arguens adjungit: *Simil autem et otiose discunt circumire domos* (I Tim. v), non solum otiosæ, sed verbosæ et curiosæ.

C Surrexerunt filii ejus, et beatissimam prædicarunt, et vir ejus laudavit eam. Quod futurum pro certo noverat more propheticæ quasi jam factum refert: surgent enim filii Ecclesiæ, videlicet omnes electi, in novissimo carnis mortalitate donati, et tunc matrem suam, quæ eos ex aqua et Spiritu sancto genuit, beatissimam prædicant, quæ nunc ab infidelibus quasi misera contemnitur; et revera, sicut Apostolus ait (I Cor. xv), *Si in hac vita tantum sperantes sumus in Christo, miserabiliores sumus omnibus hominibus;* quia vero pro vita alia in præsenti militamus, merito cum apparuerit quid erimus, matrem nostram, quæ ex omnibus justis collecta, una Christi columba, sponsa et amica vocatur, beatissimam prædicabimus. Surget et vir ejus, et laudabit eam, dicens in iudicio: *Venite, benedicti Patris mei, possidete paratum vobis regnum a constitutione mundi: esuriri enim et deditis mihi manducare, etc.* (Matth. xxv). Qui quidem ipse primitiæ dormientium resurrexit a mortuis, sed in die iudicii manifestius omnibus quos sua laude dignos judicaverit, quanta sit ejusdem suæ resurrectionis gloria demonstrabit. Potest etiam hoc quod dicitur, surrexerunt filii ejus, et beatissimam prædicaverunt, et etiam in hoc tempore convenienter accipi, cum quilibet fidelium, transcensis sæculi æterni, ad coelestia regna perducuntur; sedere namque ad humanizationem aliquos, surgere ad glorian pertinet; unde dicitur, *olim in cilicio pœniterent, id est, hu-*

miliati; et propheta: *A facie manus tuæ sedebam solus, quia comminatione replesti me* (Jerem. xv); sed et Psalmista: *Vanum est vobis ante lucem surgere, surgit postquam sederitis, qui manducatis panem doloris* (Psal. cxxvi), quod est aperte dicere, Quid in præsenti queritis gaudere, quod electis in futuro reservatur? Non enim potestis in hac vita, id est, ante lucem supernae retributionis, gloriam veræ felicitatis habere: quin potius postquam hic humiliati fueritis ad tempus, illuc vos in perpetuum veraciter exaltandos sperate, vos quibus amarum est omne quod sæculi amatoribus jucundum videtur et dulce. Surgunt ergo filii Ecclesiæ, et beatissimam prædicant, cum colestibus bonis sublimati, quanta sit illius patriæ beatitas, cuius participes esse meruerunt, aspiciunt, et hanc debita laudatione in diuina visione concelebrant: laudat eam et vir ipsius, cum bona quæ ipse donavit remunerat. Quibus autem verbis eam laudet consequenter ostenditur, cum dicitur:

Multæ filiæ congregaverunt divitias, tu supergressa es universas. Multas filias ecclesiæ dicit hereticorum et malorum turbas catholicorum, quæ filiæ dicuntur vel Christi vel Ecclesiæ, quod etiam ipsæ sunt Dominicis renatae sacramentis, et adoptionem filiorum quam custodire coeperunt [F. omitt. rennerunt]; unde et Joannes ait: *De nobis exierunt, sed non erant ex nobis.* Quæ congregaverunt divitias, videlicet bonorum operum, orationes, jejunia, eleemosynas, afflictionem et castimoniam carnis, continentiam lingue, meditationem Scripturarum et cætera hujusmodi, quæ sunt vera divitiae spiritus, ubi pura mentis simplicitate geruntur; ubi autem sine fide, quæ per dilectionem operatur, sunt, nihil agentibus præsunt. Sed et illæ filiæ frustra congregarunt divitias, de quibus Dominus ait: *Multi dicent mihi in illa die, Domine, Domine, nonne in nomine tuo prophetavimus? et in tuo nomine daemona ejecimus? et in tuo nomine virtutes multas fecimus? et tunc confitebor illis quia nunquam novi vos* (Matth. vii); sed omnes istiusmodi filias Ecclesia catholica supergreditur, quæ fide casta et opere perfecta, Redemptoris sui vestigia sectatur.

A *Fallax gratia, et ðana est pulchritudo: mulier timens Dominum ipsa laudabitur.* Fallax est gratia laudis, quam ab homine accipit, vana pulchritudo castitatis vel operationis bonæ, quam hominibus ostendit anima quæ timore caret divino; at illa conscientia vera est laude digna, quæ timorem Dei in omnibus servat, ipse est enim principium cunctarum custosque virtutum, Scriptura cœcente: *Timor Domini principium sapientæ* (Prov. i); et iteram: *Qui timet Deum, nihil negligit.* Hinc est enim quod ideo beatus Job et in prosperitate virtutibus incomparabiliter floruit, et in adversitatibus insuperabilis hosti permansit, quia veraciter dicere potuit, Semper enim quasi timentes super me fluctus timui Deum et pondus ejus ferre non potui. Fallax est ergo simulatorum gratia, vanus decor operis studiorum, Ecclesia autem, quæ in timore incolatus sui tempore conservatur, quoniā ardentis virtutum lampadas venienti ad judicium suo Sponso offert, jure ab eo laudata januam cum eo regni colestis intrabit. Qualiter autem eam laudet, terminali versu docetur:

Date ei de fructu manuum suarum, et laudent eam in portis opera ejus. Ilæc sunt enim verba viri illius, de quo dictum est: *Vir ejus et laudabit eam,* id est, Dei et Salvatoris nostri, qui angelis in fine præcepturus est ut Ecclesiam post bujus vitæ certamen, post triturationem afflictionum terrestrium, ad colestis regni gaudia introducant, ac vitæ immortalis sibi sociam aggregent, juxta illud evangelicum:

C *Triticum autem congregate in horreum meum* (Matth. i). — *Date,* inquit, *ei de fructu manuum suarum,* quia fructum spiritus ferre curavit, charitatem, gaudium, pacem, benignitatem, bonitatem, modestiam, continentiam, fidem, patientiam, pro hoc illi debitam rependite mercedem. *Et laudent eam in portis,* hoc est, in judicio, sive in ingressu patriæ colestis, non hominum favores supervacui sed opera ipsa quæ feci, examinante, probante ac remunerante illo cujus hæc donante gratia perfecit: a quo ut laudari mereamur in futuro concedat ipse propitius, nos eum dignis in præsenti vita collaudare serviis. Amen.